

نفس دی جنگ از توحید دے موتی

سلوک طریقت
تبرکات معرفت

عبادت ہے ایہو بالم نفس جنگ کرنا
نفس الٹ پڑھاندا بانیاں نی

مَنْ عَرَفَ نَفْسَهُ فَقَدْ عَرَفَ رَبَّهُ ۝

نفس دی جنگ

از

توحید دے موتی

لکھاری:

حضرت سائیں عبدالعزیز المعروف بابا بالہ قادری قلندری نوشاہی عبداللہ
شاہی

خلیفہ مجاز:

حضرت پیر سید عبداللہ شاہ صاحب طبیب روحانی حسنی و حسینی گیلانی قادری
قلندری نوشاہی

جامعہ چشتیہ چوک فیصل آباد

نام کتاب : نفس دی جنگ از توحید دے موتی

لکھاری : حضرت سائیں عبدالعزیز المعروف بابا بآلم قادری قلندری نوشاہی عبداللہ شاہی

ناشر، مرتب : محمد یونس چوہدری قادری قلندری نوشاہی عبداللہ شاہی

کمپوزنگ : حسن شیر (مون)

اشاعت دوم : فروری، 2015

ہدیہ :

تعداد : 1000

ملن داپتہ : 1۔ فقیراؤلی نورالہدیٰ صاحبزادہ حضرت پیر سید ابرار حسن شاہ صاحب گیلانی قادری قلندری
نوشاہی عبداللہ شاہی

سجادہ نشین

درگاہ حضرت پیر سید عبداللہ شاہ صاحب گیلانی طیب روحانی سرکار

جامعہ چشتیہ چوک فیصل آباد

2۔ محمد یونس چوہدری قادری قلندری نوشاہی عبداللہ شاہی سجادہ نشین درگاہ بابا بآلم قلندر سرکار

17۔ انجینئری روز مصطفیٰ آباد لاہور

موبائل 0300-4290558

Web Mail: www.facebook.com/bababalumsarkar

twitter.com/bababalumsarkar

بِسْمِ اللّٰهِ الرَّحْمٰنِ الرَّحِیْمِ

اسم پاک اللہ رحمن و رحیم دے جیہذا سب تے مہربانی کرن والا اے

الْحَمْدُ لِلّٰهِ رَبِّ الْعَالَمِينَ

سب تعریفاں اللہ دے واسطے جیہذا سارے جہاناں واپروردگار اے

لکھ لکھ حمد ثناء اس خالق حقیقی نوں جیہذا صبح توں لیکے شام تک تے شام توں
لیکے صبح تک بنی نوع انسان نوں اپنے انعام و اکرام دے نال نوازا دا اے۔

=====

بلغ العلیٰ بکمالہ کشف الدجیٰ بجمالہ
حسنت جمیع خصالہ صلّو علیہ وآلہ

بزمِ پاک محمد علیہ السلام

لولاک لما خلقت الافلاک و فی روایت لولاک لما اظهرت الربوبیت
نہ پیدا کر دالے محبوب محمد ﷺ تے البتہ میں ظاہری نہ کروا اپنی ربوبیت نوں
یعنی تہاڈی خاطر ای دواں جہاناں نوں پیدا کیتا اے

=====

بزمِ پاک حضرت علیؑ کرم اللہ وجہہ

جانے یا علیؑ شاہِ مرداں

جہناں دسیاں اے راہِ مرداں

حیدر صفدرؑ حیدر صفدرؑ حیدر صفدرؑ

نفسِ پیغمبرِ ہادی رہبرِ ہادی عالم

خلقِ مجسمِ نورِ مکرم سیدِ سرور

مخزنِ حکمتِ شانِ عبادتِ

تاجِ عدالتِ کانِ سخاوت

پیٹِ موسیٰؑ تقویٰ عیسیٰؑ اطاعتِ یحییٰؑ

عابدِ اکبرِ ساقیِ کوثر

حیدر صفدرؑ حیدر صفدرؑ حیدر صفدرؑ

ایس کتاب نوں اسیں چوہدری محمد یونس صاحب دے وڈے صاحبزادے علی ارسلان چوہدری دے ناں نال منسوب کرنے آں جیہڑے جولائی 2000 وچ اک حادثے اچ وصال کر گئے۔ اللہ تعالیٰ انہاں نوں جنت وچ جگہ دے۔

حضرت سید پیر ابرار حسن شاہ گیلانی قادری قلندری نوشاہی، عبد اللہ شاہی

نوٹ:

نفس دی جنگ، کا یہ دوسرا ایڈیشن چھپوایا ہے پہلے ایڈیشن کا کچھ کلام شامل نہیں کر سکے اور کچھ کتابت کی غلطیاں بھی تھی جو کہ درست کر دی گئی ہیں اس کے علاوہ کلام میں قرآنی آیات اور احادیث مبارکہ کا اضافہ بھی کیا گیا ہے آیات اور احادیث مبارکہ کو کافی احتیاط کے ساتھ لکھا گیا ہے پھر بھی اگر کوئی کمی بیشی رہ گئی ہو تو اس کے لیے پیشگی معذرت طلب کرتے ہیں علاوہ ازیں زیر، زبر کا فرق ہو تو ہمیں اپنی قیمتی آراء سے آگاہ ضرور کریں۔

یہ کتاب میں نے اپنے پیر و مرشد فقیر ادنیٰ نور الہدیٰ صاحبزادہ حضرت پیر سید ابرار حسن شاہ گیلانی کے حکم و آمر سے مرتب کی اور چھپوائی ہے۔

بشکریہ:

محمد یونس چوہدری

پیش لفظ

تاریخ گواہ اے کہ تہذیب انسانی دے بدلاؤ وچ باقی عناصر دے نال نال
پیراں فقیراں دے عارفانہ کلام نوں وی اک خاص اہمیت حاصل رہی اے۔ انسانی
عقل نے جس طرح سائنسی ترقی وچ نویاں راہواں کھولیاں نیں ایسے طراں مرشداں
نیں وی معرفت دیاں بڑیاں سوکھیاں راہواں دسیاں نے جہاں راہواں تے چل
کے انسان اپنے رب نوں پاسکد اے۔

ایس کتاب نوں لکھ کے چھوان دا مقصد وی انسان دی عقل تے شعور نوں بیدار
کرنا اے۔ ایس کتاب اندر خاص طور تے نفس جنگ دی شعری انداز وچ بحث کییتی گئی
اے نفس تے روح دا جھگڑا، تے اللہ تعالیٰ دے نبی پاکؐ دل جان والیاں رستیاں دا
روح پرور نظارہ پیش کیجا گیا اے۔ ایس کتاب نوں پڑھدے ہوئیاں تانوں بابا بلھے
شاہ، تے حق سلطان باہو جے عارفانہ دی یاد تازہ ہو جائے گی جیڑا عارفانہ کلام سائنس
عبدالعزیز المعروف بابا بالم قادری نوشاہی عبداللہ شاہی نے بڑی آسان تے سہل
ہنجابی وچ بیان کیجا اے۔

یا سر عثمان چوہدری

17۔ انفینٹری روڈ مصطفیٰ آباد لاہور

فون نمبر 0300-4201868

=====

گنج بابا بالم قلندر دے بارے

حضرت سائیں عبدالعزیز المعروف بابا بالم قادری قلندری نوشاہی عبداللہ شاہی

سن ولادت 1920ء وصال 2001ء

انسانی زندگی دے کمال دیاں مثالیں اولیاء کرام دے ہی حالات قد سید وچ مل
دیاں نے اولیاء کرام نہ صرف صاحب کرامت ہندے نے بلکہ صاحب علم و عمل وی
ہندے نے، تقویٰ طہارت وی ایہناں نوں حاصل ہندی اے جیہڑے دنیا نوں اپنی
ہتھیلی اُتے دیکھ لیہدے نے۔ قرآن وچ اللہ تعالیٰ فرماندے نے

الْم ۞ ذٰلِكَ الْكِتَابُ لَا رَيْبَ فِيْهِ هُدًى لِّلْمُتَّقِيْنَ ۝

ترجمہ: (الم) بے شک اس کتاب وچ کوئی شک نہیں، اور ایہ کتاب متقیان واسطے ہدایت
اے۔

ہن ساڈا ایمان کامل اے کہ قرآن مجید اللہ پاک دی آخری کتاب اے جیہڑی اللہ
دے حبیب اُتے ساڈے آقا سرکار دو عالم دے وسیلے نال ساڈے تک پہنچی ایس
کتاب دا ہر مسلمان واسطے پڑھنا ثواب اے رحمت اے تے شفاء اے تے ہدایت
اے ہن بندہ ایس نوں پڑھ کے تے رحمت شفاء تے ثواب حاصل کر سکدا اے پر
ہدایت لین واسطے بندے نوں وسیلے دی ضرورت اے تے اوہو ہدایت لین لئی
ناطبق قرآن یعنی انعام یافتہ ول جانا پیندا اے اے جیہڑا بندے نوں اپنی نظر کرم نال
نواز دیندا اے بابا بالم وی انہاں ای متقی تے پرہیزگار درویشاں چوں اک درویش
نے۔

میرے تایا سائیں عبدالعزیز المعروف بابا بالم ایس زمانے دے اُچے درویشاں

چوں نے اوسن 1920ء نوں ضلع گرداسپور تحصیل بٹالہ تے پنڈ قلعہ ٹیک سنگھ وچ پیدا ہوئے انہاں دے والد داناں مہر میراں بخش سی ساڈا تعلق آرائیں قبیلے نال اے۔

بابا بلم دی پیدائش واقعہ ایس طراں اے مہر میراں بخش دے گھر شادی دے کئی ورے گزرن تک اولاد نہیں ہوئی تے او کجھ پریشان رہن لگ پئے انہاں دے پنڈ دے باہر اک بزرگ جھگی دے وچ رہندے سن اک دن مہر میراں بخش اپنے ٹبرنوں نال لے کے تے انہاں درویشاں دی خدمت وچ حاضر ہوئے تے اپنی عرض گزاری انہاں بزرگاں نے انہاں دے ٹبرنوں اپنے مٹی دے پیالے وچوں چار دانے کچے چاولاں دے دتے کنیا دھیئے اے کھالے تے انہاں دے ٹبرنے دانے کھائے تے انہاں بزرگاں نے مہر میراں بخش نوں فرمایا جا کا کا تیرے گھر رب دو پتر تے دو دھیاں دے گا۔ پتر دوئیں درویش ہون گے انہاں بزرگاں دی گل چچی ہوئی تے مہر میراں بخش دے گھر چار بچے پیدا ہوئے دو پتر تے دو دھیاں۔

سائیں عبدالعزیز سب توں وڈے سن تے فیر سائیں عبدالرحمان پیدا ہوئے دوئیں درویش ہوئے۔ اتھے میں اس گل داوی ذکر کر دیاں کہ میرے پردادا مہر شہزادہ ہوناں نوں وی اک درویش نے دُعادت سی کہ تیرے کنبے ج ہر دوسری نسل ج اک درویش ضرور ہوئے گا شاید ایس دُعادی وجہ توں ساڈے سارے کنبے نوں بٹالہ توں لے کے تے ہن تک بابیاں دا کنبا کہندے نے سائیں عبدالعزیز ہوناں نوں سکول داخل کرایا گیا لیکن انہاں دا پڑھائی ول ڈراوی دھیان نہیں سی تے۔ او پڑھائی چھڈ کے اپنے والد نال وائی نیجی کرن لگ پئے۔ تے کچھ عرصے بعد اولاد ہو نو کر لی

آئے تے بیکو کمپنی وچ جدے مالک وی ساڈے بٹالہ دے سن ایس حوالے نال او بیکو
 وچ ملازم ہو گئے۔ اوس دے بعد انہاں دی شادی انہاں دے خاندان وچ کر دتی
 گئی۔ اک دن او اپنی فیکٹری دے کسے واسطے لاہور توں جالندھر گئے تے او تھے
 انہاں نے اچانک حضرت سید عبداللہ شاہ صاحب نوں ویکھیا تے نہاں دے قدماں
 وچ بیٹھ گئے۔ تے انہاں نے بڑی عنایت کیتی تے انہاں نوں اپنا مرید کرنتا۔ تے فیر
 پاکستان بن گیا تے اجاڑے پے گئے پنجاب وٹیا گیا ساڈا سارا کنبہ میرے دادا مہر
 فروز دین دی سربراہی وچ ہجرت کر کے پاکستان آ گیا تے اسٹھ آ کے پورا کنبہ تقسیم
 ہو گیا کیونکہ ساڈے پورے کنبے نوں اک جگہ تے زمین الاٹ نہیں ہوئی لیکن میرے
 دادا تے انہاں دے دوسرے چار بھراواں نوں ستیانہ چک نمبر 34 وچ زمین الاٹ
 ہوئی تے سائیں عبدالعزیز ہوناں نوں وی او تھئی زمین ملی۔

سائیں عبدالعزیز ہوناں دے پیر و مرشد حضرت سید عبداللہ شاہ صاحب دی
 ہجرت کر کے پہلے ساہیوال تے فیر اوتھوں فیصل آباد مائی دی جھنگی آ کے ڈیرا لایا
 سائیں عبدالعزیز ہوناں اپنے مرشد نال بے پناہ عشق کیتا جدی جھنگ انہاں دے
 کلام وچ بہت جگہ سائیں ملدی اے۔

جیویں۔۔

میرے گر عبداللہ ساقی نوں مست بناونے آندے نہیں
 اکھیاں دے وچ اکھیاں پا کے بے خودی دے جام پلانے آندے نہیں

مگر عبداللہ دے بلہاری
یالم چا دے سو سو واری

حضرت عبداللہ شاہ صاحب ہوناں نیں وی سائیں عبدالعزیز دے بڑا کرم کیتا
تے اونہاں نوں اپنی خلافت توں سرفراز فرمایا۔ نال ای بابا یالم دے ناں توں پکاریا۔
ایس توں بعد اوسائیں عبدالعزیز وی بجائے بابا یالم دے ناں توں ای مشہور ہوئے۔
بابا یالم شروع توں ای پنجابی وچ شعر کہندے سن چونکہ خود لکھ نہیں سکدے سن تے
ایس وجہ توں اونہاں دے پیر بھنیاں تے مریداں نے آپ دے شعر لکھنے شروع
کیتے حضرت پیر عبداللہ شاہ صاحب بابا یالم دا کلام بڑے شوق نال سندے تے داد
دیہندے سن۔

بابا یالم ہوناں نے اپنے کلام وچ رب دے اسرار نوں بڑے سوکھے تے
نویکے لفظاں وچ پیش کیتا اے۔ انہاں داسارا ای کلام دل موہ لیہدا اے۔
بابا یالم صاحب 1980ء وچ بیکوفیکٹری توں ریٹائر ہو گئے۔ تے اوس تو بعد
انہاں س راعرمہ پنے مرشد دی یاد وچ گزاریا 1998ء وچ آپ صاحب فراش ہو
گئے تے میں کوشش کیتی کہ۔ ہسپتال وچ داخل کرا کے آپ دا علاج کرایے مگر اونہاں
سائیں لوکاں نے ایہ جواب دے کہ نال دتا کہ علاج دی ضرورت نہیں جنہیں بیمار کیتا
اوہ دیکھ رہیا اے۔

شاید انہاں جیسے درویشاں بارے ہی علامہ اقبالؒ نے فرمایا:
قدرت کی عطا کردہ ہے یہ شایہ فقیری
حالات کے قدموں میں قلندر نہیں گرتے

گرتے ہیں بڑے شوق سے سمندر میں دریا

لیکن کبھی دریا میں سمندر نہیں گرتے

جتنے بہت سارے من والے انہاں کول آوندے رہے تے خدمت کردے
رہے حضرت پیر ابرار حسن شاہ صاحب وی اونہاں دے کول آوندے رہے، مگر حکم
خداوندی سی کہ بابا بالم صاحب ایس جہان توں اپنے حقیقی رب نال ملاقات لئی چلے
گئے۔ انہاں دامزار قبرستان حضرت میاں میر صاحب وچ تعمیر کیتا گیا۔

بابا بالم دامزار بناون وچ اوہناں دے پیر و مرشد حضرت سید عبداللہ شاہ طیب
روحانی دے صاحب زادے حضرت سید پیر ابرار حسن شاہ صاحب نے بڑی دلچسپی
نال رہنمائی فرمائی۔

حضرت سید پیر ابرار حسن شاہ صاحب خانوادہ اولیاء نال تعلق رکھن دی بنا توں
قابل احترام تے ہیں مگر اوہناں دا اپنا ذاتی وقار وی خدا نے بہت بلند کیتا اے اور اوہ
مخلوق خدا دی بے لوث خدمت واسطے ہر وقت تیار رہندے نیں۔ پیر ابرار حسن شاہ
صاحب نے بابا بالم دا کلام اکٹھا کرن وچ تے ایہوں ترتیب دین وچ بڑی مدد اور
رہنمائی فرمائی اے، ایہناں کاوشاں دا ای نتیجہ اے کہ آج ایس بابا بالم دے کلام نوں
کتابی شکل دین وچ کامیاب ہوئے آں۔ میرے تے بابا بالم قلندر سرکار نے خاصا
کرم کیتا اے اپنے دربار دا خادم مقرر کیتا اے۔ مینوں ایہ اعزاز حاصل اے کہ
بابا بالم تے سائیں ایس پی دونوں میرے گھر آوندے سن، سائیں ایس پی تے بس
اک اوہا دن رہندے سن مگر بابا بالم کافی دن میرے گھر رہندے سن اوہ اپنے آپ

وچ گن رہندے سن بہت بولدے نہیں سن، جدوں کدھے او موڈ وچ ہوندے فیر
تھوڑی دیر لئی محفل لگدی سی، نالے بابا بالم صاحب داکلام سنن داسو ق ملد اسی۔ اتھھے
میں بابا بالم دے چھوٹے بھائی سائیں عبدالرحمن دا ذکر وی ضروری سمجھنا واں ویسے
تے اوہ بہت سادہ طبیعت سن مگر بابا بالم دی طرح بالکل خاموش نہیں سن بلکہ ساریاں
نال گھل مل جاندے سن جدوی او میرے گھر آندے دروازے وچوں ای حیدر صفدر
حیدر صفدر دا غرہ مار دے سن اوہ بڑے خوش مزاج تے نالے ملنسا سن۔

سائیں ایس پی صاحب خود فرماندے سی کہ میں دس پیر پھڑے سب دی بہت
خدمت کیتی مگر سب نوں ایہو ای کہیا کہ نہ مینوں ول دچاہی دی اے تے نہ ہی دولت
بس جو کجھ حاصل کرن دی مینوں تمنا اے بس اوہی عنایت کرو مگر دساں (10) پیراں
نیں مینوں جواب دے دیتا کہ بچو اجو کجھ تینوں چاہی دا اے اوہ ساڈے کول نہیں،
ایس طرح میں بے مرادی واپس آ جاند اسی۔ ایک دن وڈھے بھائی بابا بالم نے فرمایا
کہ عبدالرحمن سب کجھ چھڈتے میرے مرشد سید عبداللہ شاہ صاحب کول مائی دی جھگی
فیصل آباد چلا جا تیرا کم اتھھے ضرور بن جائے گا۔ میں اتھ قاکے کم نال فیصل آباد گیا
تے میں سوچیا کہ اتھھے پائی بالم صاحب دے پیر و مرشد ہیگے نے کیوں نہ اوہناں کول
جایا جائے، لہذا میں اگلے دن مائی دی جھگی اوہناں دے آستانے تے چلا گیا اوس
وقت رات دے دس بج رہے سن میں اتھھے بیٹھے ملنگاں توں کچھ پیتے اوہناں نے
دسیا کہ باباجی تے گھر چلے گئے نے تے ہن آپ صبح فجر دے وقت آون گے، میں
ملنگاں نوں آکھیا کہ میں لاہور توں آیا واں تساں باباجی نوں پیغام دیوا اگر آجان تے
ٹھیک ورنہ میری قسمت، فیر ایک ملنگ مینوں نال لیکے باباجی دے گھر ول روانہ ہو یا

اوس ملنگ نے دروازہ کھٹکایا تے اندروں آواز آئی کون؟ ملنگ نے دسیاں کہ لاہوروں ایک مہمان آیا اے۔ باباجی نے دروازہ کھولیا، اوہناں نے اک ہتھ وچ کھوٹدی تے دوسرے وچ لالٹین پھڑی ہوئی سی، اوہناں نے لالٹین میرے منہ دے کول کیتی تے آکھیا اوئے ایس پی توں ہن آیا ایس اسی تے بڑی دیر توں تیرا انتظار پہ کر دے ساں، فیر اوہناں نے ملنگ نوں کہیا کہ ایس مہمان نوں آستانے تے بٹھاؤ اسی آرہے آں، ادسے رات سرکار حضرت سید پیر عبداللہ شاہ طبیب روحانی نے نظراں دے جام پلائے کہ اکورات وچ ہی میرا کم بن گیا تے اوس دن ہی میں عبدالرحمن دی بجائے سائیں ایس پی دے ناں توں مشہور ہويا۔

تے فیر باباجی نے آکھیا کہ سائیں ایس پی تہڈے بابے نے ساڈھے بابے نوں 12 سال نیچیا سی پر اسی تینوں اکورات وچ ای پار کردتا، شاید اوہناں دا اشارہ بابا بلھے شاہ دے ولے سی، کیوں کہ بابا بلھے شاہ سید سن تے بابا شاہ عنایت آرائیں سی مگر اتھے معاملہ ذرا الٹ ہو گیا کہ میں آرائیں تے مرشد سید نے۔

ایس کتاب نوں کمپوز کرن وچ میرے پتریا سر عثمان چوہدری نے تے حسن شبیر (مون)، تے حافظ برہان عزیز نے میری مدد کیتی اے میں انہاں دا بہت شکر گزار آں۔

بابا بالم ہوناں دا عرس مبارک ہر سال عیسوی مہینے نومبر دی 14، 15، 16 تاریخ نوں اوہناں دے دربار شریف قبرستان حضرت میاں میر صاحب تے ہوندا اے۔

تہاڈیاں دعاواں دا طالب
 محمد یونس چوہدری قادری قلندری نوشاہی عبداللہ شاہی سجادہ نشین دربار عالیہ بابا یالم سرکار
 17۔ انجینٹری روڈ مصطفیٰ آباد لاہور۔

سویاتل 0300-4290558



فقیر اولیٰ نور الہدیٰ: صاحبزادہ حضرت سید پیر ابرار حسن

شاہ گیلانی صاحب

سائیں عبدالعزیز المعروف بابا بالم میرے واند گرامی حضرت سید عبدالقدشہ صاحب طیب روحانی دے چند پرانے تے نالے ذی مرتبہ مریداں وچوں اک نے۔ آپ اپنے مرشد نال والہانہ عشق کر دے سن جدی جھلک سنانوں آپ دے کلام وچ وی نظر پئی آؤندی اے۔ اسیں چھوٹے ہندے ساں جدوں بابا بالم ولد صاحب کول آن کے بیٹھدے سن تے اسی اوہناں دا کلام بڑے شوق نال سن دے ساں۔ والد صاحب اکثر لاہور بابا بالم دے کول آندے سن تے میں وی اوہناں دے نال آندا سی جدوں گڈی لاہور دے وچ داخل ہوندی سی تے والد صاحب کہندے سن کہ ابرار اپنا سامان دروازے کول کر لے، بابا بالم نیں گڈی بادای باغ اسٹیشن تے نہیں جان دینی، فیر اوہی ہوندا کہ گڈی اسٹیشن توں کافی باہر بابا بالم صاحب دے گھر دے سامنے رُک جاندی تے اسی اُتر جاندے ساں۔ اوہناں دا گھر تھوڑی دوری تے اسی سی پنج منٹ داراہی تے ایہہ اک داری نہیں بلکہ کئی داری ہو یا سی۔

بابا بالم صاحب آج دے دور دے بڑے عظیم درویشاں وچوں نیں جہاں نے اپنے کلام دے ذریعے بہت سارے معاشرتی مسئلیاں تے شریعت طریقت تے معرفت تے نہ صرف بحث کیتی اے بلکہ ایہناں مسئلیاں تے قابو پالین دے آسان طریقے وی دے نے۔ بابا بالم بڑے محبت کرن والے درویش سن میرے نال وی بڑی محبت کر دے سن انہاں نے اپنے عارفانہ کلام دے ذریعے رب دے اسرار انوں بڑی خوبصورتی دے نال کھولیا ہن پڑن والے تے وے کہ نہاں اسرار تے پہنچ دے نے یا نہیں۔

چونکہ بابا بالم خود لکھ نہیں سکدے سن جدی وجہ توں مختلف مریداں تے فن داسیاں نیں آپ

داکلام لکھیا۔ ایس وجہ توں تو اڈا کلام بکھریا ہو یا سی جنوں اکٹھا کرنا بہت مشکل کم سی مگر ایہ مشکل کم بابا
 بام ہوناں دے بھتیجے محمد یونس چوہدری جہاں نال بابا بام ہونی بہت پیار کر دے سن دی کاوش دے
 نال اکٹھا ہو یا نے چھپیا۔ بابا بام ہوناں داسارا کلام حق الیقین تے مشہدے تے ہے، حال
 دے درویشاں تے سدھے رستے دل اشارہ تے رہنمائی اے۔

فقیر اولی نور الہدی: صاحبزادہ حضرت میر سید ابرار
 حسن شاہ گیلانی قادری قلندری نوشاہی عبداللہ شاہی
 وسجادہ نشین درگاہ
 حضرت سید عبداللہ شاہ صاحب طیب روحانی
 جامعہ چشتیہ چوک فیصل آباد

=====

نذرانہ عقیدت (منجانب : سائیں عارف)
 شعر پڑھ کے بالم دے اے دل کہندا
 اے کوئی روپ ہے یار مستانے دا

بالم رب دا پڑھ قرآن دیا ربح حق دے سر والی کھول چھڑی
 ہیر رانجھے دا عشق مثال دس کے گل الف تے میم والی کھول چھڑی
 رکھ سامنے ست گر عبداللہ نوں بالم اصل گل تے رب دی بول چھڑی

بابا بالم خیر تیری دربار وچوں گھونگھٹ لاء کے مکھ دکھایا ای
 حرف کڈھ کے شہر قرآن وچوں حیدر صفدر دا ورد کمایا ای
 گھنڈ لا کے الف تے میم اتوں مُرشد رب دی بیج بٹھایا ای
 گلاں دس کے عامان تے خاصاں نوں گر عبداللہ شاہ سمجھایا ای

ڈنڈی

پنجاب ماشیاں دی میری بنی ڈنڈی چھوہیں گھڑی آ نال پیار ڈنڈی
 بچ پھل پا کے ڈنڈی تیار کیتی ایس ڈنڈی چوں گئی ہزار ڈنڈی
 الحمد للہ رب العالمین والی پھرن لحدے بے شمار ڈنڈی
 مستقیم توں بھل عزیز گیا پے گئی بھل کے غیر دی یار ڈنڈی
 جدوں ہو حیران میں ریاں کھڑا وقف کاراک راہ دا جائے ڈنڈی
 اوبدے ہو اگے میں عرض کیتی میں تے بھل کے پے گئیں آں ہور ڈنڈی
 اوس آکھیا آ فیر نال میرے سدھی جاندی اے ایہو دربار ڈنڈی
 ایس ڈنڈی میں نت عزیز جانا کھڑدی اے ایہو کول سرکار ڈنڈی
 تیج لا دی ہتھ وچ پھر کے تے قتل غیراں لوں کردا گیا ڈنڈی
 گھوڑا تصور دا ذکر دی واگ دے کے عشق لے کے گیا دوڑا ڈنڈی
 جیویں کڑک کے بجلی افلاک چڑھے ایویں لے گئی دسویں دیوار ڈنڈی
 اوتھے عجب تماشا عزیز ڈیٹھا پیاں نکلیاں غیر مٹا ڈنڈی
 اک ڈنڈی لاہوت چوں وچ ناسوت آوے اک ناسوت چوں جاوے لاہوت ڈنڈی
 ڈنڈی باراں تے چوداں دی شان اعلیٰ چواں یاراں دی عجب مثال ڈنڈی
 پختن دے در تے عزیز کھڑ دی سخی سورمی سوہنی سلطان ڈنڈی
 اک ڈنڈی میں عجب عجیب ڈیٹھی در علی دے جو لجائے ڈنڈی

نبی شہر علم علی ہے در اودھا
 پیر شاہ عبداللہ دے کرم سیتی
 ایس ڈنڈی ہے عزیز او جاندا
 جے کر پیا دے ملن دی طلب آئی
 اونوں جا کے سیس جھکا دیویں
 اوتھوں نام دھیان توں لھیں اکھر
 بناں کلے عزیز سب بھنڈی
 کیتی بیعت نہیں جاہلاں نے نا کرن دیتی
 اے تے حوراں دے عشق وچ مر کے
 ایویں کیداں حقیقت سی کھل پئی
 گیا مرتے کفن عزیز دے کے
 مرن تھیں پہلے جیڑے مر چکے
 آئی موت نہ مر کے گئے جیڑے
 جدوں پھڑ کے شاف نے پھنڈ چاڑی
 صلہ عملاں دا ہر کوئی عزیز لے کے
 در علی دے کھولیاں جائے ڈنڈی
 علم شہر دا سیر کرائے ڈنڈی
 رہبر راہ دا جینوں لجاے ڈنڈی
 رہبر راہ والی کوئی لہہ ڈنڈی
 نقشہ جانے سراپا دی جو ڈنڈی
 اگے نفی اثبات دی پائے ڈنڈی
 کلمہ تے یار دے ملن دی ہے ڈنڈی
 وہم دوئی اے غیر دی گئے ڈنڈی
 اگے لہی طریقت دی نہیں ڈنڈی
 معرفت دی اگے ہے ہووے ڈنڈی
 اونوں چک کے پے گئے نے گور ڈنڈی
 پے گئے بغیر حساب دی او ڈنڈی
 گل پئی اے حساب دی کئی پنڈی
 بھل گیا چلا کیاں تے عادت نہ گئی
 او ایس ڈنڈی تے او اوس ڈنڈی

أَنَا مِنْ نُورِ اللَّهِ وَلِكُلِّ خَلْقٍ مِنْ نُورِي ۝ (الحديث)

نور

ایس گل اُتے اسیں سارے ہاں پکے
ریاں یا محمدؐ وچ شک نا ہی
جگہ جگہ وچ رچیا پیا اے
اللہ وچ نبیؐ نبیؐ وچ اللہ
صورت وچ محمدؐ دے روح تیری
بالم جے نہ نبیؐ دا منہ لیدا
تے ملاں اوس خدا دی کرے پوجا
ہتھ پیر نہ جسم نہ جان جس وچ
جھمی اللہ محمدؐ دی پئی ہوئی اے
ایویں کیداں پہچانیاں جائیں بالم
نور نبیؐ دا اللہ دے نور وچوں
ڈیٹھا عارفاں نے سینے طور وچوں
چمکاں مار دا گل تے حور وچوں
اللہ بولیا خود حضورؐ وچوں
عیسیٰؑ بن داسکھیا ای ول کتھوں
بے صورتا سی کردا گل کتھوں
جدا منہ کن تے نہ نک ہووے
فائدہ کجھ نہیں بھاویں لکھ ہووے
اک دوجا نہ کسے تو دکھ ہووے
دکن والی جتاں چہ نہ اکھ ہووے

(سورۃ اخلاص آیت نمبر 1)

قُلْ هُوَ اللَّهُ أَحَدٌ

الف

اک نقطہ دی الف دا ہونا
لا وجود تے اللہ کھڑا
الف دے جلوے میم ج چمکے
عزیز جے پردہ میم نہ کردا
دے بس کر ملاں نہ پھول کتاباں
کے حاکم کے حکم کے محکوم پسارا
عزیز پھڑ لین چور نو جیڑے
پتاں تے اہو گیاں عشق جہاں ول دھایا
حاجی چلے یار خریدن
عزیز او نہیں کدھرے جاندے
فرق رب تے گر وچ نہیں ہوندا
پنباں بناں نہیں چھیویں دی گل ہوندی
پیا پڑے تے نہ اے ہلدا نا بولدا اے
عزیز گراں نے مرتے ست دے

تے الف د کل پسارا
گل میم دا چولا سارا
نور جھڈے لشکارا
لیندا کیویں نظارہ
شاہی اکو جگ سارا
کے شاہ تے کے نخی کے منکن ہارا
نہیں کھوج دا کر دے چارا
ٹھے جاندے وچ بل نیانے جد بانگ آوازہ آیا
بن کے پلے مایا
جناں دلبر دل چوں پایا
بُت مٹی دا کدے بولدا ای نہیں
چھیویں بنا تو حید کوئی کھولدا ای نہیں
ہُند اکول ایہدے ایہدے کول ناہی
بنا گراں دے گنڈھ کوئی کھولدا ای نہیں

(سورۃ بقرہ آیت نمبر 54)

فَا قْتُلُوا أَنْفُسَكُمْ ۝

نفس جنگ

ایس قلمبوت وچ دوہوشا ہیاں وس دیاں نیں
 گر ہووے کامل تے بیڑیاں تار دیندا
 جتاں کسے نہیں گرو دی بیعت کیتی
 عبادت ہے ایہو بالتم نفس جنگ کرنا
 جنگ نفس تے روح دا ہو ریاں
 غصہ نفس دی فوج دا سپہ سالار تے اہلیں دزیر بنیاں
 فوج روح دا صبر سپہ سالار تے عقل و زیر بن گئی
 وار نفس دی فوج دے روکنے نوں
 فوجاں غصے دیاں غصے نال آن لڑیاں
 چڑھیا جھوٹ جرنیل جو نفس دی فوج دا اے
 بغض حسد کینہ لو بھ موہ سارے
 حملہ روح دی فوج تے آن کیتا
 چڑھیا سچ جرنیل جو روح دی فوج دا اے
 چلی سچ دی جدوں تلوار بالتم
 چڑھیا کام جرنیل جو نفس دی فوج دا اے

تے بناں گراں دے کوڑ کھانیاں نی
 بے گریاں دیاں رڑھ جانیاں نی
 ماراں نفس دیاں اوتاں کھانیاں نی
 نفس الٹ پڑھاندا بانیاں نی
 اک دوہے اوتے تیغاں تانیاں نی
 تیغاں ظلم دیاں جتاں چلنیاں نی
 تلواراں صبر دیاں اگوں واہنیاں نی
 ڈھالں صدق یقین دیاں ڈھانیاں نی
 تلوار صبر تھیں مار مکانیاں نی
 چغی حرص طمع چڑھ آنیاں نی
 فوجاں ہوو دی نال رل جانیاں نی
 گلڈاں جھوٹیاں دلاں وچ پانیاں نی
 فوجاں سچ دیاں چڑھ آنیاں نی
 تلواراں جھوٹھ دیاں ٹٹ جانیاں نی
 فوجاں روح دیاں کام تر فانیاں نی

شوق شہوت دے تو پاں وچ گھٹ گولے
 فوجاں روح دیاں وہم وچ پانیاں نی
 اوتھے وہم جا کے پا وہم دیدھا
 چڑھیا یقین جرنیل جو روح دی فوج دا اے
 جتھے جنرل یقین نے باآدم قدم رکھے
 دوئی چڑھ آئی نفس دی فوج دلوں
 سدھ بدھ تے ہوش رہی نہ مولے مینوں
 ہو ہو وا ذکر وجود اندر
 دوئی دور کر کے سانوں رکھیا اے
 جدوں دو تھیں بالماں اک ہوئے
 چڑھیا غصہ جرنیل جو نفس دی فوج دا اے
 خودی تکبر، غرور تے کبر ہنکار سارے
 حملہ روح دی فوج اوتے آن کیتا
 چڑھیا صبر جرنیل جو روح دی فوج دا اے
 جنت ست تپ ہتھ نے لہ دی ضرب دے کے
 سٹ لہ دی کام نے جھلنی نہیں
 فوج نفس دی قلعے دے وچ وڑ کے
 فوج روح نے صبر دے سٹ گولے
 قبضہ نفس دے قلعے تے کرن بدلے
 فوج روح دے اوتے چلانیوں نی
 جتھے کسے نوں طاقت نہیں پہنچنے دی
 اے عاداتاں اونوں بہت پرانیاں نی
 فوجاں چڑھ یقین دیاں آنیاں نی
 اوتھوں وہم نے بھاجڑاں چانیاں نی
 تے فوجاں دوئی نے آن اتاریاں نی
 دھولاں دوئی نے جھیریاں ماریاں نی
 شاں دوئی دے سر وچ لانیوں نی
 لگ دوئی دیاں گتیاں جو بیماریاں نی
 گلاں دوئی دیاں عشق جد سائیاں نی
 نیزے برچھیاں سان چڑھانیاں نی
 فوجاں نال اودھے چڑھ آنیاں نی
 نیزے برچھیاں خودی چلانیوں نی
 فوجاں صبر دیاں چڑھ آنیاں نی
 شاں کام دے سر وچ لانیوں نی
 فوجاں کام دیاں نس جانیاں نی
 تیر ترکشاں کفر چلانیوں نی
 فوجاں قلعے وچ مار مکانیاں نی
 فوجاں روح دیاں قلعے وچ ٹھانیاں نی

جد پھڑ کے نفس نوں زیرِ کیا
 متاں اپنیاں نفس تے چھڈ کے تے
 حکم روح دا من کے چلے گا نفس گھوڑا
 حکمرنیاں کرے گی روح نفس دے ملک اوتے
 کلمہ پڑھ کے تے نفس مسلمان ہونا
 خلافت روح دی نفس تے جدوں ہوئی
 کلمہ نفی اثبات دیاں بالماں ہوئے وارو
 جدوں نفس نے روح دی بیعت منج
 جھاڑو لا دا قلعے وچ آن پھرنا
 فوجاں روح دیاں کام تو بچن بدلے
 تصور شیخ تو جتاں پکا لیا
 ڈنکا دین والا بالماں وجتاں ایں
 تے مومن پرہمن نماز معراج والی
 عشق امام عاشقاں ساریاں دا
 جتاں اوتھے سی عشق نمازِ نبی
 جپ جاپا تے امجد جدوں مرے
 جدوں عشق نے آن کند پائی
 تا جان اُنوں تا باماں جان اینوں
 اوناں اپنا رب پہچان لیتا
 صفاں ماتمی نفس وچ چھانیاں نی
 متاں روح دیں نفس اپنیاں نی
 واگاں وطن ملکوت ول چانیاں نی
 تے کلمہ نفس نوں آن پڑھانیاں نی
 اُمتی نبی دا فیر بن جاؤناں نی
 غلیفہ جگ دا اُوس اکھوتا نی
 درشن اپنے آپ دا پاؤناں نی
 فوجاں ہو روی بیعت نوں آؤنیاں نی
 فیر کفر نے بھاجڑاں چانیاں نی
 تصور شیخ دے وچ سمائیاں نی
 وار تہاڑ ہو کے موجاں مانیاں نی
 بانگاں قلعے اندر مل جانیاں نی
 امام عشق نے آن پڑھانیاں نی
 گلاں گُن توں پہلے پرانیاں نی
 استھے آن ساوھیاں رانیاں نی
 فیر کھل تجلیاں جانیاں نی
 راج چھڈ دتے سنے رانیاں نی
 میں توں دیاں رڑھ جانیاں کہانیاں نی
 نفس پہچانیاں جتاں سائیاں نی

جدوں نفس نے روح دی بیعت منی
روح گروتے نفس بن گیا چپلا
لکھن کڈ کے گھیر اوکھاں گھیاں
جناں نفس نوں جنگ وچ زیر کیتا
عبداللہ شاہ دا بالماں کرم دیکھو
نفس جنگ کر کے لکھاں ولی ہو گئے
معین الدین جو ہند کے ہوئے ولی
گر ہووئے کامل تے قائم نماز ہوندی
بچ ویلے مصلے تے کھڑے ہو کے
کریں کرم سائیاں ڈوبیاں تار دیویں
ہووے کرم تیرا تے سوا لکھ دا واں
برائیاں ختم ہو جائیاں ساریاں فی
چیسے پڑھنیاں گراں دیاں بانیاں فی
جناں دودھ چچ پائیاں مدھانیاں فی
سیجاں اوتاں سہاگ دیا مانیاں فی
غوطے کھاندیاں پار لنگھانیاں فی
زُہد الانبیاء کوئی سداؤندے فی
داتا بالماں کوئی اکھواندے فی
قائم کرنی اے نماز بہت ادھی
پڑھ لینی اے بالماں بہت سوکھی
تیرے کرم بناں کوئی تار سکدا نہیں
بناں کرم تیرے باآتم لکھ دا نہیں

=====

فَإَيْنَمَا تُولُوْا فَنَّمْ وَجْهُ اللّٰهِ ۝ (سورة البقرہ آیت نمبر 115)

تصویر

ہور کچھ وی نظر نہ آؤندا اے
 مکھ پھیر کے جدھر وی دیکھاں
 نہ توریت، زبور، انجیل، قرآن ہندا
 رکھی منی نہ رب رسول ہندا
 عرش فرش تے لا مکاں اندر
 مسلمانی نہ رہی درکار سانوں
 مندرا مسجدیں نال وہار کی
 بھانویں گر عبداللہ توں بن آیوں
 تصویر دکھیاں تصویر وچ گم ہو گئی
 اُس تصویر چوں ہوئی تصویر پیدا
 سمیے کارخانے ایس تصویر دے نے
 بے صورت نوں صورت دی لوڑ پے گئی
 گیتا پوتھیاں دید گرنہ بن گئے

اکھاں سامنے رہندی تصویر تیری
 ہر پاسے ای ویدی تصویر تیری
 جے نہ بولدی مونیہوں تصویر تیری
 پیدا ہندی نہ جے تصویر تیری
 بنی ہوئی آخوب تصویر تیری
 نظر کفر چوں آئی تصویر تیری
 بت خانے دے وچ پوجاں تصویر تیری
 نکلی شناخت وچ اوہی تصویر تیری
 فیر نور دی نکلی تصویر تیری
 ادوی تصویر تیری ایہوی تصویر تیری
 کر دی ہر جاء کم تصویر تیری
 صورت بن کے سارا جہان آیا
 ایسے تصویر چوں بالم قرآن آیا

(الحدث)

اَلْعِشْقُ نَارٌ يُحْرِقُ مَا سِوَى اللّٰهِ ۝

عشق روگ

عشق روگ دی نویں نویں بہار کڑے عشق روگ نا کسے دے وسدا اے
ماہی من دے مندر وچ وسدا اے

بند کیتے نو دروازے نے وچ دسویں آسن ساجے نے
پے انحد آدن آوازے نے جیویں تار تہور و جائی دا
پیتا جام توحید الہی دا اے کیا درشن ڈھولن ماہی دا اے
ہن خوف نہ ریا جدائی دا اے میں چت ول ویکھا دلیر پار گڈے
عشق روگ دی نویں نویں بہار کڑے عشق روگ نہ کسے دے وسدا اے
ایس محل دے نو دروازے نے سارے کیتے بند کڑے
وچے سورج وچے تارے وچے چڑھ دا چن کڑے
جپ اور جاپا دیں مرے سُر ت ہوئی بلند کڑے
میم دے پردے اولے بہہ کے دل میرے نو کھدا اے
عشق روگ دی نویں نویں بہار کڑے عشق روگ نا کسے دے وسدا اے

ماہی من دے مندر وچ وسدا اے

(الحديث)

لَوْلَاكَ لَمَّا ظَهَرْتُ رُبُّوْبِيَّتِي ۝

تن ہے محمدؐ وچ ربؐ بولدا لبھ لے توں ساتھی جیڑا ہے کول دا
 اوہ نحن اقرب کہندا اے شاہ رگ توں نیڑے رہندا اے
 مسجدیں مندریں وچ پھریں ٹولدا الف لام میم والی کیوں نہیں توں گنڈھ کھول دا
 باجھ گراں دے نہیں کوئی بھید کھول دا کھد کھول لیراں وچوں ایویں پھرے پھویدا
 لبھ لے توں ساتھی جیڑا ہے کول دا تن ہے محمدؐ وچ ربؐ بول دا
 ایہو ای ہیگا ربؐ جیڑا ہے کول دا ایہو ای ہیگا ساتھی تیرے کول دا
 لا الہ دا کہنا نیاں ساڈا مذہب کی لگدا سالانہو بھر پیالا نصرت و پیتا اسماں آب حیاتی والا ہو
 نحن اقرب لبھ لینے تے جھگڑے کل نیڑے ہو لبھ لے توں ساتھی جیڑا ہیگا کول دا
 اسم صفت دا پردہ پاکے جوہ یار دکھائی دا لوکاں بھنے صورت بشری سانوں روپ الہی دا
 جنگل پھردیاں فریدا تیری اپھر گئی اومت اے تن من ربؐ سچے دھرتوں اندر جھاتی کھت
 کول دسدے دی تینوں خبر ناہیں جنگل بھلیاں وچ پھریں ٹولدا
 نحن اقرب تے نہیں یقین تیرا کوڑا کلڑاں وانگ کی پھولنا ایں
 لڑی سانواں دی ہیریاں نال جڑی آ ہیرے خاک دے وچ کیوں رول نا ایں
 عبداللہ شاہ توں منجھ لے پتہ بالم شاید ایہو ای ہووے جنوں ٹولنا ایں
 باجھ گراں دے نہیں کوئی بھید کھولدا تن ہے محمدؐ وچ ربؐ بولدا
 لبھ لے توں ساتھی جیڑا ہے کول دا

ذَلِكُمُ اللَّهُ رَبُّكُمْ لَا إِلَهَ إِلَّا هُوَ خَالِقُ كُلِّ شَيْءٍ فَاعْبُدُوهُ وَهُوَ
عَلَى كُلِّ شَيْءٍ وَكِيلٌ ○ (سورة انعام آیت نمبر 102)

گر

گر کرپا دے میں بلہار اک وری نہیں سو سو وار
شاہ عبداللہ ست گر پھڑیا باروں بند تے اندر ڈھونڈا
لہ لیا میں لکیا یار گر صورت دے میں بلہار
سی اندر نیندر لٹی میں مای دی سیچوں اٹھی
اوہ روئے میں کھڑکھڑ ہساں پنوں گھر وچ لہ دی بار
یوسفؑ " جانے نالے کھاوے بنیامین نہ جانے
یا یوسفؑ " نے برقعہ لایا بنیامین پچھانے
پہن کے برقعہ میم دا آیا دلبر دی اے مرضی یار
آپے سی آپے ہوں ہیر رانجھ بن آیا اے
جمع وچوں تفریق وچ آ کے کی کی رنگ دٹایا اے
نظر مار کے پہچانے یالم بھنویں بدلے روپ ہزار
گر کرپا دے میں بلہار اک واری نہیں سو سو وار
چوکھٹ گراں دی کعبہ سمجھ کے حج کرن نوں آئی دا اے
گر صورت دی پوجا کر کر سجدے کر دیاں جائی دا اے
دل چوکھٹ وچ صورت گر دی ہر ویلے نقش پکائی دا اے

گر دی صورت جد پک جاندی کھل دا نور صفائی دا ے
 وحدت دے دریا واں اندر مل مل جا کے نہائی دا ے
 گر صورت دا پکین کے برقعہ صورت وچ سمائی دا ے
 یار دی خاطر کافر ہو گئے ہن کافر آکھوائی دا ے
 کفر وچوں سانوں نظریں آیا رج رج کفر کمائی دا ے
 کافر ہو کے کفر کمایا کفر کماندیاں جائی دا ے
 راز کھلا گل سمجھ وچ آئی اسلام کفر چوں پائی دا ے
 گر عبداللہ ساقی بنیاں پی پی ہوش گوائی دا ے
 ہوش گوا کے ہوش وچ آنا من مندر وچ جائی دا ے
 بالھے شاہ توں پچھ لو جا کے ست گر کیوں منائی دا ے
 گر صورت نوں پڑھیا بالم ست گر اللہ پائی دا ے
 گر صورت دے میں بلہار اک داری نہیں سو سو وار
 ایس عشق دے سن لوکارے رانجھا ہیر لہی مجھیاں چارے
 سوئی وچ چناں دے رڑھ گئی سسی تھلاں وچ سڑ گئی یار
 بالھے شاہ تو پچھ لو جا کے دیکھ لیا جس گر آزما کے
 اوہ گر رُسیاہ تے رُس گیا یار
 گر صورت دے میں بلہار اک داری نہیں سو سو وار
 جو نہ گر نوں جانے اللہ اوہ کھلا کھپدا جھلا
 غیر نہیں کسے مکانوں آیا ایہو سارا اللہ ای اللہ

دل کردا اے سچ بولن نو گل میم مروڑی کھولن نوں
 او سچ کہیا تے چڑھ گیا دار
 گر صورت دے میں بلہار اک واری نیں سو سو وار
 بے صورت بن صورت آیا میم دے برقعے مکھ چھپایا
 کرم گراں دا ہویا جٹاں تے دیکھ لیا اوہنا جھاتی مار
 گر صورت دے میں بلہار اک واری نہیں سو سو وار
 نا او کافر نا او مومن نا کوئی مذہب رکھاندا اے
 مسجد دے وچ دیندا بانگاں مندر ٹل کھڑکاندا اے
 کدھرے پھیرے مالا تسبیح کدھرے جنجوں بے شمار
 جیڑا نحن اقرب کہندا اے شہ رگ تو نیڑے رہندا اے
 اے صورت ہے بے صورت دی آپے ای اندر آپے ای بار
 گر عبداللہ دے بلہاری بالم جاوے سو سو واری
 جس لبھایا لکیا یار
 گر صورت دے میں بلہار اک واری نہیں سو سو وار

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا

(سورة انعام آیت 79)

ہر ساہ وچوں یار دا ناں نکلے مونہوں گر عبداللہ کہنے آں
 گر شاہ عبداللہ دے ناں والا اسیں ورد پکاندے رہنے آں
 گر رب ہوندا رب گر ہندا اپنا گر اس دے گنڈھ کوئی کھول دا ای نہیں
 رب غصے ہوئے تے گر ملا دیندا گر غصے ہو دے تے رب بول دا ای نہیں
 وہم دوتی دا بھرم مٹا کے تے دواں نوں اکو کہنے آں
 گر شاہ عبداللہ دے ناں والا اسیں ورد پکاندے رہنے آں
 تنہا حجرے وچ بہہ کے اسیں ہر دا نظارہ کر دے آں
 دل چوکھٹ وچ صورت گر دی ہر ویلے نقش پکاندے آں
 سب ذات صفاتاں نوں چھڈ کے تے وچوں وہم دوتی نوں کڈھ کے تے
 اسیں درشن یار دا کر دے آں جد لا کے سادھیاں جینے آں
 اسیں پیریں گر دی پینے آں اسیں گر وچ گر ہو رہنے آں
 گر عبداللہ شیشہ بلم منہ اپنا ویکھ لینے آں
 گر شاہ عبداللہ دے ناں والا اسیں ورد پکاندے رہنے آں

وَصَمِّ بَكْمَ عَمَى ۝ (سورۃ بقرہ آیت نمبر 18)

بالمآں چپ کر جا ناں بھید دے دا کھولیں
 بالمآں چپ کر جا چپ گپ ہو کے وقت گزار
 سچ کہیا تے پنی مار پر جھوٹھ ذرا نہ بولیں
 بالمآں چپ کر جا ناں بھید دے دا کھولیں
 جے توں لھنا یار پیارا نال چھیتی کجھ کر لے چارا
 جنگل نیلے مول نا جاویں من مندر وچ ٹولیں
 جے توں علم توحید دا پڑھنا نار عشق وچ پے جاؤ سڑنا
 ٹھپ کے کتاباں اک پاسے رکھیاں کتاب اپنی جد کھولی
 بالمآں چپ کر جا ناں بھید دے دا کھولیں
 ہر ہر جاء دا حال پچھاتا ہر بن دوجا ہورناں جاتا
 او جد کھیل کے دیکھی آنکھ مچولی
 ہر جاء گر عبداللہ ٹولی ناں کجھ سنیں تے ناں کجھ بولیں
 اک وجود الف دا ڈیٹھا جد میم الف وچ گھولی
 بالمآں چپ کر جا ناں بھید دے دا کھولیں

وَفِي أَنْفُسِكُمْ أَفَلَا تُبْصِرُونَ ۝
 (سورة الذریت آیت نمبر 21)

امر آمر دا ہر اک وچ بولدا اے
 امر اپنے آمر نوں ٹولدا اے
 امر آمر وچ آمر امر وچ
 آپے آواز مارے آپے بولدا اے
 امر آمر دونوں اک جان ہوندے
 جدوں میمن نوں الف وچ گھول دا اے
 پتہ حقیقت دا بالماں اودوں لگدا
 جدوں اپنے آپ نوں پھولدا اے

=====

يَذْكُرُونَ اللَّهَ قِيَمًا وَقُعُودًا وَعَلَىٰ جُنُوبِهِمْ ۝

(سورة ال عمران آیت نمبر 191)

قتل دلیلاں نوں کرن بدلے
تیج لا نوں لے کے چڑھی دا اے
وچ لا دے ہو کے لا رہنا
قتل ایساں دے نال کری دا اے
ہر ہر ساہ وچوں ہو ہو نکلے
قائم ایذاں نماز نوں کری دا اے
لا کے سن سادھی نوں بیٹھ جاناں
ایویں من مسیت وچ پڑھی دا اے
جدوں اپنا آپ نہ رہے باکم
سجدہ اپنے رب نوں کری دا اے

وَلَا تَلْبَسُوا الْحَقَّ بِالْبَاطِلِ وَتَكْتُمُوا الْحَقَّ ۝

(سورۃ بقرہ آیت نمبر 42)

دوہاں دیناں دی کر بلا ونڈ پے گئی	جھنڈا اپنا اپنا پھڑی جاندے
دین یزید دا حکمران امیر ملاں لے گئے	دھوکا دین دے نال جو کرمی جاندے
نور العین حسین شہید کر کے	اوہ دیکھ جمعہ یزید پے پڑھی جاندے
بھونڈ گوئے دے بالماں دیکھ مڑ گئے	پروانے شمع حسین تے سڑی جاندے
دین حسین دا ولی فقیر لے گئے	جیوے موتی توحید دے رولدے نے
ایس ہستی موہاں دی نفی کر کے	بوہ لاہوت جبروت دے کھول دے نے
ذات حق دے وچ فنا ہو کے	اتالحق والی بولی بول دے نے
پردہ دوئی دا بالماں اٹھ جاندا	جدوں میم والی گنڈھ کھول دے نے

=====

فَاذْكُرُوا اللَّهَ قِيَامًا وَ قُعُودًا اَوْ عَلٰى جَنُوبِكُمْ ۝

(سورۃ النساء آیت نمبر 103)

غفلت چھڈ کے لے سنبھال دولت	تے دولت سانواں دی ایویں گوانا ہیں
ہر ہر ساہ وچوں یار دا ناں نکلے	جیڑا جائے خالی او تیرا ساہ ناہیں
ہر ساہ تیرا نبی رب دا اے	ایس ساہ دا کھدیں وساں ناہیں
گن گن کے پائے نے ساہ تیرے	مک گئے تے آؤنا فیر ساہ ناہیں
مالا سانواں دی رات دن روے چل دی	نماز عشق دی ہونڈی قضاء ناہیں

ہو ہو دا ذکر وجود اندر ایویں ہونا یہہ جسم فنا نا ہیں
تے سادہ دسویں دیوار چڑھا دینا بناں لا دے ہونا الہ نا ہیں
یار سامنے ہووے تے بالماں ہووے سجدہ بناں یار دے سجدہ روا نا ہیں

=====

وَاتَّبِعْ سَبِيلَ مَنْ أَنَابَ إِلَيَّ ۝ (سورۃ لقمان آیت نمبر 15)

من والی دنیا کڈھ کے بار عاشق لٹ دے موج بہار
مذہباں والیاں پھریاں لایاں بھولیاں چڑیاں وچ پھسریاں
ہتھیں چھریاں وانگ قصایاں کھلاں لائے وچ بازار
من والی دنیا کڈھ کے بار عاشق لٹ دے موج بہار
ہندو مسلم سکھ عیسائی انسانیت دے دشمن بھئی
سراں تے پھرن کتاباں چائی سورگ نرک وا دیندے ہوکا
ظلم دی ہتھ وچ پھری کٹار من والی دنیا کڈھ کے بار
مذہباں والے کرن پکار مذہب یار دی مول نہ سار
عشق آزاد ہمیشہ او یار سٹ تسبیح تے توڑ زنار
من والی دنیا کڈھ کے بار عاشق لٹ دے موج بہار
مندر مسجد جھڈ دے جانا دل چوکھٹ وچ ہے ٹکانا
لجھ لویں کوئی مرد سیانا اپنے اندر جھاتی مار
من والی دنیا کڈھ کے بار عاشق لٹ دے موج بہار

کدھرے کافر کدھرے مومن کدھرے پکدا مصر بازار
 ہر ہر روپ وچ پھرے بہر و پیا کدھرے فتوئی کدھرے دار
 من والی دنیا کڈھ کے بار عاشق لٹ دے موج بہار
 راہ عشق وچ جھکڑ تھلا پیر پیر تے ہر اک بھلا
 شاہ عنایتؒ مناندا بھلا پیر پالم دا گر عبداللہ
 نظر کرم دی پیر جے پاوے کھلن سب اسرار
 من والی دنیا کڈھ کے بار عاشق لٹ دے موج بہار
 شمر یزید وی استھے رہندے حق والے گل حق دی کہندے
 باطل تیغ الار کے آیا عاشق نے سر سجدے پایا
 سر کٹواندیاں سی نا کیستی دیکھ کے سامنے دلبر یار
 من والی دنیا کڈھ کے بار عاشق لٹ دے موج بہار

=====

قَلْبُ الْمُؤْمِنِ بَيْتُ الرَّحْمَنِ ۝ (الحديث)

ماہی اوس مندر وچ نہیں رہندا ماہی من دے مندر وچ رہندا اے
 اودوں غیر دی ہستی سڑ چاندی جدوں بھائیڑ عشق دا مچدا اے
 ماہی اوس مندر وچ نہیں رہندا ماہی من دے مندر وچ رہندا اے
 میں لہجہ دا ساں جنگل بیلے دلبر یار بکل وچ کھیلے

میں پتہ بجن دا پچھیا جس توں اوہ مندر مسجد وسدا اے
 مذہباں والیاں رب نہیں پایا مندر مسجد مغز کھپایا
 لوٹا تسبیح چک مصلّا مسجد مندر لہدا اللہ
 میں جانیاں کوئی ہو اے اللہ غر ملیا تے ہوئی تسلا
 توڑ تسبیح تے پھوک مصلّا وہم دوئی سر ماریا کھلا
 نحن اقرب نکلیا اللہ قرآن وی ایہو وسدا اے
 جس نے اپنا نفس پچھاتا اوس نے اپنے رب نوں جاتا
 فیر انا الحق اوہ کہندا اے اونوں خطرہ خوف نہ رہندا اے
 جو بھید ماہی دا وسدا اے اونوں دار تے چڑھنا پیندا اے
 ماہی اوس مندر وچ نہیں رہندا ماہی من دے مندر وچ رہندا اے
 غر عبداللہ بات بتائی باآلم سن سادھی لائی
 تن من دی جد ہوش گوائی ذات صفات نا رہ گئی کائی
 میں نہ ریا تے آگیا ماہی ہستی دی رہی تار نہ کائی
 وہم دوئی دا اٹھ نس دا اے ماہی من دے مندر وچ رہندا اے

فَادْعُوا اللَّهَ مُخْلِصِينَ لَهُ الدِّينَ ۝

(سورۃ مومن آیت نمبر 14)

سوکھا یار منایا نہیں جاندا اتھے کافر بننا پیندا اے
 کفر و چوں سانوں نظریں آیا یار کفر وچ رہندا اے
 بُھل گئے وضو نماز دو گانے ہن نہیں چلدے کوئی بہانے
 کعبے ولوں مڑ مڑ آوندا بت خانے جا جا بہیندا اے
 سوکھا یار منایا نہیں جاندا اتھے کافر بننا پیندا اے
 عاشق عاشق ہر کوئی کہندا سٹ عشق دی کوئی کوئی سہندا
 جدوں عشق ہنیری چلدی اے نہ ککھ کلی دا رہندا اے
 تاں ای گُر عبداللہ شاہ با تم گل پتے دی کہندا اے
 غیر دی ہستی جد مڑ جاوے ہر ویہ سامنے رہندا اے

=====

الْعِشْقُ هُوَ النَّارُ إِذَا رَقَعَ فِي الْقَلْبِ يَحْرِقُ مَا سِوَى الْمُحِبُّونَ

(الحديث)

دور ہے مکہ دور مدینہ جلوہ گری لیے طور ہے سینہ
نگاہ عشق سے دور نہیں کیوں جدا چراغ طور نہیں
جتنے قدم نبیؐ نے رکھے میں اوتھے قدم نہ میرا آجائے
اے بے ادبی عاشق نوں منظور نہیں کیوں جدا چراغ طور نہیں
ربؐ ارنی پکارے موسیٰ جل گیا طور بے ہوش ہے موسیٰ
اے موسیٰ نہیں آزما کے دیکھ چراغ طور جدا کے دیکھ
اے جلوہ نبیؐ دا نور نہیں کیوں جدا چراغ طور نہیں
جتنے شمع محمدیؐ جدی اے کون روکے گا پروانیاں نوں
پہلے شمع نوں جلنا پیندا اے اے پروانیاں دا تصور نہیں
اساں مسجد مندر کی کرنا اساں نقل نمازاں نوں کی پڑھنا
پردانہ شمع محمدیؐ جدا اے اوہ لہندا جنت دی حور نہیں
نہ فتویٰ لگے نہ دار چڑھے نہ منصور انا الحق کہے
سمجھ لوؤں اوہ منصور نہیں کیوں جدا چراغ طور نہیں
گر عبداللہ شاہ بات بتائی باکم دے گل سمجھ دج آئی
جو عشق نبیؐ دج جدا نہیں اوہ مجلس دج حضورؐ نہیں
کیوں جدا چراغ طور نہیں کیوں جدا چراغ طور نہیں

آنا اَحْمَدَ بِلا مِیم ۵ (الحديث)

مام الف تے میم دی جیز الیہد ار مز پچون زبور تورات انجیل نوں چنے نالے وید قرآن
کلمے دی جس رمر پچانی کہہ دیوے اوہ کہہدا اے
ہر روپ وچ وسدا جیزا اے

احد نے دج وحدت آکے برقعہ میم دا پایا اے
اُحد کولوں اگے جا کے لہ دی بولی بولدا اے
کہندا میرے بتاں کہہدا اے ہر روپ وچ وسدا جیزا اے
چار دیواراں چار عناصر حجرا خوب بنا کے چوداں مکاں وچ کرے آبادی دکھو دکھ سجا کے
بت آدم دا بولن لگا اندر ڈیرا لا کے
جدوں خلافت نفس دی ہو جائے اپنی پوجا کراندا اے
روح دی فوج تے قبضہ کر کے اپنا حکم چلاندا اے
باطل دے تخت بیہ کے غیر خدا اکھواندا اے
ابلیس وزیر آ حاضر ہندا جدوں کچھری لگاندا اے
موسیٰ نوں فیر آونا پیندا سچا رب بتاونا پیندا
نیل ندی وچ غرق کریدا اے جھوٹا رب کدے نہیں رہندا
رب ارنی موسیٰ کہندا طور اتے جد جلوہ پیندا
طور کدے اے سٹ نہیں سہندا سدھ بدھ خبر نہ اوہ اپنی پاندا اے
کلمہ طیبہ کلمہ خبیثہ کے دو ٹکڑے ہیں صفتاں ہیں الگ الگ فعل ان کے جدا جدا صلے ہیں الگ الگ

و کھرا و کھرا عشق دوہاں دا لذتاں ہیں الگ الگ
 کلمہ نجس کے دو شجر ہیں ادہ آکاس قیل بن بہیدا اے
 جس رُکھ دے اتے پہ جائے اوسے لوں کھا لیڈا اے
 جے کامل مرشد مل جائے ہالم او اتوں لا لیڈا اے
 جو بناوے محل ماڑیاں اوسے دا سب ویزہ اے
 تے اوسے دا ای سب تھیرا اے ہر روپ وچ وسدا جیرا اے

=====

اللَّهُ وَلِيُّ الَّذِينَ آمَنُوا يُخْرِجُهُم مِّنَ الظُّلُمَاتِ إِلَى النُّورِ ○

(سورة البقرہ آیت نمبر 256)

لوکی آکھن ایہ نمازی نالے ایہ روزے دار
 بھید اندر دا کوئی نہ جانے ، من وچ پاپ دے بدکار
 کر کے وضو نماز چا نیتی دل دلیلاں کردا اے
 دل دے نال دلیل و چارے لوک ککھن اے پڑھدا اے
 من پاپی نہیں آکھے لگدا نالے خریدے ٹہی بازار
 لوکی آکھن ایہ نمازی نالے اے روزے دار
 غیر دیکھنوں اکھ نہیں ہٹ دی کن چغلی ول جاندا اے
 گھٹ تو لنوں ہتھ نہیں ہٹ دے منہ توں رام رام کہندا اے
 چوری تے بدکاری ولے ٹر پیراں نال جاندا اے

مہاں پاپاں دی بن کے گٹھڑی سرتے بھار اٹھندا اے
 کوئی عشاء نہیں آکھے لگدا ، نفس ہلاؤندا اندر دی تار
 جے کامل مرشد مل جاوے فیر ایہ مڑدا اے
 نفی اثبات دا پانی دے دے ایہو ای پھل لاند اے
 نفس دیاں کل لذتاں ولوں کامل مرشد موڑ دیندا اے
 نال مجاہدے سٹاں لاوے بند بند ایس دا توڑ دیندا اے
 کامل مرشد جدوں مرید نوں کلمہ طیب پڑھاندا اے
 انھد باجہ من بانسری آواز کناں وچ پاند اے
 دودھ ہو دے تے دی ہو جاندا جد مرشد جاگ لگاندا اے
 رڑکیاں اُتے مکھن آندا کڑیاں کھویا اکھواندا اے
 اے شجر دا پھل جو کھاوے معرفت لذتاں پاند اے
 مشاہدے وچ شناخت ہوندی فیر پچھانے یار نوں یار اے
 عالماں والا جھڈ کے کلمہ ست گر کولوں اے پڑھیندا اے
 ایس موت نال سارے مردے موتوں پہلے مریندا اے
 مر مر جینا تے جی جی مرنا موتوں مول ناں ڈر دا اے
 گر عبد اللہ دے چل باآلم ڈیرے رکھ در را بجھے دلا جھڈ دے کھیرے
 فیر ہیر را بجھے دی تے را بجھا ہیر دا
 جد کلمہ عشق دا پڑھدا اے
 عاشق پڑھن نماز عشق دی ہر ہر پاسے دیکھن یار

لوکی آکھن ایہ نمازی نالے ایہ روزے دار
 روزے رکھیاں کجھ نہیں ہونا نہ کوئی پڑھیاں نفل نمازاں
 مکے گیاں وی گل نہیں مکنی نہ کوئی ماریاں واجاں
 مندر وڑیاں یار نہیں ملنا نہ کوئی سنیاں ساجاں
 ناتیاں دھوتیاں پاک نہیں ہونا گرج اڑے نال بازاں
 اندر نال پلیتی بھریا وہم دوئی تے غصہ نار
 لوکی آکھن ایہ نمازی نالے ایہ روزے دار
 پہلے جنگ نفس نال کریئے ہدایت والا ہادی پھڑیئے
 دے کے لگام نفس تے چڑھیئے فیر کدے نہیں کردا انکار
 اودھر جاندا جدھر کھڑیئے کام کرودھ تے خودی تکبر وہم نفس دا
 جدوں خلقت نفس دی فوج دیوے سٹ ہتھیار
 بت خانے چوں بت توڑیا نار ہو جاندی اے گلزار
 لوکی آکھن ایہ نمازی نالے ایہ روزے دار

الْعِلْمُ نُقْطَةٌ ۝ (الحديث)

چھڈ لفظ تے پھڑ لے معیاں نوں لندے لفظ نہیں کسے نوں پار گڑے
 ایہ معیناں وچ اسرار گڑے
 اک سراپا اللہ اے سب اک دا ای نور تجلا اے
 نا دوئی وچ واجاں مار گڑے ایہ معیاں وچ اسرار گڑے
 سمجھ سمجھ کے علم نوں پڑھ لے پڑھ لوں تے توں پار گڑے
 پڑھ دا کلمہ لوک ہنسائی دا ایویں مفت دا رونا پائی جاندا
 جے راز نہ کھلیا معیناں دا تینوں ملنا نہیں تیرا یار گڑے
 ایہ معیناں وچ اسرار گڑے
 کہتے بندہ اے کہتے اللہ اے کہتے موسیٰ نور تجلا اے
 کہتے موتوں مول نا ڈروا اے کہتے چڑھدا تختہ دار گڑے
 کہتے میں نہ ریا کہتے توں نہ ریا میں، میں نہ ریا توں، توں نہ ریا
 ایہ عین اپنا مکھ ویکھے ایہ اپنا ای طلب گار گڑے
 ساڈا گر عبد اللہ سوہنا اے، اے بآلم اللہ اللہ اے
 ایہدا اللہ اکبر یار گڑے اے معیاں وچ اسرار گڑے

إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ

(سورۃ فتح آیت نمبر 10)

بھلا چاونا ایس تے ملاں بیعت کر لے فیر وقت دہا کے روئیں گا توں
صورت شیخ دچوں اپنی دیکھ لیں صورت جدوں اپنا آپ کھو جائیں گا توں
قلعے نفس نوں توڑ دیوے اللہ دی ضرب دے کے قابو نفس اُتے ہو جائیں گا توں
مرن تھیں پہلے مر جائیں ملاں وارد حال جد کلمے دا ہو دیں گا توں
تیرے مرشد نے تیرا امام بننا جھنڈے مرشد تھلے کھلوئیں گا توں
او سے رُکھ دا کھائیں گا پھل با تم جس رُکھ دے بیج نوں بوئیں گا توں

=====

مَنْ عَرَفَ نَفْسَهُ فَقَدْ عَرَفَ رَبَّهُ ○ (المحدث)

خلافت اپنے آپ تے پہلے کری دی اے کفر اپنے وچوں مٹائی دا اے
تے کال گرو دی کریدی اے بیعت جدوں فیر مستقیم والے رستے جائی دا اے
ایس عشق سکول توحید اندر اکو الف دا سبق پکائی دا اے
بے تے دی چل دی نہیں پیش استھے میم الف دے وچ ملائی دا اے
ختم کر دیے کبر ہنکار سارے پچھلا پڑھیا علم بھدائی دا اے
360 بتاں نوں توڑ کے تے فیر بچا نمرود دی جائی دا اے
پہے اگ ہندی فیر گلزار ہو جاوے جدوں وحدت دریا وچ نہائی دا اے
نال لا دے ہو الہ جانا ورثن اپنے آپ دا پائی دا اے

خداقت اپنے آپ تے ہو جائے جدوں خلیفہ جگ دا فیر بن جائی دا اے
عبداللہ شاہ دے بالماں کرم سیتی میں توں دا بھرم مٹائی دا اے

=====

وَمَا الْحَيٰوةُ الدُّنْيَا فِی الْاٰخِرَةِ اِلَّا مَتَاعٌ ۝

(سورۃ الرعد آیت نمبر 26)

کڑی نفس دی نوں طمع دی ڈور دے کے ہوا حرص دے وچ اُڑائی جاناں
مانجھا خودی تکبر والا لا کے تے لوبھ موہ دے ول وداکئی جاناں
ٹٹ جانی آں ظالماں ڈور تیری پیچا حق دے نال لڑائی جاناں
موسیٰ ڈوبے گا نیل دریا اندر فرعونناں خدا اکھوائی جاناں
بڑا خوش ہُنا کے نال ظلم کر کے او ظلم اپنے ای نال کماکئی جاناں
جو کچھ بیجناں ای اوہو وڈھ لینا پیہی واہ کے بیج جو پائی جاناں
کاہنوں ظالماں اپنے سرن بدلے بالن دوزخاں دا آپ بنائی جاناں

=====

فَقَاتِلُوْا اَیْمَةَ الْکُفْرِ ۝ (سورۃ توبہ آیت نمبر 12)

کنبہ دین وی خاطر عہما کے تے حسینؑ دین دا شاہ سلطان بنیاں
رتبہ گھٹ یزید نے نہیں پایا اوہوی ظالماں دا سلطان بنیاں
اکٹھے ہو کے سارے عالماں میں کیستی بیعت یزید دے ہتھ اُتے
ابلیس آ کے وچ مہمان بنیاں حکمرانیاں ہتھ یزید دے میں

عالم تابع اوسدے دسدے میں عاشق شرع محمدی رکھ لیڈے میں
چڑھ کہ دار اُتے بالم ہس دے میں ہس کے عاشق گردن کٹاؤن دے میں
شہادت یزید دے کھنڈ تھلے تو ویں بامیں گردن کٹا جلدی
سدار پیے حسین دے جھنڈے تھلے حسین امام اے عارفاں کالماں دا
نالے عاشقاں پیاریاں متراں دا بیعت باطل یزید دی نہ کریے
ایہ راہ قہر والی متاں قہر ہو وے بیعت شاہ حسین دی کریں ہاتم
ایہ راہ انعام وال سدا خیر ہو وے

=====

اَلْحَمْدُ لِلّٰہِ رَبِّ الْعٰلَمِیْنَ ○ (سورۃ فاتحہ آیت نمبر ۱)

بودی رکھ کے مند آؤنداں ہندو اپنا مذہب رکھاؤندا
متھے اُتے تلک لگا کے بجاں لگے سیس جھکا کے
نام رام دا سمن لگا کے ہتھ وچ مالا گل وچ زناں
اکو دے میں مذہب ہزاراں چڑھ کوٹھے میں آواز کی ماراں
کی آکھاں میں کہڑا ے
داڑھی مچھیاں پٹے رکھا کے گل وچ لباس شرع والا پا کے
مجد دے وچ پڑھے نمازاں اللہ اللہ مارے آوازاں
چڑھ کوٹھے آواز کی ماراں اکو دے میں مذہب ہزاراں
کی آکھاں میں کہڑا ے

گرد وارے دے وچ جا کے داڑھی موچھاں کیس رکھا کے
 کچھا کنگا تے کرپان کڑا برچھی سکھی نشان
 سکھ دے معنی سکھیا مینی سچے گر دی بہیہ کے بہنی
 سازاں دے نال شبد سناندا پریم نگر دی انحد تار
 اکو دے نے مذہب ہزاراں چڑھ کوٹھے میں آواز کی ماراں
 کی آکھاں میں کہدا اے

گر عبداللہ ہے سیانا باآلم اچے ہے نیانا
 گر دے وچ گر سماںاں دوہاں تھیں ہو اکو جاناں
 اکو دے نہیں مذہب ہزاراں چڑھ کوٹھے میں آواز کی ماراں
 کی آکھاں میں کہدا اے

=====

وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا ۝

(سورۃ النعران آیت نمبر 103)

کھل نہ سٹو ملائیاں دی	فرقے بنائے ایہناں لڑن بدلے
وہابی ، شیعہ ، سنی تے دیو بندی	وگھرے وگھرے ترجے کرن بدلے
پیسے لے کے دنیا مروا دیندے	قرآن عمل لئی آیا اے جاں پڑھن بدلے
جھوٹے فتوے حسین نوں لائے بالم	پوجا اپنے نفس دی کرن بدلے
علم پڑھیاں دین جے جتھ آوندا	کدھے بیعت یزید دی کردے ای نا
دے کے سر شہادتیاں پالیندے	خطبہ نام یزید دا پڑھ دے ای نا
پکے وانگ بلالؓ جے ہو جاندے	کدھے ظلم یزید دے توں ڈردے ای نا
باطل اگے نہ جے جھکدے بالم	سرنیزے دی نوک تے چڑھ دے ای نا

=====

إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ ۝

(سورة الرعد آیت نمبر 11)

مسلمان ہے مانند ڈنگراں دی حاکم جتناں دے اوتے حیوان آگئے
 پہلی پئے اوہ ڈنگراں نوں موڑ لیدے حاکم جتناں دے اوتے انسان آگئے
 غیر توہاں نے دنیا بنائی جنت کھیلن وسطے دیکھو غلامان آگئے
 مسلمان اوہ بالماں لد گئے نے جنگ جو جو اہل قرآن آگئے
 پیسے مگر دوڑاے سب دی بن سپاہی شیطان دے گئے
 اک دوجے دے ویری ہوئے بھائی نوں بھائی نہیں جان دے
 جھڈ توحید پھیلانڈے باطل بندے نہیں رب رحمان دے
 اعتبار جما کے لٹن باتم حوالے دین قرآن دے

=====

قُلْ هُوَ اللَّهُ أَحَدٌ ۝ (سورة غلام آیت نمبر 1)

نیکی بدی نہیں دو ٹھجر وچے نور تجلا
 رکھ برائیاں دا پٹ دیو فیر ایہو ای قل ہو اللہ
 تگواراں دو میان وچ پیندیاں نہیں سر مار دوئی دے کھلا
 نیکی بدی توں بالماں ٹنگاگاں جاوے بندہ بشر ملائک نہ اللہ
 کھرچ میم تے رہے الف اکلا ایہو محض تجلا
 اے ہن مطلب نبی نہیں ہیگا ایہو ہیگا اللہ

پنچتن پاک پنجاں وچ آیا ایہو قل هو اللہ
تو نہیں عزیزا اوہی وہی ، وہی یہی اللہ اللہ

=====

إِنَّ أَوْلِيَاءَ اللَّهِ لَا خَوْفٌ عَلَيْهِمْ وَلَا هُمْ يَحْزَنُونَ ○

(سورۃ یونس آیت نمبر 62)

پنچتن کہن توں ڈر نہ یار سچ کہن توں ڈر نہ یار
شوق عشق ودھ گیا اگیرے لا الہ وچ لائے ڈیرے
الا اللہ دے جلوے پیندے مارن چکاراں اندر یار
پنچتن کہن توں ڈر نہ یار سچ کہن توں ڈر نہ یار
میم لام دا فرق پہچانا احد احمد نوں اکو جانا
الف نے سرتے پائی مروڑی میم دی پہن آیا دستار
پنچتن کہن توں ڈر نہ یار سچ کہن توں ڈر نہ یار
اول آخر ظاہر باطن وکھرے وکھرے نہ پکار
سوچن والے سمجھ لین گے اک محمدؐ مرتبے چار
پنچتن کہن توں ڈر نہ یار سچ کہن توں ڈر نہ یار

=====

ذَلِكَ فَضْلُ اللَّهِ يُؤْتِيهِ مَنْ يَشَاءُ وَاللَّهُ ذُو الْفَضْلِ الْعَظِيمِ ۝

(سورۃ الحديد آیت نمبر 21)

اسیں جتنے جا کے رہنا اسیں اوتھے کفر تے اسلام نہیں
 اوتھے مسجد مندر گر جا نہیں اوتھے ے خانہ تے جام نہیں
 اوتھے عاشق تے معشوق نہیں اوتھے طالب تے مطلوب نہیں
 اوتھے بستی بانگ صلاتاں نہیں اے راہ گزر کوئی عام نہیں
 اوتھے بآلم گر عبداللہ نہیں اوتھے رب رسول وجہ اللہ نہیں
 اوتھے عشق ہٹاں دا ڈیرا نہیں اوتھے دن چڑھ دا پیندی شام نہیں
 اوتھے صبح سویرا شام نہیں اوتھے بآلم تیرا میرا نہیں
 اسیں جتنے جا کے رہنا اسیں اوتھے کفر تے اسلام نہیں

=====

وَلَوْ شَاءَ رَبُّكَ لَجَعَلَ النَّاسَ أُمَّةً وَاحِدَةً ۝

(سورۃ ہود آیت نمبر 118)

ہندو دے گھر پیدا ہوندا ہندو اوہنوں رام پڑھاندے
 مسلمان پڑھاندے اللہ آپو اپنا مذہب سکھاندے
 مندر دے وچ رام رام مسجد دے وچ استغفار
 گر عبداللہ دے بلہار دوہاں اہتیں لے جاندا پار
 جدوں چاہے گر تار ہلاوے بآلم فیض گراں کولوں آوے

نیکی بدی دے دو شجر نیں اک سجے اک کجے جان
 کافر مومن عمل سے یار گر عبداللہ دے بلہار
 اوتار پیغمبر رکھی منی ایہدی دین آئے پہچان
 جے تینوں ست گر مل پئے دوہاں ہمتیں لے جائے پار
 کافر مومن عمل سے یار گر عبداللہ دے بلہار
 نا کوئی کافر نہ کوئی مومن عمل سے کافر عمل سے مومن یار
 پنج تہ سب ہے سراپا چھیویں بنا نہ ہلے تار
 جمع وچوں تفریق جج ہویا کثرت پہن لباس کھلویا
 ستار جبار غفار قہار کافر مومن عمل سے یار
 کثرت چھڈ وچ وحدت آیا اپنے باطن وا راہ پایا
 دوہاں دے وچ جھگڑا پیٹا موسیٰ تے فرعون نے رہتا
 ایس ناسوتی پنجرے اندر لکھاں دکھ تے سکھ ہزار
 کافر مومن عمل سے یار گر عبداللہ دے بلہار

=====

هُوَ لَا وَّلٌ وَلَا خِرٌ وَالظَّاهِرُ وَالْبَاطِنُ ○ (سورۃ الحديد آیت نمبر 3)

میرے گر عبداللہ ساقی نوں مست بناوئے آؤندے نیں
 اکھیاں دے وچ اکھیاں پا کے بے خودی دے جام پانے آؤندے نیں
 میرے گر عبداللہ ساقی نوں مست بناوئے آؤندے نیں
 اکھیاں دے وچ اکھیاں پا کے مست نچانے آؤندے نیں
 عبدالرحمن ، نصیر قادری چیک لا کے پیتی
 نور محمد ، بابا یونس گھٹ دوواں نہیں کیتی
 ابرار شاہ تو پی پی جاندے بھولے شاہ ورتاؤندے نیں
 میاں شریف تے رمضان باؤ نے چلوں دے نال پیتی
 رحمت علی رفیق ہوتا نظر مل کے پیتی
 اوئے کتیاں پی لی جا جی شاہ توں بودے شاہ ورتاؤندے نیں
 میرے گر عبداللہ ساقی نوں مست بنانے آؤندے نیں
 بالم ہوناں دی آگئی داری من مرضی دی پیتی
 اوئے ساقی دا مے خانہ کھلا بھر بھر جام پلاؤندے نیں
 میرے گر عبداللہ ساقی توں مست بنانے آؤندے نیں
 آسیوں پاسیوں کھپیوں بچیوں مست پروہنے آؤندے نیں
 پیار دی ڈوری گل وچ پا کے کول بٹھاؤئے آؤندے نیں

مستی دے دج پی پی نچن نعرے علی دے ماوندے نیں
 سستی سُریر ستار وچا کے راگ توحید دے گاوندے نیں
 وجن ڈھول تے تھنکن کنکر و عاشق نچدے آوندے نیں
 مستی دے دج جمھر پاوندے چادر جدوں چڑھاوندے نیں
 خالی جھولیاں بھر بھر کھڑدے منگتے جیڑے آوندے نیں
 کوئی نہیں باآم خالی جاندا جو منگیا سو پاوندے نیں
 میرے مگر عبداللہ ساقی نوں مست بناؤنے آوندے نیں
 اکھیاں دے دج اکھیاں پا کے بے خودی دے جام پلانے آوندے نیں

=====

أَنَا عَرَبٌ بِلَا عَيْنٍ ○ (الحدیث)

أَنَا أَحْمَدُ بِلَا مِیْمٍ ○ (الحدیث)

جو احد ہے وہی محمدؐ میرے دل دج دڑ گیا چور گڑے
 جند ایسے فراق دج رہی سڑدی اے ہو رتے او کوئی ہو رگڑے
 اے نقطہ عین توں لاونا ایس اینوں عین دے دج ملاونا اے
 ایس عین دی سیاہی نوں کر کشیاں دج دوات دے پاونا اے
 تا پئی ریا نہ پئی ریا نہ شیعہ ریا نہ سنی ریا گیا نکل روئی دا چور گڑے
 جد قطرہ سمندر دج مل کے ہو قطرہ سمندر جاندا اے
 تا سحر تا کوئی چور گڑے

جند ایسے فراق وچ رہی سڑوی اے ہور تے او کوئی ہور گڑے
 اک نقطہ پر گھٹ سارا اے تا جس دا کوئی کنار اے
 اک نقطیوں کل پسارا اے نا اک بن دوجا ہور گڑے
 اک بحر حقیقت وچ وڑ کے تے مجاز دی بازی ہار دا اے
 ہرناں وچ واجاں دیندا اے ہرناں چوں واجاں مار دا اے
 کتے کجھن نوں کتے سمجھادن نوں کتے گر عبداللہ شاہ بن کے گل با تم دے کن پاؤن نوں
 کتے بلھے شاہ بن نچیا اے کتے ست گر بنے نچاؤن نوں
 ہتھ شاہ عنایت دے ڈور گڑے
 جند ایسے فراق وچ رہی سڑوی ، اے ہور تے او کوئی ہور گڑے

=====

وَابْتَغُوا إِلَيْهِ الْوَسِيلَةَ وَجَاهِدُوا فِي سَبِيلِهِ لَعَلَّكُمْ تُفْلِحُونَ ۝

(سورة المائدہ آیت نمبر 35)

انعت راہ انعام والا، انعام پائے اونہاں	روزہ رکھ کے جیڑے نبھائی جاندے
روزہ رکھ کے جتاں توڑ لیا	او لب کے یار گواکی جاندے
جتاں چیلیاں نوں ملے پیر کامل	او وچھڑے یار ملائی جاندے
کھسی اونان نوں ملی ولایت بالم	جیڑے نچ کے یار منائی جاندے
شاہ عنایت ہو رہونداتے رب ہو رہوندا	بلصلاً شاہ کنجراں دے گھر آوند ائی نا
خدمتاں کر کر نچناں سکھ دا ائی نا	نچ نچ کے پیر مناوند ائی نا
جتاں رب تے پیر نوں دو جاتا	کھو بے دوئی دریا دے جا کھے
جھلا کھلا اوس نوں سمجھ بالہم	جیڑا پیر بنا رب ہو رہی لھے

=====

يَوْمَ تَشْهَدُ عَلَيْهِمُ أَلْسِنَتُهُمْ وَأَيْدِيهِمْ وَأَرْجُلُهُمْ بِمَا كَانُوا
يَعْمَلُونَ ۝

(سورة النور، آیت نمبر 24)

ہتھ پیر تے کل اعضاء تیرے
دھوتے پائیاں ٹال اے چکنے نہیں
اوہو چمکن گے جیزے کل برائیاں توں دھوئیں گا توں
پچھتا دیں گا دیکھ اعمال نامہ پیش حاکم دے ہوویں گا توں
ہتھ پیر گواپیاں دین گے فیر ہتھ نوں مار کے روئیں گا توں
اوسے شجر دا کھائیں گا پھل باآں
جس شجر دے بیج نوں بوئیں گا توں

=====

وَقُلْ جَاءَ الْحَقُّ وَرَهَقَ الْبَاطِلُ ۚ إِنَّ الْبَاطِلَ كَانَ رَهُوقًا ۝

(سورۃ بنی اسرائیل آیت نمبر 81)

اے دنیا میدان کربلا اے	جتنے حق تے باطل دا جنگ رہندا
باطل والیاں دی مدد کرے باطل	حق والیاں دی مدد حق رہندا
جدوں تیغ ہلار کے آوے باطل	عاشق صبر تھیں گردن جھکا لیندا
باطل اپنے وار توں نل دا نہیں	عاشق ہس کے گردن کٹا لیندا
جدوں شہیداں نوں جنت دی ٹکٹ ملدی	اوہوی دوزخ دا ٹکٹ کٹا لیندا
ہر کوئی اپنا اپنا صلا پا لیندا	مقام دوداں دا دوداں دے سامنے ہندا
ایدھر تجلیاں نور ویاں باہم	اودھر آگ دے شعلے پا لیندا

=====

لَا صَلَوةَ إِلَّا بِحَضُورِ الْقَلْبِ ۝ (الحديث)

خراب	گئی	عمر	اوناں	دی
جناں	بیعت	نہیں	کے	دی
رکھے	روزے	تے	پڑھیاں	نمازاں
تے	بھج	بھج	وڑے	مستی
نفل	نمازاں	پڑھ	پڑھ	تھکے
عبادت	نفس	دی		کیتی

جدے نال معراج ہونا سی
 او عشق نمرز نہ نیتی
 ساقی دا میخانہ کھلا
 کدے وصل شراب نہ پیتی
 وحدت دے دریائی نہ تاتے
 نہ مل مل لائی پلیتی
 یاجوں مرشد کامل باآتم
 روڑھ گئی لے عبادت کیتی

○ فَاذْكُرُونِي اَذْكُرْكُمْ

(سورة البقرہ آیت نمبر 152)

یار پیارے دی بھل دی نہیں
 جدوں یار اک جھلک دکھا دیندا
 جھلک دے کے تے آپ چھپ جاندا
 لبے پیٹڈے جدائیاں دے پا دیندا
 سوکھی ہوندی نہیں یار دی دید پوونی
 بنیا مین دے وانگ ترفا دیندا
 جدوں جانیاں ہجر وچ جان چلی
 برقعہ مکھ توں ہالماں لا دیندا

جدوں اک واری برقعہ لا دیوے
 فیر وہم خیال کی پیندا اے
 رنگا رنگ ہزاراں برقعے
 یوسف ہر برقعے وچ رہندا اے
 جدھر دیکھاں یوسف وسدا
 سوندا اٹھدا پھیندا اے
 جاناں نہیں یوسف ڈیٹھا بالم
 اوٹاں نوں شک عرش تے پیندا اے

=====

فَإِذَا سَوَّيْتُهُ وَنَفَخْتُ فِيهِ مِنْ رُوحِي فَقَعُوا لَهُ سَاجِدِينَ ○

(سورة ص آیت نمبر 72)

سجدہ ربّ نوں روا نہیں کرنا سجدہ آدم نوں کر دے
 جے ابلیس انکار نہ کردا کیوں طوق پیندا وچ گل دے
 بن تصور شیخ دی صورت دل چوکتے دھر دے
 نور کھلے جد باطن والا اوتے عاشق سجدہ کر دے
 کوئی گنگا کوئی کے دوڑے پینڈھے کر کر مردے
 کوئی مندر کوئی دوڑے مستی پوجا نفس دی کر دے
 میم دے پردے رب وسیندا ابلیس جے ہتھ مل دے

عزیز زلیخاں جنگل ڈھونڈے یوسف سے وچ گھر دے
سجدہ رب نوں روا نہیں کرنا سجدہ آدم نوں کردے

=====

وَهُوَ مَعَكُمْ أَيْنَ مَا كُنْتُمْ ۝

(سورۃ الحديد آیت نمبر 4)

مذہب دی پھانسی گل وچوں لاء کے
میں عشق دی جوت جگائی دی اے
منزل عشق وچ دکھ چار دہاڑے
فیر کل آزادی پائی دی اے
جباباں دے پروے سڑدے نے
جد عشق دی اگ پچائی دی اے
کم عشق دا غیر جلا دینا
رہ جاندا باقی اللہ اے
عشق بناں رب ملنا تاہیں
سر مار مذہب دے کھلا
وجہ اللہ وچ جدھر ڈیٹھا ہر پاسے اللہ
شیشے وچوں باکم منہ اپنا ڈیٹھا اپنا نور تجلا

=====

وَفِي أَنْفُسِكُمْ أَفَلَا تُبْصِرُونَ ۝

(سورۃ الذریت آیت نمبر 21)

میں جد میم نوں پھولیا سی
 تے گھنڈ میم دا مکھ توں چکیا سی
 مڑ کے میم وچوں تیر ماردا سی
 نشانہ اوں دا مول نہ اوگیا سی
 جھلک دے کے تے آپ چھپ جاندا
 عاشق ہجر فراق وچ سکيا سی
 نہ رات گذرے نہ چین آوے
 غم یار دا کھ کھا مکیا سی
 اکھاں رات دن دید نوں روندیاں سی
 نیر اکھی دا کدی نہ سکيا سی
 عبداللہ شاہ نے سروں پھڑا دتا
 برقعے میم اندر جیڑا لکيا سی

غسل عاشقاں صادقاں دا

ایہناں دریاواں وچ ناتیاں بدن نہیں پاک ہوندا
 وحدت وچ دریا دے نہائی دا اے
 میل بدن تے ذرا نہیں رہندی
 مل مل کے پلیتی نوں لائی دا اے
 کدے نہائی دا اے کدی تری دا اے
 کدی مار چھی دور جائی دا اے
 فیر ایساں نال بالماں ہو جاندا
 جیویں ماں دے پیٹ چوں آئی دا اے

=====

وضو

اے وضو ہے عاشقاں صادقاں دا
 تے نظر غیر ولے نا پائی دی اے
 دل غیر ولوں کر صاف لینا
 تے ہستی غیر دی گل مٹائی دی اے
 تے فیر عاشق دی ہندی نماز رہندی
 تجلی کھل دی نور صفائی دی اے
 پیر شاہ عبداللہ نے بلم معراج دی گل دی
 میم الف دے وچ ملائی دا اے

=====

اسلام دے پنج بنے یعنی دروازے
 پہلا بناں اسلام دا کلمہ طیبہ اے
 دوسرا بناں نماز حقیقت دی اے
 تیسرا بناں زکوٰۃ حقیقت دی اے
 چوتھا بناں روزہ حقیقت دا اے
 پنجواں بنا حج حقیقت دا اے

=====

کلمہ حقیقت دا

کلمہ نال زبان دے پڑھی وانہیں
 ہستی لا دے وچ ہو کے لا رہنا
 لبیاں بند زباں نہ کرے حرکت
 فیر لا تھیں ہو اللہ رہنا
 انحد والے ساز بند ہندے
 نہ جپ تے نہ جپا رہنا
 جدوں اللہ تھیں اللہ ہو جائے وارد
 کدے بندہ تے کدے خدا رہنا

=====

کلمے دے جس معنے سمجھے سمجھ گیا وہو اللہ نون
 ناطق قرآن نون پڑھیا جس نے سمجھ گیا اوہو قتل ہو اللہ نون
 کلمہ وارد ہوا جنان نون سمجھے اوہو سیر اللہ نون
 ہر زمانہ اللہ باتم عرش تے لہمنا اے اللہ نون

=====

نماز

خودی تکبر دلیاں نون دور کر کے منہ کجے ولے جدوں کری دا اے
 دل میت تے ہے محراب متقا سامنے مرشدی صورت نون دھری دا اے
 تاڑی لا کے شیخ ول دیکھی دا اے نہ کجھ سنی دا اے تے تا کجھ پڑھی دا اے
 تے ہستی غیر دی بالماں جدوں مٹ جاوے فیر سجدہ اپنے رب نون کری دا اے

=====

اے نماز ہے عاشقاں صادقان دی یاد یار دی دلوں نا کھل دی اے
 سارا مال تے جان جہان سارے قیمت اے نا یار دی تل دی اے
 ہر صورت وچوں یار دے پین جوے ہر صورت ، صورت کُل دی اے
 عبد اللہ شاہ جے بالماں ول دے تے گنڈھ میم والی فیر کھل دی اے

=====

روزہ کل برائیاں توں رکھیدا اے جھوٹ چھڈنا تے سچ بولنا ایں
 اوس روزے دا ہندا نہیں کچھ فائدہ صبح رکھن تے شام نوں کھولنا ایں
 روزہ کل اعضاء دا رکھ کے تے وچوں اپنے آپ نوں پھولنا ایں
 اے روزہ ہے بالماں عاشقاں صادقان دا روزہ رکھ کے فیر نہیں کھولنا ایں

=====

روزہ

جناں نفس دے منہ لگام دتی اوئاں نفس برائیاں توں موڑ دتا
 اوئاں شام نوں روزے دا کھولنا کی جناں نال برائیاں دے توڑ دتا
 آکھے نفس پلٹ دے لگ کے تے کیتے کترے عملاں نوں روہڑ دتا
 عبد اللہ شہ دا کھلا ہے فیض باہم مٹے روزیاں نوں جناں جوڑ دتا

=====

زکوٰۃ

تن من دی دیکے زکوٰۃ ساری ہستی لا وچ لا ہو جاندی اے
 جدوں سن سادھی دا راز کھلے فیر گل سمجھ وچ آندی اے
 فیر پردے دوئی دے سڑ جاندے جد حقیقت سامنے آندی اے
 دیکھ کول چینا دے دھریا باہم اودی چمک چمک مل جاندی اے

=====

ج

حاجی سو جو برائیاں توں رک جاوے کے جان دی اوس نوں لوڑ کی اے
 جھڈ بدیاں نیکیاں دج کھیلے ریندی عمداں دی اوس نوں تھوڑ کی اے
 مرن تھیں پہلے جیڑا مر جاوے حساب پچھنا اوس نوں گور کی اے
 جیڑا رب رسول نوں لہہ لوے اوس لہنا بالماں ہور کی اے

=====

أَنفَ الْحَيَوةُ الدُّنْيَا لَعِبٌ وَلَهْوٌ ۝

(سورة الحديد آیت نمبر 20)

بھولا پنچھی

وے توں اڈھ جا بھولیا پنچھیا ایٹھوں اپنی جان بچا
 استھے گھر گھر پھایاں لکیاں تینوں لین نامول پھسا
 تیرا آہنا عرش عظیم تے وے توں دیس قدس دا شاہ
 سر تاج پہنا نکریم دا تینوں کیتو نے بادشاہ
 تو دانگ نمونے اپنے سر جیا آپ خدا
 تینوں سجدہ کیا قدسیاں کوئی ادبوں سیس جھکا
 جھڈ شاہی ملک دوام دی ہن قیدی جیوں آ
 استھے عاشق ہو گئیوں آن کے دل جیفہ تے ا
 توں نوریوں خاکی ہو گیوں بیٹھوں بھرم گوا

مَن اڈن جوگا نہ رہیوں تینوں کیا حرص تباہ
 اے دنیا گھر تکلیف دا غم درواں دی جاء
 اتھے جو آیا سو ماریا تیرے دل وچ کاہدا چاہ
 اتھے بول نا میٹھیاں بولیاں چپ کر جھٹ لنگھا
 تیرے مگر عکاری موت دے کئی بیٹھے تاک لگا
 جدوں دھون کڑکی آگئی نیر نا جا سی واہ
 تیری گردن چھری چٹان گے تیرا دین خون دہا
 تیریاں نکلیاں کر کے بوٹیاں وچ دین گے ہانڈی پا
 تیرا بھن کباب بنان گے اجے ویلا ای اڈھ جا
 اتھے گھر گھر ڈاکو وس دے جتاں خوف نا مول خدا
 اتھے ڈاکو پین دوپہر نوں تینوں کر سن مار تباہ
 اتھے عدل نا کردے بادشاہ ایہہ حاکم قہر خدا
 اتھے قاضی کھا کھا رشوتاں کسں سولی دین چڑھا
 اتھے عمل نا اندر عالماں نالے زہد نا وچ فقہا
 اتھے صبر نا اندر صوفیاں گل شمع مکرریاہ
 اتھے رحم نا وچ نمازیاں ایہہ حاجی غضب الہ
 توں ظاہری شکلاں ویکھ کے بیبا بھیس نہ دھوکا کھا
 وے توں ویکھ نا بھلیں داڑھیاں ایہہ اندروں نہیں صفا
 ایہناں دنیا ٹھکن واسطے کوئی متھے لئے گھسا

اے سخنِ تینوں جاپ دے او وچوں ای بد خواہ
 اتھوں جان بچا لے سور کھ تو دیس اپنے نوں جا
 اتھے چور اچکے چوہدری جٹاں شرم نا مول حیا
 اتھے کھوٹا کھرا نہ دیکھدے پئے وکدے اکو بھا
 اتھے پو پتراں دیاں گردناں تے چھریاں دین چلا
 اتھے یار یاراں نوں مار دے کر کے ظلم جفا
 اتھے دھوکہ دے چیر دے او ذکیا بے گناہ
 اتھے چاہڑن چٹھہ غلیل نوں او گل وچ پا کے پھاہ
 اتھے یوسف کھوہ وچ سٹ دے ہتھیں آپ بھر
 اتھے اہیوں کرن یعقوب نوں چالی سال روا
 اتھے دند توڑ دے آن کے جٹاں شان لولا کٹ کما
 نالے ماریا مولا مرتھنی کل ولایاں دا پیشوا
 اتھے زہر پلا کے حسن نوں دیندے مار مکا
 اتھے ذبحہ کراہن حسین نوں منجر پٹھہ سا
 اتھے بدر منور صورتاں قبریں دیندے پا
 اتھے سونے پھل گلاب دے گھٹے دین رُلا
 اتھے رنڈیاں ہون سوہاگناں اہے منوں نہ لتھا چا
 اتھے گانے بھجن والیاں رو رو مارن ڈھا
 اتھے پیر پیغمبر ولایا سب بستر گئے اٹھا

ایتھے سدا نہ رہنا مورکھا اینوں آکھن دار فنا
 ایہہ دیس بیگانہ کملیا ایتھے نہ دل اپنا لا
 تینوں ساتھی پئے اڈیک دے کدی مڑ وطنائوں جا
 تیرا لماں سفر مسافرا توں کلیاں پینا راہ
 تینوں دیس نکالا دین گے سب مل کے بھین بھرا
 ہن ملکھاں ولے آن کے توں بیٹھوں وطن بھلا
 ایتھوں چل عبداللہ چلے ایہہ دنیا بے وفا

=====

سلوکِ طریقت

الف

اللہ نور نہیں کدے وی ہو سکدا وحدت مرتبہ نبی دے نور دا اے
 احدیت چوں وحدت دے وچ آیا وحدت وچ آنا کم حضور دا اے
 جلوہ جمالی کدی نہ طور ساڑے جل جانا کم ایسے طور دا اے
 ساری گل نہ بالماں کھول دیویں حد وچ آنا کم نور دا اے

=====

ایںوں پتہ نہیں گھڑی لوں کی ہونا ہے کوئی ہور تار ہلان والا
 ایہہ سڈیاں کسے دے جاندا اے حکم کسے دے تال آن والا
 سونا جاگنا ایس دے وس ناہیں باہوں پھڑ کے کوئی اٹھان والا
 پتلی کدی نہ عزیز نچے تار کھچ کے کوئی نچان والا

=====

استغھے کم نہیں نفل نمازاں دا استغھے تار وچ تار ملائی دی اے
 ایویں وانگ نہیں سپاں دے مست ہوندے ستاں سُرّاں دے تال دجائی دی اے
 انحد والے ساز بند ہوندے جدوں نفی دی تار ہلائی دی اے
 وچ سُن دے بالماں سُن ہو کے فیر دید محبوب دی پائی دی اے

=====

ابلیس سجدہ کرے نا کرے توں سجدہ آدم نوں کر دے
 جے رب تیرا تینوں کہدا رب بندے وچ رہندا
 مہن کے برقعہ میم دا آیا عارف دیندے پھر دے ہو کا
 جنے سجدہ آدم نوں کہتا مومن شیشہ رب دا اوہ
 دیکھ شیشے وچوں لیہدا اے پڑھ دیکھ قرآن نوں بآتم
 او ”نخن اقرب کہدا“ اے

=====

اساں گل ابلیس دی نہیں مٹنی سجدہ پیر دے درتے کرنا اے
 مکھ پیر دا اسم ذات اللہ ایسے بھید قرآن نوں پڑھنا اے
 جلوہ دیکھنا ہووے جے ذات ربی سامنے پیر دی صورت نوں دھرنا اے
 ایہو بالماں سری بھگوان اللہ ایسے بھید قرآن نوں پڑھنا اے

=====

اک من ویری اپنا دوجا وچ شیطان
 تہی ویری نیند اے جیڑی چھین نہ دیندی لین
 چوٹھی ویری استری جنیں کھو لیا دھرم ایمان
 پنڈواں ویری کال و دھن جد نظر گئی آسمان
 چھویں ویری موت اے جیڑی بیٹھی سرتے آن
 انہیں ویری ہونڈیاں بالماں میرا کیویں روے ایمان

=====

اوہ مسلماناں کی مت نوں تیری ہو گیا بھوکا نفس تیرا کیوں رجدا نہیں
مال اپنا چھڈ کے دو بے دا کھائی جانا مسلمان دے پتر نوں اے سجدا نہیں
اے کم اے موذی منافقاں دا موذی کدے میدان وچ سچ دا نہیں
پتر شیراں دے بالماں شیر ہوندے شیر کدے میدان وچوں بھجدا نہیں

=====

ایس آدم دا نا وسا کھاویں ہندو مسلم یا سکھ صیائی ہووے
اووے ہتھاں تے پیرں دے لیں بوتے عشق نبیؐ وچ جیرا شدائی ہووے
چوگ کھلری دیکھ نا طمع کریں کیہتے نفس نے پھائی نہ لائی ہووے
ایس شجر دے نیڑے نا جائیں ہاتم آدم وانگ نا کتے بہائی ہووے

=====

او مسلماناں دا پا محراب متھے
داڑھی شیخ دے وانگوں ودھائی جانا
جج کر کے حاجی دا بورڈ لانا
آکے مکر دا جال وچھائی جانا
سبحان اللہ دا ورد زبان اُتے
وٹے بکڑی وچ گھٹ پائی جانا
سیدھے پاسیوں چھری چلا ہاتم
بٹھئی چھری نال ای کھل لائی جانا

=====

ب

بھار چوری دا سرتے چکنا نہیں تے ناں چک کے گھر لیاوناں ایں
 تے بھار ڈھو کے روزی کما لیتی رزق حق ہلال دا کھاوناں ایں
 تے جیڑا اپنا بھار ناں چک سکے اودا چک کے گھر پچاوناں ایں
 سر رب دی راہ کٹوا دینا باطل اگے ناں باتم جھکاوناں ایں

=====

بندگی رب دی جھڈ کے بندے دی کرو بندگی بے کر جنتاں دے دج جادناں ایں
 حقوق العباد حقوق اللہ اُتے ہو جاؤ پکے مسلمان بے تہاں سداوناں ایں
 جنے بندے دی بندگی توں انکار کیا طوق اوے دے گل دج پاوناں ایں
 گناہ رب نے اپنے بخش دینے گناہ بندے دے نے دوزخ لجاوناں ایں

=====

بے فائدہ کلام نوں بند کر دے اُکلے سچ زبان دا زنگ اُکلے
 جو کجھ آکھیں اوہو ہو جائے جیڑا سیف زبان دا بند اُکلے
 لبّاں بند زبان نہ کرے حرکت نہ کوئی تار تے نہ کوئی تند اُکلے
 تالو نال زبان عزیز جد لگے برقعہ چک مدینے دا چن اُکلے

=====

بیڑی صدق یقین دی مار پیریں تے مستقیم والے رستے جاکِی دا اے
 کند کوٹھجے غریب دا ہووے بن والا گارا پیراں دے نال ہٹاکی دا اے
 تے گٹھڑی مائی دی چک ٹرے جانا دکھ اسیراں دے نال وٹڈاکی دا اے
 اوٹے کوڑا توں خبر نوں جا باہم ایہہ کم پیارے مصطفیٰ دا اے

=====

بد بو طمع دی تک وچوں کڈھنی آں نہ تک دے وچ بد بو روے
 بیڑی حرص تے ہوس دی روہڑ دینی لا طمع دی آوندی خوشبو روے
 رات دن جیڑے ساہ آندے ہر ساہ اندر ہو ہو روے
 ایسا ہو اندر ہو جا محو باہم نہ غیر دی کوئی جستجو روے

=====

پ

منجھیں روشن پنجاں وچ جلوہ تے منجھیں محض صفاتی
 پنجاں تھیں ہر ذرہ روشن پا پنجاں وچ جھاتی
 پنج نمازاں پنج تہ تیرا پڑھ دے دن تے راتیں
 کدھے عزیز منجھیں غائب مقام لا ہوتی جاتی

=====

پاکستان وچوں مولوی کڈ دیو
 پاکستان جے تساں بناوٹا ایں
 فرقے بندیں ساریاں بند کرو

مسلمان ہے تہاں سدوانا ایں
 حقوق العباد حقوق اللہ اُتے
 ہے کر جہناں دے وچ جاونا ایں
 اک ہو کے اک دی کرو پوجا
 ہے کر بالماں کفر مٹاونا ایں

=====

پیوند اُتری کینوں ہویا کھٹا جیروی مالی نے کھٹی تے لائی ہوئی سی
 مسلمان ہو منافق گیا تائیں پیوند اُتر گئی جو کلمے دی چڑھی ہوئی سی
 بریاں لذتاں دے پیچھے چھڈ دتی دو لڑی رسی جیروی پھڑی ہوئی سی
 ریتاں تھیاں تے باآلم پڑھے کلمہ جدھی اکھ محمدؐ نال لڑی ہوئی سی

=====

پوجا نفس دی چھڈ کے رب دی کرو پوجا تلواراں دومیان وچ پنیدیاں ای نہیں
 حق تے باطل نے کٹھیاں نہیں رہنا جیویں سوکناں رل کے بھھندیاں ای نہیں
 اوناں اپنا دامن بچا لینا نال غیر دے جیڑیاں کھیندیاں ای نہیں
 سچے رب دی پوجا جو کرن باآلم اوہ صورتاں دوزخ و ہندیاں ای نہیں

=====

ج

جالی شرع دی مولوں بٹھایا قاضی
 جیڑی پھائی امیراں نے لائی ہوئی آ
 تے لوکاں سمجھیا کرن تقریر لگا
 تے دنیا بھج کے ملاں ول آئی ہوئی آ
 اوٹاں دوڑ کے رسی نوں کچھ لیا
 دنیا پھائی دے وچ پھسائی ہوئی آ
 پٹھی مٹھری دے ٹال کرن ہلال باٹم
 شرع قابو امیراں دے آئی ہوئی آ

جنگ حق تے باطل دا ہو ریا تے حق اوتے باطل چھائی جاندا
 غنڈا کسے دی نہیں پرواہ کردا عزتاں ٹٹ لیندا سر لائی جاندا
 ویکھ کلمہ محمدؐ دا پڑھن والا حلال سمجھ حرام نوں کھائی جاندا
 جتھے عدل انصاف نہ رہے باٹم اوتھے قہر خدا دا آئی جاندا

جدوں سپاہی بنے رب دے تے مدد فرشتے کر دے سن
 خشکی تے دریا کی ہويا پہاڑ نہ اگے اڑ دے سن
 اوکڑ جانڈے سی پیر کافراں دے اوہ مسلمان جد لڑ دے سن

توحید پھیلا دے سن رب دی باتم کافر کلمہ پڑھ دے سن

=====

جیڑا اپنے آپ تے ہویا عاشق او عمر حیاقی نوں روہڑ بیٹھا
ڈونگا دریا برائیاں دا وگدا اے بیڑا وچ دریا دے یوڑ بیٹھا
پوجا نفس پلٹ دی کرن بدلے رشتہ رب رسول توں جیڑا توڑ بیٹھا
او ولی خدا دا ہالماں ہویا کامل جیڑا نفس برائیاں توں موڑ بیٹھا
سچے رب نوں جتے پوجیا اے او اپنے رب نوں پا بیٹھا

=====

جناں اپنا نفس پہچان لیا
او اپنا رب سیان دے نہیں
جناں اپنا نفس پہچانیاں نہیں
او اپنے رب نوں جان دے نہیں
الف لام تے میم دے معنے او سمجھ گئے
واقف کار جو ناطق قرآن دے نہیں

=====

جاگ سویرے جاگ لا لیے
کھیڈوں وچ نہیں وقت گواہی دا اے
جاگ پانی نوں کدی نہیں لگدی اے
جاگ لا کے دودھ بھائی دا اے

اُدھی رات نا اٹھ کے دھو چائی
دودھ دیلے نال رڑکنا پائیدا اے
نیتاں لا دا لا پھیر دے پھیرا
بالماں مکھن کڈھ کے گھپو فیہ کھائی دا اے

=====

جانندی واری کی بالماں نال کھڑناں ہالن دکھاں دا جیڑا لدی جانا
مسلمانی دا توں کی لگتا ایں ہتھوں عمل قرآن دا پھڈی جانا
چولا شرع دا پا کے کریں دھوکا سینے وچوں ای ایمان توں کڈھی جانا
آکھے نفس پلٹ دے لگ کے تے جڑاں نال کلہاڑے دے وڈھی جانا

=====

جس واسطے سی جنگ دا حکم دتا اوے نفس توں یار بنائی جانا
بھلا ایس نے تیرے نال نہیں کرنا توں آکھے نفس اندر کانوں آئی جانا
پوجا حق دی جھڈ کے باطل دی کریں پوجا زہر اپنے ہتھی کیوں کھائی جانا
اٹھ بالماں رب توں پوج لیے پوجا نفس وچ عمر دیائی جانا

=====

جال گئی سی جھلک یار والی
دھوئی یار دے در تے لا بیٹھے
لوں لوں پکار دا اے رب ارنی

اسیں دیہ دی اکلہ جگا بیٹھے
اک میں دوسرا یار میرا
جان وچ جدائیاں دے پا بیٹھے
میں توں دا مٹ گیا بھرم
بالم جدوں دوکی دا بھرم مٹا بیٹھے

=====

جے کر قدر حسین دی پچھنی آ جا کے پچھ لے اودے پر دائیاں نوں
جتھے شمع حسین دی جلے بالم ردک سکدا اے کون پر دائیاں نوں
ملانے کی شرع نوں جاندے نہیں ایہ تے نفس دی پوجا میں کرن والے
رحمت رب دی لٹ کے چور لے گئے غنڈے چکے تے دین توں مرن والے
شرع نبیؐ دی رکھ لئی عاشقاں نہیں ہس ہس کے دار تے چڑھن والے
شہادت ایہناں دے نہیں نصیب بالم ایہہ ہیں خورال دے عشق وچ مرن والے

=====

ح

حال کی پوچھنا حالیاں دا
حال والا ای حال نوں جاندا اے
اک حال ہوندا اک کال ہوندا
پتہ کالی نوں اپنے کال دا اے

حال ہوئے وارو جے کر چل گذرے
مزا اوں نوں ہوندا وصل دا اے
ہستی غیر دی بالماں جدوں مٹے
فیر ہر ولے حالی حال دا اے

=====

حسینؑ اپنی گل تے ریا پکا کنبہ کر بلا وچ گہا دتا
باطل اگے نہ سر جھکایا باطل اگے نہ سر جھکایا
سوہنی اپنے پک تے رہی پکی اونے پک نوں خوب نبھایا
کچے گھرے نہ ساتھ نبھایا گل جاوے تے گل نہیں جان دتی
پک دانگ ابلیس دے رکھ باہم اک گل تے گردن کٹا سکنا ایں

=====

د

دل دے نال وچار کیتی چواں عناصراں دا کیداں میل ہويا
وگے ہواتے مٹی نے اڑ جانا اگ پانی دا کدے نہیں میل ہويا
جدوں چواں بچ پنجواں آن ملیا چارے رل کے پنجواں دا کھیل ہويا
پنچے چھیویں دے نال موجود رہندے کیسا فاعل دا بالماں فعل ہويا

=====

ط

ڈالیا سی جال مچھی ولے
 ناگ عشق دا آن کے لڑ گیا ای
 اووے ڈنگ دی پھیل گئی زہر سارے
 تن من تے کالجا سڑیا ای
 بناں پتیریں ای نشے دے وچ رہندے
 نشہ جنوں پریم دا چڑھیا ای
 او پٹیاں بالماں نہیں پڑھدے
 عین شمین تے قاف جاناں پڑھیا ای

=====

ر

رے رنگ توحید دے رنگ ساقی
 تیرا کرم ہو جائے میرا کم ہو جائے
 ادوں رنگ توحید دا چاڑھ دینا
 جیدے نال ساقی تیرا سنگ ہو جائے
 ایسا رنگ توحید دا ، رنگ گورھا

جیڑا دیکھ لوے اوہ رنگ ہو جائے
دھوبی دھوئے تے رنگ نا دھلے باہم
ایسا چولا توحید وچ رنگ ہو جائے

رُوڑھ دے خودی نکبراں نوں
طرح حرص دے روڑھ ہار وچے
ندی نالے سمندر ، دریا، دگدے
مجھ کچھ تے کچھ سنار وچے
عرش فرش تے زمین آسمان سارے
سر سبز تے خشک پہاڑ وچے
جنوں بار تو ہالماں لکھنا ایں
ادھو وسدا ای دلیر یار وچے

راہ سدھا تے وسدا اے پر سدھا ہو کے چل دا نہیں
برے کماں دے برے نتیجے فیر دی دیکھ کے تل دا نہیں
ہاجھوں مرشد انج ہوندا جیویں گیلا ہالن بددا نہیں
عین نوں غین نا دیکھیں باہم پتہ گھڑی پل دا نہیں

رَبّ وِج وِیرانیاں لہہ دا ساں لہہا بستیاں وِج وسدا ربّ
 مَندراں مَجدراں وِج میں ٹولیا سی لہہا ایس قلموت وِچوں ربّ
 جُناں گُراں نوں ربّ کر جانیاں سی لہہا اوٹاں تے لیا ربّ
 عرش فرش تے لا مکاں اندر شَکَل میم دی بن گیا ربّ
 بے صورتا، صورتاں دھار آیا ہر اک صورت بن گیا ربّ
 پہچان ربّ دی بالماں اودوں ہوندی جدوں ربّ وِج ہو جائے ربّ

=====

س

سور کھاؤناں کم اے سورے دا سور کھاویاں بڑا سواد آوے
 سور وِج مسیت دے کوہ کھائیے نال بھری صرائی شراب ہووے
 سواد وِچوں سواد آوے مرے مرن توں پہلا سواد آوے
 ورق ناطق قرآن دے کھول دیکھیں کتاب اپنی پڑھیاں سواد آوے
 سیر سارے زمانے دی پھریں کروا سیر اپنی کرن دا سواد آوے
 مقام وِج لاہوت عزیز جا کے نہ ثواب تے نہ سواد آوے

=====

سدے عاشق تے جادے معشوق کیویں بھلا مرتبہ معشوقی دارہ سکدا
 اولاً انتہا جدھا کوئی نہیں کنارہ حادث ہو کے عرش تے بہہ سکدا
 ہووے عاشق معشوق توں جدا کیویں اللہ مل کے محمدؐ وچ رہ سکدا
 جے بنے دونوں جہان محمدؐ دی خاطر فیہ محمدؐ ہی عرش تے بہہ سکدا
 اک عرش او تے اک فرش او تے کون صدے جدائیاں دے سہہ سکدا
 عزیز گھر والا ای گھر دے وچ جاندا اے گل زمانہ کہہ سکدا

ش

شہر میں عشق دے جا وڑیا
 لپھا مار کے عشق ساڑ دیتا
 اک تڑپنے تے اک سہکنے دی
 آرا دھر کے کند توں پھاڑ دیتا
 اک ہجر فراق وچ روڑھ بیٹھے
 پھڑ کے کسے نوں دار تے چاڑ دیتا
 نذرانہ عاشق دا لیندا سر بالہم
 فیر آ کے یار دیدار دیندا

ط

طمع تے حرص نوں کڈ وچوں
 اگاں بوٹا توحید دا گڈنا ای
 کلہاڑا صبر یقین دا پا دستہ
 رکھ دوئی دا جڑاں تو وڈنا ای
 خودی تکبر تے غرور کبر ہنکار سارے
 اوناں سبھں نو من وچوں کڈنا ای
 جھاڑو لا دا بالماں پھیر کے تے
 ویرا اپنا صاف کر چھڈنا ای

=====

ع

عین و عین دیندا اودوں جد غیر دی ہستی سڑ جاوے
 فیر ہر ہر پاسے دیندا اللہ جدھر مرضی اے سجدہ کر جاوے
 تن من پلیتی اودوں لیندی جدوں دریا وحدت وچ تر جاوے
 علم داعالم اودوں ہندا باکم جدوں ایس کتاب نوں پڑھ جاوے

=====

غ

غیر قوماں قرآن تے عمل کر کے ساتھوں لنگ گیاں اگے
 ایس بدعت وچ پھس کے رہ گئے گلیں پا کے لبے چگے
 پڑھ کے علم تے مارن سیٹیاں منڈا پیچھے تے گڑی اگے
 غیرت والے غیرت کھاندے باآلم، بے غیرت نوں کی لگے

=====

ف

فرق عین تے عین وچ نہیں ہندا پر نکلتے عین بنا دتا
 راز نکلتے دا سمجھ وچ آیا جد نکلتے گر سمجھا دتا
 حیرا عین سی عین ہو گیا او جد نکلتے دوئی مٹا دتا
 ایس نکلتے دے ہیں حروف سارے نکلتے بالماں الف بنا دتا

=====

ق

قلبی ذکر شروع جد ہوئے چٹھن مغز کھپائیاں
 بھلن نقل نمازاں روزے قیدوں ہون رہائیاں
 دل زندہ تن مردہ ہوئے خوف نہ روے جدائیاں
 جاگ وا روئے یا سوتا باآلم آپے کرے پڑھائیاں

=====

ک

کامل گرد دی کرے جو بیعت بالم
 اوہو یار دی سیج نوں جان دے نیں
 اوٹاں توحید زمین آباد کر لئی
 جتاں عشق پریم دے کھوہ جئے
 پیر عبداللہ شاہ دے کرم تے دیکھ
 بآلم جیہاں دے جاگ پئے بھاگ سئے

=====

کام کرودھ کبر ہنکار سارے شوق شہوت دے پنچ وچ پھڑیا ہویا اے
 بناں مرشداں نہیں نجات بالم بیعت کرن توں ملاں کیوں ڈریا ہویا اے
 جتاں کسے دی کیتی تا بیعت اتھے جھنڈے تھلے ابلیس دے کھلون گے اوہ
 وقت گیا نہیں بالماں ہتھ آناں ہتھ متھے نوں مار کے رون گے اوہ

=====

کے گروتوں جا کے مت لے لے بغل وچ کیوں دشمن نوں لئی جاناں
 ڈنگ مارنوں ایس نہیں باز آؤنا جنوں چرب نوالے توں وئی جانا
 عاشق من مسیت چوں لہہ لہندے مندریاں مسجدیاں ول کی وئی جانا
 سچے رب دی بالماں کرو پوجا جھوٹھے نفس نوں رب کیوں کہی جانا

=====

کیوں تافس نوں برائیاں توروک لواں بناں گر کال ایہنے رکنا نہیں
 گر رسدا اے نفس جنگ کرنا بناں جنگ کیتیاں ایہنے جھکنا نہیں
 کیوں نا اپنا آپ گوا کے یار پالواں پینڈا دور دا اے ایہ مکنا نہیں
 دیواں نفس دے منہ لگام ہاتم نہیں تے ڈنگ مارنوں ایس رکنا نہیں

=====

کناں نال نہیں غیر دی گل سنی پاویں گل اندر کناں راز ہووے
 ہر پاسیوں کناں نوں بند کرناں سنا نہیں جو وجدا ساز ہووے
 جیزے تر دریا وچ جدے آ ائد دی آوندی آواز ہووے
 جدوں سن سادھی دا بالماں راز کھلے نہ ساز تے نہ آواز ہووے

=====

گ

گوپی چند نے فقیری پائی در در منگے آتا
 بوہے اگے جا کے صدا کہتی پچھیا پا دیو بھاتا
 چھوٹی رانی نے بول پچھاتا ہووے کسے نہیں پچھاتا
 جنان رانیاں دا خصم سی ہوناں رانیاں ٹوں کہدا ماما
 جیوا تیری کی ہندا جاندا رانیاں ٹوں کہدا ماما

=====

گردن اوناں دی باطل اگے جھک دی نہیں نفس جنگ تھیں جیڑے شہید ہو گئے
 عاشق شاہ حسین دے صبر تھیں ہوئے واصل زہد الانبیاء بابا فرید ہو گئے
 اودھر عاشق ابلیس دے بنے قارون فرعون شداو بے دید ہو گئے
 پوجا حق دی چھڈ کے جو باطل دی کرن پوجا ظالم ظلم تھیں پاتم یزید ہو گئے

=====

ل

لگام نفس دے منہ وچ دین بدلے کامل گرو کوئی لہجے کے پھڑی داے
 ڈھال صدق یقین تے لاٹکوار پھڑ کے جنگ نفس دے نال رات دن لڑی داے
 خرافاتیاں نفس جے کرن لگے لگام دے کے نفس تے چڑھی داے
 کتاباں ٹھپ کے ہالیاں رکھیاں اک پاسے تے کتاب اپنی کھول کے پڑھی داے

=====

لا کے عاشق نہیں پیچھاں ہٹ دے
 بھادیں ہو جان بیرے بیرے
 دکھ درو مصیبتاں سہندے سر اوتے
 پر رکھ دے قدم اگیرے
 غیر دی ہستی جد سڑ جاوے
 فیر دسدا ای چار چو فیرے
 لا وچ لا نہیں باآم لگدا اوناں تے
 جتاں دے لامکانی ڈیرے

=====

م

مسلمان تے سب دے پیچیاں نوں
 نال چلواں دے دودھ پلائی دا نہیں
 ایٹاں دواں دے نال پیار پا کے
 ڈنگ اپنے سینے تے کھائی دا نہیں
 دور دور رہ کے سکھی وّسی دا اے
 گھر سد کے شیر کھوائی دا نہیں
 جان مال عزت بچاون بدلے
 نیڑے دواں دے بالماں جائی دا نہیں

=====

ملاں اپنی شرع نوں گھر لیجا اساں نبیٰ دی شرع اپنائی ہوئی آ
 بوٹے شرع نوں ذکر دا خون دے کے جان تلی اوتے ٹکائی ہوئی آ
 خاطر شرع دی کنبہ گہا دیتا گردن کر بلا وچ کٹائی ہوئی آ
 شرع رکھ لئی عاشقاں صادقان نیں بالم شرع لئی چڑی لہائی ہوئی آ
 ملاں توں کی شرع نوں جاننا ایں گھوڑے نفس دے اوتے توں چڑھیا ہویا یں
 منہ نفس دے نہیں لگام تیرے قلعے نفس اندر توں وڑیا ہویا ایں

ملاں توں کی رب نوں جانتاں ایں جے کر اپنے آپ نوں جاندا نہیں
 ایویں رب دی کیویں پہچان ہوئی جے کر اپنا نفس پہچان دا نہیں
 لیس قرآن نوں توں کی سمجھنا ایں واقف کار جے ناطق قرآن دا نہیں
 متقی پرہیزگار نہیں بالماں بن سکدا واقف کار جے اہل عرفان دا نہیں

میم ملانے تابع رہندے حاکم جیڑا آدے
 جھوٹھا سچا فتویٰ دیندے حاکم جو دوا دے
 عاشق نوں سگوں مستی چڑھدی فتویٰ سینے لا دے
 دین نبی دا جان نہیں دیندے باآلم سر جاوے تے جا دے

منافق نالوں کافر چنگا جیڑا وج کفر دے رہندا
 منافق کردا ہیرا پھیری ہر ویلے بدل دا رہندا
 سو درجے ابلیس ہے بہتر گل کہیہ کے نہیں واپس لیندا
 تے مسلمان اوہو ہندا ہاتم جیڑا ربت نوں ہی دیکھ دا رہندا

=====

مسلماناں توں سی سبق توحید دادین والا ڈپو کاہنوں برائیاں دا کھولیا ی
 وٹے تکزئی دے وج گھٹ پا کے سودا گاہک دا گھٹ کیوں تو لیا ای
 چھابا لد کے آکھنا ایں جا پیا گھٹ تو لن توں جیڑا بولدا ای
 سچے گرو توں سکھ توحید ہاتم گندے کوڑے نوں کاہنوں پھولیا ی

=====

مسلمان نہ ہر اک نوں سمجھ بیٹھیں علاج عقل دا کتوں کرا کے دیکھ
 کافر مومن چوپائے سب دن بندے کسے گرو توں عینک ہوا کے دیکھ
 بچے سپاں دے یار بنائی دے نہیں ساڈھی گل نوں ذرا آزما کے دیکھ
 بندر سور کتے ریچھ نظر آوندے جھاتی قلب تے بالماں پا کے دیکھ

=====

ن

نیوں لا کے سکھ ٹال سویں وا نہیں
 لاؤنا عشق ہوندا بکھیرا
 نہیں تے پچھ لے رانجھے کولوں
 جدوں ہیر نوں لے گیا کھیرا
 نہیں تے پچھ لے بلھے شاہ لوں
 گمر کنجراں دے لایا ڈیرہ
 چل بالماں وسیے اوتے
 جتھے عشق نہیں پاؤندا پھیرا

=====

و

وا میں جاواں قربان اوٹاں توں
 بجاں نفس نوں گھوڑا ہٹا لیا
 نفس نے کھیاں چاڑیاں نے
 زہد کر کے نفس اپنا لیا
 غوث قطب ابدال ہو گئے نے
 مستقیم والا بجاں نے راہ لیا

ادناں نے چوپے نے ہاتم پریم رس
پھل توڑ کے جٹاں نے کھا لیا

=====

۵

ہتھ پیرتے اکھیاں منہ کن جیزے ایہو سکے نے بھین بھرا میرے
میرے حکم نوں رات دن من دے نیس ایہو جتن تے ایہو دشمن میرے
بنا محشر نوں ایناں گواہ میرے جد پچھناں ایں ہاتم خدا میرے

=====

ہر پاسیوں نظر نوں بند کر دے غیر دیکھیاں ولے تے غیر پے نا
عین دیکھیا دلے تے عین ہو سی ایہو فیر عین وچوں عین نے کھل پے نا
قطرہ سیپ وچ پے کے بنے موتی اودا وچ بازار دے مل پے نا
اکھ غیر ولوں ہاتم جدوں بند ہوئی فیر باطن دی اکھ نے کھل پے نا

=====

ہندوستان جے ماتا پکا لوے پاکستان ناں جنگ بچاؤن بدلے
پاکستان دے مولوی کرو اکٹھے ہندوستان دے نال لڑاون بدلے
پہلے حلوے نال رجاؤ فیر گھلنا مرن مراون بدلے
پچھے ادناں دے بالماں فوج لائیو بھج آون نا جان بچاؤن بدلے

=====

ہتھ کل برائیاں توں موڑ کے تے بوٹے نیکیاں دے صدا بوئی دے نے
 روزی ہتھ دے نال کما کھانی بوٹے پٹے مڈھوں بد خوئی دے نے
 ہتھ پائیاں نال نہیں پاک ہوندے درج وحدت دریا ڈبوئی دے نے
 اوہو چمکدے رہن گے ہتھ باکم جیڑے ہتھ برائیاں توں دھوئی دے نے

ہم وای ہیں اس بستی دے
 جتھے لیدا نہ چڑھدا اے
 اوٹھے کفر نہیں اسلام نہیں
 اوٹھے مے خانہ تے جام نہیں
 اوٹھے مسجد تے مندر نہیں
 اوٹھے سادھو دھونیاں لاندے نہیں
 اوٹھے جن تے سورج تارے نہیں
 اوٹھے لیدا تے چڑھدا نہیں

ی

یاد کر اپنے رب تائیں
 جدو سامنے درشن دیدار دتا
 اوس الست ربکم آکھیا سی

تالو بلی پکار دتا
 کنیاں آ کے وعدے دا پاس کنیا
 کنیاں کر کے وعدے نو ہار دتا
 وعدہ عاشقاں توڑ مہایا باہم
 بھائیں کھل لتھی بھائیں دار دتا

یاد پیارے دی یاد اندر
 یاد یار دے وچ سہائی دا اے
 اکو یاد پیارے دی رکھنی اے
 ہور ناں یاداں نوں دلوں بھلائی دا اے
 ہو ہو دا ذکر وجود اندر
 ساہ دسویں دوار چڑھائی دا اے
 جدوں کھلے سادھی دا راز باہم
 پتہ اپنا فیر نا پائی دا اے

بیڑ پوے تے مرد وٹھا لیندے پردے عاشقاں دے مرد کج بیندے
 مندر تے مسیتاں وچ پھرے لکھدا تیرا ای وجود اے گھر رب دا
 پردہ دوئی والا بالائے اٹھ جاندا جدوں میم والی گنڈھ کھول دیندے

حقا پیوے ہر کوئی حقہ ہر کا جی
کی لینا گنگا جا کے گمر بہہ کے حقہ پی

=====

ٹٹے کدے تربوز نہیں بن دے چاہے مکے پھیر لیئے
کانوں دے پت ہنس نہ بن دے بھانویں وچ دریاواں نواسیئے

=====

حشر تک پڑی رہن دے جدائی یاردی رز محشر نوں عاشق کرن گے منہ جوڑ جوڑ گلاں
چنگی ایس نے نبھائی اے جدائی یاردی رنگ محشر نوں لیائے گی جدائی یاردی

=====

جے کر نفس برائیاں توں رک جوے تے سجن ایدے درگا ہوو کیڑا
عدلی راجے توں رانجھے نوں ہیر ملی منہ نکدا بالماں رہوے کھیڑا

=====

زمیں مسجد سراپا اے خدا دا گمر
ایس اج اے ای نماز ہے بالتم گناہ نہ کر

=====

کملے لوک جہان دے بھلی ایناں دی مت
صورت پیر دی دیکھ کے اجے وی لہدے رب

=====

دم دم دی پڑھن نماز عاشق تے قائم جناں نے کیتی
وحدت دے دریائی تاتے باکم مل مل لائی پلیتی

=====

توحید دے موتی

حضرت سائیں عبدالعزیز المعروف بابا بالہ
قلندر قادری قلندری نوشاہی عبداللہ شاہی

بِسْمِ اللَّهِ الرَّحْمَنِ الرَّحِيمِ

کُنْتُ كَنَزًا مَخْفِيًا ○ (الحديث)

جدوں احد چوں بچونہ سی نہ رنگ روپ نمونہ سی
 الرحمن الرحیم نہ قہار جبار تے للہ سی
 اوتھے میم دا برقعہ پا آیا محمد نام رکھا آیا
 اے صورت ہے بے صورت دی بن الف تے میم الہ آیا
 ایہوں جانن والے جان گئے ایہوں عارف لوگ پہچان گئے
 آپے ہر صورت بن خدا آیا
 کتے ماردا پھر دا چانگاں اے بن ملاں دینداں بانگاں اے
 کتے مندر نل کھڑکاندا اے کتے متھے تلک لگا آیا
 ایہدا جمیاں کوئی شریک نہیں خود لا تھیں ہو الہ آیا
 کتے ہاتم گر عبد اللہ اے بن عرش تے علی خدا آیا
 خود اپنے جلوے دیکھدا اے جد سن سادیاں لا آیا

=====

فَاذْكُرُونِي اَذْكُرْكُمْ ○ (سورة بقرہ آیت نمبر 152)

جد لکھیا لیکھ دا ملنا ایں فیر کہنا خدا نوں خدا کیوں اے
 جد یار دی یاد او کردا اے فیر رہندا یار جدا کیوں اے
 جد قادر مطلق ہے اکو فیر میری اے یار خطا کیوں اے
 بناں قادر قدرت نہیں چل دی فیر دیندا سر پتلی والا کیوں اے
 پتہ لگدا نہیں اودے فریاں دا کتے دقاتے کتے بے وفا کیوں اے
 جد قل حوالہ ہے اکو فیر میم تے الف او لا کیوں اے
 جد حاضر ناظر رہندا اے فیر غیر نوں ملدا تھاں کیوں اے
 جد غیر دا کوئی وجود نہیں فیر غیر دا رکھیا ناں کیوں اے
 عزیز پتہ کجھ لگدا نہیں چل پکھیے گر عبد اللہ نوں
 جد رکھدا کوئی وجود نہیں فیر قرآن کلام خدا کیوں اے

=====

وَاقِمِ الصَّلَاةَ لِذِكْرِي ○ (سورۃ طہ آیت نمبر 14)

میں بندگی اپنی کر دا ہاں دس میں خدا دا کی کردا
 مینوں صلہ عمل دا مل جاندا جو کردا میں اوہو بھردا
 مینوں کیوں دکھاوے راہ سدھا دس کیڑی نماز میں ہاں پڑھدا
 اس قابل تے میں ہوندا نہیں جو کرم میرے تے ہے کردا
 اسیں دیکھ کہ سجدہ کردے ہاں تاہیں عشق نماز نوں پڑھدے ہاں
 جد پردہ یار اوٹھا لیندا بے پردہ درشن ہاں کر دے
 جد اپنے آپ نوں جان لیا ہر رنگ دے وچ پہچان لیا
 اوہو دسے اندر باہر اوہو ہے ہر صورت جلوہ ہے پیندا
 خود پاندا پھیرے پلکھے نوں وچ کرے پلکھے لکھے نوں
 سٹ تسبیح عزیز مصلے نوں جد لیکھا تیرے نال نہیں کردا

=====

وَ فِي أَنْفُسِكُمْ أَفَلَا تُبْصِرُونَ ۝ (سورة الذریت آیت نمبر 21)

تینوں ایویں پیا شک اے نہ ماہی اساں توں دکھ اے
 تیری نظر وچ غیر دا ککھ اے توں نہ ہوویں سب حق اے
 تیری سدھ بدھ دوئی نے مار لئی تو کدے نہ اپنی سار لئی
 تیری دواں تے رہندی اکھ اے توں نہ ہوویں سب حق اے
 تیرے وچے غیر تے حق اے توں دواں نوں ویکھنا دکھ اے
 جے دل والی ویکھیں اکھ اے توں نہ ہوویں سب حق اے
 توں کثرت وحدت کہنا ایں وچ پر ہر مرتبے رہندا اے
 کتے دیکھ نہ سکدی اکھ اے توں نہ ہوویں سب حق اے
 تیرا ہونا سارا وہم دا اے کم عزیز فہم دا
 شاہ عبداللہ کڈ دا شک اے توں نہ ہوویں سب حق اے



اَلْعِلْمُ نُقْطَةٌ وَ كَثُرَتْ الْجَاهِلِيَّةُ ۝ (الحديث)

کدے وحدت دے وچ تر دے ہاں کدے ناطق کھول کے پڑھ دے آں
چلمن دے پردے سڑ دے آجد عاشق درشن کر دے آں
استھے مندر مسجد جام نہیں استھے مالا تسبیح نام نہیں
اوتھے کفر تے اسلام نہیں جھتے ڈیرے ہوون دلبر دے
کم نفل نماز ہے بالاں دے ہے کثرت واسطے جاہلاں دے
بناں نقطے علم خیالاں دے اوتھے الف نہ بے تے پڑھ دے آں
اے گورکھ دھندا ہانی اے ایہ ساری کوڑ کہانی اے
عزیز اے آنی جانی اے اوتھے پتے نہ ڈدنگے بر دے آں

=====

هُوَآلَا وَلَّ وَالْآخِرُ وَالظَّاهِرُ وَالْبَاطِنُ ۝ (سورة الحديد آیت نمبر 3)

مٹی اگ ہوا پانی جیڑے چارے کن وچے تیرے
چواں دا بنا کہ حجرہ وچ لا کہ بہہ گیا ڈیرا
بے صورت دی صورت ساری جدھر میں نظر ماری
ظاہر تے باطن اوہو اول تے آخر جیڑا
پنچ پنچہ انگلاں آیاں پنجاں وچ آیا چہرہ
پنجاں دا تجلا سارا پنجاں وچ نور تیرا
پنجاں چوں پلٹ کوئی نہیں پاک تے پلٹ کیرا
لادالی تیغ پھڑ کے قتل کرے غیر جیڑا
پنچن پنچ تے پنچے اک وچ لاندے ڈیرا
کی لیناتوں دوکھڑے سہہ کہ مک جاوے جھگڑا تھیرا
پنچ بارہ چودہ پندرہ اک تھیں انیک کیرا
پنجاں دی ڈور پھڑ کے پتلی نچاندا جیڑا
عزیز جے ہندا اوہ وی کہندا اے کجھ ہیگا میرا
گر عبداللہ لیکھا کیتا توں نہیں سب تیرا

اَكَاذُ اُخْفِيَهَا لِتُجْزَى كُلُّ نَفْسٍ ۝ (سورۃ طہ آیت نمبر 15)

ملاں پنڈت جھگڑا کر دے جیویں بازی دے گلو لڑ دے نی
 پے جتن جاندے ہر دے آخروج میدان دے مردے نی
 استھے ہر جاء گل چنگی اے کوئی رنگ توحید دے رنگی اے
 اک دھم دوئی وچ مردے نی اک طالب پھر دے زردے نی
 اک سبق نفی دا پڑھ دے نی اک سیر وجود دی کر دے نی
 اک خصم بناں سروں نگی اے کوئی رنگ توحید دے رنگی اے
 کتے شیعہ سنی بھنگی اے کتے کافر مومن نگی اے
 اک عشق وچ پھر دی ڈنگی اے کوئی دادر دے اوتے نگی اے
 اس گھاٹ کوئی وڑ کے لنگی اے کوئی رنگ توحید دے رنگی اے
 کتے مندر مسجد باڑے نی کتے کافر مومن مارے نی
 اے مذہباں دے سب پواڑے نی اے روپ اکو دے سارے نی
 جیڑی سمجھ گئی اوہو گل چنگی اے کوئی رنگ توحید دے رنگی اے
 توں زہر وچ عمر کھپا نہیں وچ جنگل ہیلے جا نہیں
 من خاک دے وچ رل نہیں اے دلبر والا راہ نہیں
 تیرے اندر بیٹھا سنگی اے کوئی رنگ توحید دے رنگی اے
 اکناں نے لائی دھونی آں اکناں دے ہتھ وچ پونی اے

اکناں دی گھ گراونی آں اکناں نے پھیر لئی گوئی اے
 اے کھیل کھلاڑی چنگی اے کوئی رنگ توحید دے رنگی اے
 اک وصل نصیب ستیاں نوں اک جاگن تے نہ اٹھیاں نوں
 اک کربل دے وچ کھٹیاں نوں بھاویں جنت واڑے کتیاں نوں
 اُو جو کر دا ادھو گل چنگی اے کوئی رنگ توحید دے رنگی اے
 اتھے بولن والی جاہ نہیں اتھے چلدی کوئی واہ نہیں
 اس دم دا کوئی وساہ نہیں بن گُر عبداللہ تھاں نہیں
 گر ہر ہر جاء دا سنگی اے عزیز کوئی رنگ توحید دے رنگی اے



وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى وَأَضَلُّ

سَبِيلًا ۝

(سورۃ بنی اسرائیل آیت نمبر 72)

ملاں علموں واقف ہو کہ رکھیں علم جھیرا
اک اللہ نوں صحیح نہ کیج و ہم وچ لا لیاڈیرا
آکھن نبی ہے وچ مدینے ہن ہے مالک کیڑا
باجوں گر دے کون دکھاوے شیشہ اتناں جیڑا
شیعہ سنی تے وہابی جھگڑا کرن جھیرا
حوراں ادتوں لڑڑ مر گئے رب دا عاشق کیڑا
پڑھ پڑھ سانوں آیتاں دس لا بندے جھیرا
آخر نوں او اتناں ہو سی دنیا اندر جیڑا
دس پوچھن وچ قبر دے اللہ نبی کیڑا
اوتھے جا کہ کی دساں گے ہن نہیں ڈیٹھا جیڑا
بھاجڑ چک عزیز غیر دی سجاں کیٹا دھیرا
گھر والا جد گھر وچ آیا مکا جھگڑا جھیرا

=====

أَيُّ الْحَقِّ ظَهَرَ بِمُحَمَّدٍ وَقَالَ مَا لَخَقُّ مُحَمَّدٍ ظَاهِرًا أَوْ بَاطِنًا ۝
(الحمد للہ)

جیرا مانک ساریاں شاناں دا او شان نرالی رکھدا اے
بھاویں بن کے مرسل کہاوے پر رتبہ یتیمی رکھدا اے
جبریل جیسے غلاماں نوں دیوے رتبے خاص تے عامان نوں
استھے کم کی بھلا براقاں دا جیرا عرش پیراں تھلے رکھدا اے
ہے یکساں عرش تے فرش اوتے بھلا ہوو کوئی ہیگا عرش اوتے
اے پرتوں تیری نظر دا اے اوہو ہر ک مرتبہ رکھدا اے
سب نور نبی دا ظہور ہويا چاہے نبی کوئی چاہے رسوں ہويا
اے مرلی کون وجاؤندا سی ایہو شرم عزیز رکھدا اے
بے صورت اندر صورت دے تائیں پندے جلوے صورت دے
ایہو صورت ہر جاء بولی اے تاہیں رل مل کھیڈی ہوئی اے
ہو ہو دے جد ہوئے اشارے ہر گلی وچ رنگ نظارے
جد شوق ستارے چمکے نے کھیڈی میم وچ آنکھ پچوں اے
بھاویں چادر میم دی تان لئی پر رانجھے ہیر سیان لئی
اے اودوں دا یار پرانا اے جدی مرلی الست بولی اے
یار پردے تے پردے نوں پوندا گیا تیرا عشق عزیز جلاؤندا گیا
گل کہنی نہیں جو جیتی اے جد میم مروڑی کھولی اے

الرَّحْمَنُ عَلَى الْعَرْشِ اسْتَوَى ۝

(سورۃ طہ آیت نمبر 5)

کون ہتھ پیر اکھیاں بناوندا ریا گھر گھر کے نقش لگاؤندا ریا
ایہنا بتاں دا پجاری خدا دیکھیا رکھ سامنے درشن پاؤندا ریا
کون دنداں دی جڑت نوں ریا جڑا ساہ گن گن کے وچ پوندا ریا
آؤندی سانس چوں آواز کدی اے کون سانس دی مالا چلاؤندا ریا
وچ قطرے سمندر بند کر کے جگہ جگہ تے مقام سجاؤندا ریا
آپے اپنے مقاماں دی سیر کرے آپے اپنا درشن پاؤندا ریا
بے صورت مردا صورت تے ایہو صورت ہر دا ہے شیشہ
اودے وچوں دی دیکھدا اے چہرہ تاہیں ایسا ورد پکاؤندا ریا
تیرا دعویٰ غلط عزیز دیکھیا اتھے ہور کوئی حکم چلاؤندا ریا
جیویں بلبلا پانی چوں بنی جاندا خود بن بن خود نوں مٹاؤندا ریا

=====

وَمَا أَرْسَلْنَاكَ إِلَّا رَحْمَةً لِّلْعَالَمِينَ ۝ (سورة الانبیاء آیت نمبر 107)

نبیؐ اپنے کرم تھیں کرم کر کے بیکساں تے کرم کمان آیا
 جو حکم دیندا کرنا پے جاندا کر کر کے نبیؐ کراؤن آیا
 جدھا ورد محمدؐ خدا کردا اوہ ساڈا محمدؐ کہان آیا
 جیرا راز مخفی اودے ملن والا جنے سمجھیا اونوں سمجھاؤن آیا
 جیرا سی اول اوہو آہا آخر کرم امتاں اوتے کمان آیا
 احدیت تھیں ہو عزیز وحدت محمدؐ اپنا نام سداؤن آیا
 الف اکو دیاں صفتاں دویں کتے جمال تے کتے جلال آیا
 چمن اپنی مدوچ رہے کھلیا کدرے زوال تے کدرے کمال آیا
 کدرے ڈھاؤندا کدرے او ہئاؤندا کدرے غفار تے کدھرے قہار آیا
 نبیؐ وچ اللہ اللہ وچ نبیؐ عزیز کثرت وچ کردا پیار آیا

=====

وَأَقِمِ الصَّلَاةَ لِزِكْرِي ۝

(سورۃ طہ آیت نمبر 14)

ملاں پنڈت بڑے لوئیرے
 لیہناں دے نہ لگیں نیڑے
 جل نل عشق وچ ہو جا نیڑے
 اندر باہر دے یار تیرے
 وہم غیر چک جاون ڈیرے
 سب نور محمدی پائی دا ہو مالک کل خدائی دا
 او رکھ لے روزہ پڑھ نماز
 جس وچ انحد آئے آواز
 اللہ سوز وچ مل جائے ساز
 ایس وچ اک وڈا راز
 آؤنوں بند یاں ہووے آواز
 فیر دو تھیں اک ہو جائی دا
 سب نور محمدی پاسیدا ہو مالک کل خدائی دا
 سٹ مالا تسبیح چھڈ حساب حسابوں ہو جا بے حساب
 وہم روئی دا چک نقاب - جد لا وچ لا ہو جائی دا
 سب نور محمدی پائی دا ہو مالک کل خدائی دا

جد گر دے وچ گر ہو جائے
 گر ہی بیچ تن پاک ملاوے
 اک ذرے وچ قلم پاوے
 اک نقطے وچ گل سمجھاوے
 اسجھے وہم غیر اواسیدا ہو مالک کل خدائی دا
 سب نور محمدیؐ پائی دا
 ملاں پنڈت جے دیکھ لیتے
 چھڑ مسجد مندر جنگل دہے
 تنہا یاں دے وچ جلوے پیندے
 دار اتے چڑ ایہو کہندے
 ہن کھلدا نور صفائی دا
 سب نور محمدیؐ پائی دا ہو مالک کل خدائی دا
 ملاں پنڈت پیگے جیڑے
 اللہ نہیں لگیا لیہاں دے نیڑے
 وہم دوئی دے لا لیے ڈیرے
 پھر دا ہووے بھاویں چار چوہیرے
 نہیں گر بن کدرے نظری آئی دا
 سب نور محمدیؐ پائی دا ہو مالک کل خدائی دا
 عزیز ڈیرے گر دے آیا شاہ عبداللہ بھید بتایا

دل وچوں دلبر نوں پایا
 اندر باہر نظری آیا
 ایتھے جیوندیاں ہی مر جائی دا سب نور محمدی پائی دا
 ہو مالک کل خدائی دا



وَلَا تُطْعُ مَنْ أَغْفَلْنَا قَلْبَهُ عَنْ ذِكْرِ نَا وَاتَّبِعْ هَوَاهُ وَكَانَ أَمْرَهُ
فُرْطَا ۝

(سورۃ الکہف - آیت نمبر 28)

میں پنڈت بن کے مالا پھیراں توں ملاں بن کے تسبیح
میں مندر وچ جا کے ٹل کھڑا ونا توں بانگ سناوے سی
میں تلک لگا کے چندن چڑھا وناں تو سجدے وچ کسے
آس لگا لئی اکوچ سرتی چھٹ گئی مالا تسبیح
ملاں تیری بغل قرآن میری بکل وچ پوتھی
توں واہ کھاہدے تیں سپارے میں واہ کھاہدی پوتھی
پھڑ پھڑ دنیا وہم وچ ڈوبی کر کر کاہل ماہل
رام تے اللہ جھڈے دواں مہنڈاں دا منہ کال
توں کوئی ملاں عقد کرانا میں دے لیتاں پھیرے
چھری مذہب دی ہتھہ اساڈے بھیداں دانگر چیرے
کھا کھا دواں نفس ودا لئے دل کر لیندے کال
عاشقاں لا کے سن ساڈھی لہہ لیا گھر وال
ملاں توں رکھاویں روزے میں رکھاواں بھرت
پوڑی حلوہ نان تے گوشت کھا کھا پھڑیے بھرت
چن دکھ کے عید کر ایے بن کے صوفی اعلیٰ
ساڈی عید عزیز ایہو چن مدینے وال

آ کھن چھترے بکرے لووےں پل صراط لنگھ جائے
ذبح کر کر گوشت کھائے خوشیاں عید منائے
نا قربانی نفس دی دتی لبھا کم سوکھلا
شاہ عبداللہ مرشد ملیا لیھ گیا سب پالا

=====

هُوَ الْأَوَّلُ وَالْآخِرُ وَالظَّاهِرُ وَالْبَاطِنُ ۝

(سورة الحديد آیت نمبر 3)

ملاں ٹھپ لے علم کتاباں دا پھریں چکی بھار حجاباں دا
سانوں عادت پھین شراباں دی بھن جگر دے کھان کہاں دی
اسیں ہاں زاہد عشق نمازی باج گراں دے جھوٹی بازی
اسیں دار کولوں ناں ڈردے ہاں ہس ہس کے دار تے چڑھدے ہاں
چڑھ دار تے درشن کر دے ہاں تائیں مرن تھیں اگے مردے ہاں
لافتویٰ زاہد ہو جا راضی باج گراں دے جھوٹی بازی
سیکھ دم نوں قید لگاؤں دی رکھ سرتی آؤں جاؤں دی
نہ جاگن تے نہ سوؤں دی وچوں اپنے آپ نوں پاؤں دی
کر کوئی زاہد حیلہ سازی باج گراں دے جھوٹی بازی
گر نے کی نہیں کر دکھایا بلّھا کنجراں گھر نچایا
بلّھے منج کے گر منایا گر جاں سینے نال لگایا
تائیں بلّھے جت لئی بازی جے گر راضی تے ہر راضی
گر اللہ نبی علیؑ ہے گر حسن حسینؑ وں ہے گر غوثؑ لا عظم جلیٰ ہے
ہر مسئلہ جس دی گلی ہے
جس دے فیض کرم نے دنیا تاری جے گر راضی تے ہر راضی
باج گراں دے جھوٹی بازی

نزدیک جتنا کوئی بنی دے آیا اوتناں اوس نے مرتبہ پایا
 جسمک جسی تمک لخمی حیدر وچ نبی دے آیا
 دو جگ اندر مل گئی شاہی جد جبہ فقر دا پایا
 اتھے اوتھے خوف نہ کوئی علیؑ ہو گیا جس تے راضی باج گراں دے جھوٹی بازی
 بھاویں حاجی پاک نمازی اوہو مشرک وڈا پاچی ہر گئی اس دی جتی بازی
 نبی نہیں ہو یا جس تے راضی ہے گر راضی تے ہر راضی باجوں گراں دے جھوٹی بازی
 باجوں گر دے کسے نہیں پایا گر عبداللہ بھیت بتایا نحن اقرب نظری آیا
 ہر ہر پاسے گر نوں پایا عزیز اے ہے گر دی کرم نوازی باج گراں دے جھوٹی بازی
 گرتے اللہ اوہو دل نہیں کہندا آکھاں دو چک وہم دا پردہ اکو ہونہ ہے اے نہ ہے او
 ضم، بگم وچ ہو راضی باج گراں دے جھوٹی بازی



لَا إِلَهَ إِلَّا هُوَ الرَّحْمَنُ الرَّحِيمُ ○

(سورۃ البقرہ آیت نمبر 163)

گر پھر لے شاہ عبداللہ نوں تینوں اک دیکھا وے اللہ فی
تیرے دل دی ہووے تسلا فی اے سدھا راہ سوکھلا فی
سیر لا الہ الف لام میم فی جھڈ 99 والی جہات کڑے اے اکو دی ہے بات کڑے
جدوں ہسی اک اکلا فی نہ ہسی کوئی تجلا فی
نہ رام نام نہ اللہ فی دوہو کے فیرا کلا فی نہ دن تے استھے رات کڑے
نہ کثرت ہے نہ وحدت فی نہ جمن مرن شہادت فی
نہ بھگتی زہد عبادت فی نہ میں توں والی عادت فی
نہ اوڑ نہ برسات کڑے اے اکو دی ہے بات کڑے
نہ کھونا تے نہ پانا فی نہ جاگن تے نہ سونا فی
نہ ہاسہ تے نہ رونا فی نہ ہونا تے نہ ہونی فی
نہ شادی غمی برات کڑے اے اکو دی ہے بات کڑے
نہ دھیاں پتر ماپے فی نہ پٹن رون سیاپے فی
نہ غیرتے نہ آپے فی نہ دور نہ نیڑے جاپے فی

نہ انحد تے نہ ناتھ کڑے اے اکو دی ہے بات کڑے
 جو گر عبداللہ بولے نی اے اوہو جس نوں ٹولیں نی
 گر چک دینا سب اولے نی گر جے اندر پھولے نی
 تیری ذات وج مل جائے ذات کڑے اے اکو دی ہے بات کڑے
 ساڈا گر اوہو لا ٹانی اے شاہ عبداللہ طیب روحانی اے
 گر ہر گر چوں پائی دا اے سارا روپ الہی دا
 عزیز نہ ذات صفات کڑے اے اکو دی ہے بات کڑے
 اک کھیلے کھیل مستانہ نی ہے اک دا اک دیوانہ نی
 ہے کو تیرا نشانہ نی توں اکو الف پکار کڑے اے اکو دی ہے بات کڑے
 اکو خنجر اکو سجدہ اکو حسین نے کیتانی اکو زہر پیالہ حسن نے پیتانی
 ہے اکو حیدر کرار کڑے اے اکو دی ہے بات کڑے
 اکو ہے عثمان غنی " نہ ہو ر غنی بنایا کڑے
 اکو عمر خطابؓ ہویا نہ ہو ر عمرؓ آیا کڑے
 ہے اکو صدیقؓ ہو ر صدیقؓ نہ بنایا کڑے
 تو اکو اک پکار کڑے اے اکو دی ہے بات کڑے

اکو ہے اجیری خواجہ اکو نظام الدین اکو صابر اکو فرید اکو قطب الدین
 اکو تلوار تیغ اک دھار کڑے اے اکو دی ہے بات کڑے
 اکو نام دے کئی ہزار اک توں ہو گئے بے شمار
 لکھ ہووے تے اک ہوندا سب وچ کھڑے اکو تار کڑے
 شاہ عبداللہ دل جھاتی مار کڑے اے اکو دی ہے بات کڑے
 اکو بیج تے اکو ہر شے اک پتر ڈال کڑے
 سر پیر پچھ کے مڑ کے بیج فیر کئی لکھ ہزار کڑے
 اکو نام محمد والا جس توں جان بلہار کڑے ایہ اکو دی ہے بات کڑے
 اکو پیر پیراں دا آیا غوث الاعظم جیلانی
 اکو مکھ دچوں دونوں نکلے حدیث قرآن لاثانی
 عزیز گُر اک شاہ عبداللہ ہر گُر اک وچار کڑے
 ہے اکو اک دا یار کڑے
 ملاں دسناں اکو اللہ نالے کر ناں شور پکار کڑے
 ل کے برقع دوئی دا نار عشق وچ ساڑ کڑے
 اونوں اکو اک پکار کڑے اکو اک دا یار کڑے

وَأَقِمِ الصَّلَاةَ لِذِكْرِي ۝ (سورۃ طہ آیت نمبر 14)

جد گر چوں گر توں پائیدا فیر لا وچ کھیلن جائی دا
 ہونے تھیں نہ ہونا ہو کے ہونا اپنا پائیدا
 بُت تصور دل بت خانہ پوجن دس وچ جائی دا
 تلک لگا کر چندن چڑھانا مذہب یار وچ پائی دا
 مالا تسبیح زنار سٹے ہن ساہ دا جنجو پائی دا
 دل چوکھٹ تے آسن لا کے ست گر نام دھائی دا
 گر تصور جد پک جاوے دل تے خطرہ مول نہ پائی دا
 کھل جاندا نور صفائی دا جد نقطہ دوئی اوڈائی دا
 اے ڈیٹھا کھیل کھلاڑی دا اے سارا کھیل مداری دا
 میں آکھاں تے ماری دا اے ہونا ڈھولن ماہی دا
 بول پیا منصور میں ہیگا ذکر یا ول غیر دے آیا
 دار اوتے منصور نوں ٹنکیاں ذکر یا آرے بیٹھ چرایا
 اے چھڈ دوں توں چل اگیرے جھتے سُن ہو جائی دا
 اے عشق دا کھیل کھلاڑا اے نہ عشق بناں کوئی چارہ اے
 نار عشق وچ نار ہو جانا اے میں توں دا بھرم منائی دا

ہوئی کرپاگر عبداللہ دی سے مل گئی اوس سے خانے چوں
گھر آیا حیدر صفر اسے ہور عزیز تینوں کی چاہی دا

=====

فَمَنْ تَبِعَنِي فَإِنَّهُ مِنِّي ۝

(سورۃ ابراہیم آیت نمبر 36)

بھلا عاشق نے جنت کی کرنی جھٹے آ کے یار توں کھونا نہیں
توں حسن وچ لاثانی حوراں اوتے عاشق ہونا نہیں
ہونے نے کوئی ساتھ نہیں دینا گر شاہ عبداللہ ہونا ایں
تیرا ہونا اے عزیز نہ ہونا ہی تیرا ہونا ایں
احدیت نہ حد ہے بے شک اتھے ویکھ کی ہونا ایں
ایس حدوں بے حد ہونا آ کے نہ ہونے وچ کھلونا ایں
نہ نیکی بدی کفر ایمان نہ کچھ کھونا پانا ایں
نہ مندر مسجد بانگ صلوٰۃ نہ کچھ پڑھنا پڑھانا ایں
تیری تقدیر عزیز بن کے خدا نکلی کدی بڑھا کے نکلی کدی مٹا کے نکلی

=====

لَا صَلَوةَ إِلَّا نَكْصُورِ الْقَلْبِ ○ (الحديث)

ملاں کی پڑھاں نماز جے دیدار نہیں ہوندا
عاشق کر دے نہیں سجدہ جے سامنے یار نہیں ہوندا
ملاں رب تیرا حادث مستیوں بار نہیں ہوندا
اتھے لبھدا نہیں کنارہ بیڑا پار نہیں ہوندا
پڑھیں اللہ اکبر ذبح اک وار نہیں ہوندا
عاشق لاوچ لا ہونا سوکھا یار نہیں ہوندا
ملاں اک وچ اکو اک وار نہیں ہوندا
عزیز دوئی والا برقع ایویں پار نہیں ہوندا
گر شاہ عبداللہ نال گیان وچار ہوندا
دے الف میم اکو اظہار نہیں ہوندا

كُلُّ مَنْ عَلَيْهَا فَإِنَّ ۝ وَيَبْقَىٰ وَجْهَ رَبِّكَ ذُو الْجَلَالِ وَالْإِكْرَامِ ۝

(سورۃ الرحمن آیت نمبر 26, 27)

گل اکے تے مک جاندی جے مک جاوے تے مک جاندی
 سوئی یارنوں کدے ملدی ناں جے کچے گھڑے توں الکھ جاندی
 جیروی فلم عمر دی چلدی اے جدوں مک جاوے اودوں مک جاندی
 ے رام کہانی نہیں مکدی جے دلوں مکائیے مک جاندی
 بھائیں کہو دسدا پراو ناں اے کیداں نظر بناں گل مک جاندی
 نظر نظر توں آوندا ایتھے کم نظر بھی رک جاندی
 گل دل اوتوں چلدی اے حلق اوتے آکے رک جاندی
 عزیز جے حاضر نبی نہ ہوندا کل کہانی مک جاندی
 گل شروع نبی توں ہوئی اے کیداں نبی بناں گل مک جاندی
 اے شروع کہانی نہ ہوندی جے عرش اوتے گل مک جاندی

=====

مَنْ يَهْدِ اللَّهُ فَهُوَ الْمُهْتَدُ ۝

(سورۃ الکہف آیت نمبر 17)

تصور گڈی ڈور لا وہیڑے پیا دے وچ اوڈا
 پیشوا اکبر شاہ جے نظر کرم دی پادیوے تیری گڈی دی جھول ہٹا دیوے
 غوث الاعظم جیلانی پیر پیراں دا لا ثانی
 یار دی قیمت کہیڑا تارے پلے موں نہیں اک دوانی
 جے صدقہ حسین دے پلا دیوے مینوں ہرے اگے پہنچا دیوے
 ولایت مرتبہ عیٰ نے پایا عزیز تاہیں درتے آیا
 در سخیاں دے حیرا آیا جو جو منگیا سو سو پایا
 صدقے چودہ تن پاک دے میرے دل دی آس پہچانی
 گلاں نبی دے پیار دیاں دل نوں جدایاں ساڑ دیاں
 میرے جہیاں نہ کسے کاریاں رکھیں شرماں اوگن ہار دیاں
 ایہو نظراں عرض گزار دیں ماہی مکھ تو کپڑا لا دیوے
 سستی سُریریں ستار و جا سا۔ رے۔ گا۔ ما۔ پا۔ دا۔ فی۔ سا
 راگ ہے دیپک گُر وچ آیا ڈیرے گُر عبداللہ دے جا
 جے دیپک تینوں جلا دیوے تیرا گُر مہار سنا دیوے

أَنَا مِنْ نُورِ اللَّهِ وَلِكُلِّ خَلْقٍ مِنْ نُورِي ۝

(الحديث)

الف جوش وچ آن کہ ویکھیا نظر اس نوں اپنا آپ آیا
 احدیت توں وحدت دے وچ ہو کہ وحدیت دے وچ سی تو آیا
 پنجاں وچوں سی باراں دانور ہو یا نور نبی وچوں سب ظہور آیا
 آیا عرش اوتوں جدوں فرش اوتے ہو کا دین لگا محمدؐ میں آیا محمدؐ آیا
 ترسٹھ ساں مدینے دیاں وچ لگیاں رہے ویکھدے نظر نہ مول آیا
 جہاں ویکھیا گئے دکھاندے اوہ دیکھن واسطے جو عزیز آیا
 اکناں جم کے خصم پہچان لیا ہر کوئی ویکھ کے آکھدا جمیاں ایں
 اک جم دے جم دے پھٹ گئے جہیا جمیاں تہیا نہ جمیاں ایں
 اک جم پیئے جہن تھیں پہلے کر ماں والا کوئی کوئی جمیاں ایں
 بناں کا ملاں کڑے نہ جاگ لگے بناں جاگ عزیز نہ جمیا ایں

=====

وَابْتَغُوا إِلَيْهِ الْوَسِيلَةَ ○

(سورۃ المائدہ آیت نمبر 35)

کچا وانگ نہ سونی دے چک ٹریں
 آوی عشق دے وچ ٹکائے تے سئی
 بالن ہستی سوہومہ دا ڈاہ کے تے
 چنگ نال تصور دے پائے تے سئی
 اگ سلگدی دیکھ نہ ہڈ جھڈیں
 ذرا پھونک مجھدے دی لائے تے سئی
 او چناں تے اے دریا وحدت
 گھڑا چک یقین نال آئے تے سئی
 جھڈ سترے چلی ایں یار ولے
 تالے نوواں دے نوواں نوں لائے تے سئی
 کھج ساہ زبان تے مہر لادے
 ذرا اک نوں سیس جھکائے تے سئی
 وہم دوئی بلاواں نے منہ اڈے
 سرتی وچ تصور دے لائے تے سئی
 چکھو چلیا بارش وچ پہن چمکاں
 ذرا نال اشارے بلا تے سئی

پھاں پیاں تے گھڑے نوں کہن گئی
 ذرا کھڑن تھیں پہلے کھر جائے تے سئی
 گیا کھڑتے عزیز فٹاہ ہو گئی
 مل کے یار بقاء وچ آئے تے سئی

=====

وَلِلّٰهِ يَسْجُدُ مَنْ فِي السَّمٰوٰتِ وَالْاَرْضِ طَوْعًا وَكَرْهًا ۝

(سورة الرعد، آیت نمبر 15)

سجدہ

سجدہ ہو جاؤں گا پر پڑھنی گراں توں پیندی
 سانوں حاضر ناظر دسدا جس نوں غیب توں کہندی
 کعبہ رہن دے دنیا داراں لئی سانوں ساڈے بچن دا در کافی
 اتھے لیاں نمازاں دا کم ناہیں میرے پیر دی اک نظر کافی
 پیر کسے دیاں نظراں دا سانوں پیار کمنا آجودے
 کوئی رب نوں منانا مشکل نہیں جے یار منانا آجودے
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسدا جس نوں غیب توں کہندی
 گر جو چاہے سوکرا ہے گر ہو اللہ بن بہدا اے گر علی حق ہو رہندا ہے

خود غمسر آپے کہندا ہے کوئی سدا نہ دھوپے سزا دا ہے
 گرد سمندر اندر تیرے پھیرے چھوڑ نہ جا پریرے
 زہر گرد دی پھیرے پھیرے کرم بنا کیوں مر دا ہے
 گھر ساڈے دج چوری ہوئی سوتے رہے نہ جا گیا کوئی
 گر پھڑ یا تے ہو یاں لوئی مال چورایا مڑا ہے
 یاں گر کھودیا امراں جتھا ظاہر ویکھیا گر دا بندہ
 جس بندے نال ایسا بندہ او بندہ کد ڈر دا ہے
 سجدہ ہو جاؤں گا پر پڑھنی گراں تو پیندی
 سانوں حاضر ناظر رسدا جس نوں غیب توں کہندی
 بت خاکی تے روح دج نوری اے کی گورکھ دھندا
 سوچ سوچ کے سوچا ہویا حال عقل دا منہ
 سب اسرار نے کھل دے اس دم ٹٹ جاوے عقل دا پھندا
 راز کھلا آخر یارو خود مولا خود بندہ
 سجدہ ہو جاؤں گا پر پڑھنی گراں تو پیندی
 سانوں حاضر ناظر رسدا جس نوں غیب توں کہندی
 ست گر غیر تھیں وضو کر وائے صاف کر غیر تو دل نوں اس نوں وضو کہے
 پر شرط ہے پیارے کہ ہر دم وضو رہے
 بند کر اکھیں کرم چکاوے زہد فیر نماز پڑھاوے

تن من دی جد ہوش گواوے فیر نور دی تجلی کھل پیندی
 سجدہ ہو جاؤں گا پر پڑھنی گراں توں پیندی
 سانوں حاضر ناظر دسدا جس توں غیب توں کھندی
 ست گر چھپے امام دے میں جا کھوتا دال دلیلاں مکیاں غم دا غوطاں
 بریاں ولوں منہ موڑ کے ول کعبے دے منہ دھریا
 لبان زبان نوں بند کر کے مونہوں کجھ نہ پڑھیا
 کثرت چھڈ وچ وحدت نیتی وہم دوتی دی گئی پلیتی
 وحدت جد تک دل چ سماندی نہیں توحید وی سمجھ چ آندی نہیں
 توحید تے ہے لا کلتہم ربی
 تو اور نہیں ہم اور نہیں
 تن من دی میں دتی زکوٰۃ ہون لگا فیر نفی اثبات
 چڑھی تیرے نام دی خماری نہیں او لہندی
 گر ہوئے میرا پیر کرم مکئے فیر گر عبداللہ شاہ کرم مکوے
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسدا جس توں غیب توں کھندی

إِنِّي وَجَّهْتُ وَجْهِيَ لِلَّذِي

(سورة الانعام آیت نمبر 79)

جے گر سیار رب رس جاوے اودی ساری کرامت کھس جاوے
 ہندا گر بن کدھرے ہو نہیں رب ہوتے گر کتے ہو نہیں
 جیہا رب تے گرنوں سیان دا نہیں او عاشق رب رحمن دا نہیں
 اک گر وجود دو جاندا ایں او منکر مشرک چور دے
 ہندا گر بن کدھرے ہو نہیں رب ہوتے گر کتے ہو نہیں
 اک گرنوں بندا جان کے فیر لہدا پھر دا اے اللہ نوں
 بے امرے ہو گر دے رہندے کی سمجھیا میر اللہ نوں
 اوہو راز تھور کی جانے کی دیکھے نور تجلا نوں
 اوہو منکر مشرک چور دے رب ہو گر جوں ہو دے
 گر ہر ہر جاء نال ہندا گر ہر ہر پردے بولے
 چابی ہندی کول گراں دے تاہیں رہندے اولے
 جس تے گر جا کرم کماوے اوہا جندرا کھولے
 ہندا گر بن کدھرے ہو نہیں رب ہوتے گر کتے ہو نہیں
 تھاں تھاں وچ جلوے صورت دے بے صورت اندر صورت دے
 کوئی ورلا ای عاشق ہندا اے اے دنیا دار ضرورت دے

اُدھو منکر مشرک چور دے رب ہور تے گر جتوں ہور دے
 پنڈت نے اک پتھر دے کے تے گلوں لایا دھنا
 مثل پتھر دی سمجھ گُر نوں بن کے بہہ جادھنا
 یاں کرشن دکھاوے صورت تاں دھنا تینوں مناں
 ہندا گُر بن کدھرے ہور نہیں رب ہور تے گُر کتے ہور نہیں
 ہر دے دے دج ہر دیندا ہوندا تیرا پک نہیں
 دیکھ امر دج آمر دسا جاندا تیرا شک نہیں
 توڑ یقین دوئی دج دڑیوں میم الف توں دکھ نہیں
 اُدھو منکر مشرک چور دے رب ہور تے گر جتوں ہور دے
 گُر سراپا گُر تجلا کملیاں گُر قل ہو اللہ
 گر ادھی بولی بولدا اے جو بولے اللہ
 عزیز گُر عبد اللہ بن ٹھور نہیں رب ہور تے گُر کتے ہور نہیں
 اے سارا ہونا گُر دا اے نہ ہور کسے دا ہونا اے
 جنے ہونا اپنا مٹیا ہونے نے نہ ہونا اے
 تیرا ہونا ہے نہ ہونا نہ ہونا سب ہونا اے
 اُدھو منکر مشرک چور دے رب ہور تے گر جتوں ہور دے

وَاعْلَمُوا أَنَّ اللَّهَ يَحُولُ بَيْنَ الْمَرْءِ وَقَلْبِهِ ۚ

(سورة لا انفال آیت نمبر 24)

مذہب مذہب نہ کوئیں یار مذہباں وچ اندھیر گنوار
 مذہب یار دا ایہو سوہنا ہر صورت نال کریں پیار
 مذہب مذہب نہ کوئیں یار
 نحن اقرب خود پکارے وچ قرآن دے کرے اشارے
 تدوں یقین دے نو ہویا دیکھ لیا جد جھاتی مار
 مذہب مذہب نہ کوئیں یار
 جان جگر تے تن من جالیا شوق دا دیوا من وچ بالیا
 چنن ہو گیا اندر بار مذہب مذہب نہ کوئیں یار
 کوئی گنگا کوئی مکے لہے ملاں پنڈت لہدے سہے
 آپے نیچے آپ نچاوے آپے پھڈے آپے کھچے تار
 شاہ عبداللہ دست گر پھڑ کے تصدیق ہوئی مینوں کلمہ پڑھ کے
 بالم گر دے ہو بلہار مذہب مذہب نہ کوئیں یار

=====

وَالَّذِينَ آمَنُوا أَشَدُّ حُبًّا لِلَّهِ ۝

(سورۃ البقرہ آیت نمبر 165)

سر کھلا مارا امیرت دے جیڑی رب رسولؐ توں دور کرے
 بدلے بادشاہ تے سکے بدل جان دے کلمے وچ محمدؐ دا ناں لیندے
 توبہ آدم دی ہوئی منظور نہیں سی وسیلے نبیؐ دے جے نہ وچ پیندے
 ایس چمن وچ کھڑی گلزار نہیں سی حیات النبیؐ ناں جے حیات رہندے
 اے دیکھدے نہیں تے سمجھ جان دے اُلو دن نوں بالمسرات کہندے
 سر کھلا مارا امیرت دے جیڑی رب رسولؐ توں دور کرے
 اے مذہب دی بانی نہیں اے بدیاں وچ مخمور کرے
 اے دنیا حیض پلیتی اے اس کیڑی امیرت کیتی اے
 بھر پاک پیالے چوں پیتی اے پھڑقارون جیاں نوں غرق کرے
 سر کھلا مارا امیرت دے جیڑی رب رسولؐ توں دور کرے
 اے مومن دی جاگیر نہیں ہندا دنیا دار فقیر نہیں
 اُدھو رب رسولؐ نوں جان گئی جیڑی مرن تھیں پہلے دور کرے
 لہو نوں نبیاں ولیاں چاہیا نہیں اینوں عمرؐ جیاں منہ لا یا نہیں

ہتھ خون دے اندر رنگ دی اے لامہندی نوے سرے خصم کرے
 اینوں یلدی ہوئی نوں دیکھیں توں اُنوں دور وں بہہ کے سکیں توں
 جے مار کے لپھاہ ساڑ دیوے چھڈا لیں توں ہو جائیں پرے پرے
 سر کھلا مار امیرت دے جیڑی رب رسول توں دور کرے
 جدی بکل دے وچ یار ہوے اُنوں غربت رج گلزار ہوے
 اودی کشتی بھنور وچ نہیں پھسدی جدا پنجتن نال پیار ہوے
 پھل مستی دے وچ ہسدا اے بھادیں ہون بدن تے خار بڑے
 سر کھلا مار امیرت دے جیڑی رب رسول توں دور کرے
 اے دولت ساری دنیا دی اک جلوہ رائی دی قیمت نہیں
 جتاں دیکھ لیا اوہو نہیں مڑدے او وار چڑھن منظور کرے
 اے مذہباں توں دور ہٹا دیندی چھڈ نیکی بدی وچ پادیندی
 اے بھیناں تھیں بھائی کوہا دیندی سانوں گر عبد اللہ دسیا اے
 عثمان غنی دنگوں ورت لوں جے ہاتم رب امیر کرے

إِنَّ الَّذِينَ قَالُوا رَبُّنَا اللَّهُ ثُمَّ اسْتَقَامُوا فَلَا
خَوْفٌ عَلَيْهِمْ ۝

(سورة الاحقاف آیت نمبر 13)

جگت سراں وچہ اے ہوندا اک آؤندا اک جاندا اے
جئے چنگا ونج نہ کیئا جان لگا پچھتاںدا اے
صلہ عمل دا جھولی پیناں جو بیجی وڈ لینی او یار
کھلا جے نا سوت بازار
کربلا وچ گہا کے کنبہ نوک نیزے تے چڑھنا پیندا
سر کٹوانا پوش لوانا مرنوں اگے مرنا پیندا
عشق گلی وچ جا کے دیکھیں کیداں چڑھدے عاشق دار
کھلا جے ناسوت بازار
یوسف بکدا ماہ کنعانی دنیا کل بیوپاری
مال خزانے پورے نہیں ہونے نور نبوت بھاری
جدوں زلیخا توڑیا بت نوں دلبر نے سن لئی پکار
لاٹ عشق وچ سرٹنا پیندا پیسے نال نہیں ملدا یار
کھلا جے نا سوت بازار

توں آیا کچھ کرن ہو پار کھلا ہے نا سوت بازار
 کوئی دنیا کوئی عجبے لکھے لکھے لوں توں دلبر یار
 لے لے سودے جان گھراں نوں کوئی جھوٹا کوئی سپی
 کچے دے نال پیار کی پانا وانگر دنیا کچا اوپار
 تیرے کولوں تینوں منکن جو تیرے ہن طلب گار
 ٹکٹ کٹوا کے کاہنوں رونا شاہ عنایت توں مل جاؤ یار
 کھلا ہے نا سوت بازار

جنگ نفس نال کرنا پیندا لا تلوں نوں پھڑ نا پیندا
 مار مجاہدے دی نفس نوں مار لگام پکڑ منہ نفس دے چاڑ
 سر کرن نوں اندر باہر کھلا ہے نا سوت بازار
 ہر کوئی ایس بازار نوں آوے من مرضی دا سودا پاوے
 احد بن محمد آیا کل نبیاں تے ہوسردار کھلا ہے نا سوت بازار
 بیچ چشت تے نوہیں قادر ڈھائی قلندر جان
 سمجھناں دا ہے اکو قادر ہر وچ اکو تار
 سب دا رنگریز ہے محمد رنگن والے بے شمار
 من مرضی دا توں بھی رنگلا ہر اک نوں رنگ دندا چاڑ
 کھلا ہے نا سوت بازار

سب کچھ ہوندا وچ جوانی چھڈ کے دنیا ساری فانی

شام پئی جے شام نہ آیا عمر تیری دی شام اجئی پے جانی
 پھر نہیں بجنی مڑ کے تار کھلا جے ناسوت بازار
 لال جواہر ہیرے لے لا بکدے ایس بازار
 سودا نقد بقدر ملدا ہوندا نہیں ہے ادھار
 سچے موتی پالے جھولی جھوٹے کڈ کے سٹ دے باہر
 کھلا جے ناسوت بازار

=====

وَاعْلَمُوا أَنَّمَا أَمْوَالُكُمْ وَأَوْلَاؤُكُمْ فِتْنَةٌ ۝

(سورة الانفال آیت نمبر 28)

بیوی بچے تے دولت ٹوں پوجدا ریا
 تو پوجا آیا ساں بھگوان دی کرن بدلے
 ایویں علم حجاباں دا ریا پڑھدا
 حرف آیا ساں نفی دا پڑھن بدلے
 ساری دنیا دے نال ریا لڑا
 جنگ آیا ساں نفس نال کرن بدلے
 آئی موت نال بالماں سویا توں پوجا نفس دی کر کر کے
 توں تے آیا ساں مرن تو پہلے مرن بدلے
 حرف نفی دا پڑھن پڑھان بدلے
 بنا حق دے کوئی ککھ نا دیکھن بدلے
 میر شاہ عبداللہ نے کرم کیتا
 دل وچوں شک کڈن بدلے

=====

وَنَحْنُ أَقْرَبُ إِلَيْهِ مِنْ حَبْلِ الْوَرِيدِ ۝

(سورۃ ق، آیت نمبر 16)

ہن میں لکھیا دلبر یار جینوں میں لکھناں چاندا سی
 حسن اودے دی کوئی تاب نہ چلے جد رتھی لنگ جاندا سی
 ہر کوئی اودا عاشق بن دا کوئی کوئی سر کٹواندا سی
 ہر اک دا کم نہیں بالم کوئی کوئی یار مناواندا سی
 ماہی اوس مندر وچ نہیں رہندا ماہی من مندر وچ وسدا اے
 اس مندر دے نو دروازے سارے کیتے بند کڑے
 وچے سورج وچے تارے وچے چڑا چن کڑے
 جپ اور جاپا دویں مرے سرتی ہوئی بلند کڑے
 میم دے پردے ایلے بہہ کہ دل میرے نوں کھسدا ای
 ماہی اوس مندر وچ نہیں رہندا ماہی من مندر وچ وسدا اے
 میم مروڑی جدوں گواچی رہ گیا فیر الف اکلا
 وجیہ اللہ دے معنے چمکے ہر ہر پاسے نور تجلا
 اودوں غیر دی ہستی سڑ جندی جدوں بانہڑھ عشق دا مچدا اے
 ماہی اوس مندر وچ نہیں رہندا ماہی من مندر وچ وسدا اے

میں جاتا کوئی ہو اے اللہ لوٹا تسبیح چک مشلا
 مسجد مندر لہجہ دا اللہ گھر ملیا تے ہوئی تسلا
 وہم دوہی سر ماریا کھلا نحن اقرب نکلیا اللہ
 قرآن وی ایہو وسدا اے
 ماہی اوس مندر وچ نہیں رہند ماہی من مندر وچ وسدا اے
 اس محل دے نو دروازے ہر کمرے وچ جانداسی
 ہر کمرے دی سیر کریندا غیر نہ نظریں آونداسی
 پتا نشانی کوئی نہیں سی وسدا نحن اقرب آندا سی
 ماہی اوس مندر وچ نہیں رہند ماہی من مندر وچ وسدا اے
 ہوئی کرپا ست گر پیارے وی
 کنجی مل گئی دسویں دیوارے دی
 مٹی چتا اوگن ہارے دے
 گر پھڑھئے تے سب کچھ وسدا ای باج گراں نہ کوئی وسدا ای
 پتہ نشانی پچھ لے بالماں او گر عبداللہ شاہ وسدا ای
 بھاویں پچھ لے ابرار شاہ توں ادوی ایہی وسدا اے
 ماہی اوس مندر وچ نہیں رہندا ماہی من مندر وچ وسدا اے
 میں لہداں ساں جنگل بیسے دلبر یار بگل وچ کھیلے

گر ملاتے ہو گئے میلے پتہ نشانی پچھیا میں جس توں
 او مسجد مندر دسدا اے
 ماہی اوس مندر وچ نہیں رہندا ماہی من مندر وچ دسدا اے

=====

وَبْتَغُوا إِلَيْهِ الْوَسِيلَةَ ۝

(سورة المائدہ آیت نمبر 35)

لچھے نی گھنڈ چک تینوں یار اگے پنجا پنا
 گھنڈ چکیں ہووے دیدار کڑے
 ہے بکل دے وچ یار کڑے
 تیرا پیر ہے شاہ ابرار کڑے
 مار ٹھوکر کر دے گا پار کڑے
 رویں مندی گراں دا کہنا
 نہیں تے ہو جائیں گی ہلکان کڑے
 جدوں پہنجاں بناواں دی وٹ کیتی
 فیر ہونا اے معراج کڑے

جدوں صورت سیرت اک ہوئی
فیر کھلے مخفی اسرار کڑے
رکھ سرتی تے دلبر دل کر دھیان کڑے
تیرا پیر ہے شاہ ابرار کڑے

=====

تبرکات معرفت

الف

ابرار شاہ میری رنگ دے چو نریا رے
 سوناں جیاں رنگ رنگ دے تو ہی تو ہے رنگ ریز رے
 لا الہ دی ویل پا کے الا اللہ دی بوٹی پا کے
 سوناں جیاں رنگ رنگ دے تو ہی تو ہے رنگ ریز رے
 رنگ توحید دا رنگ سونیا تیرا کرم ہو جائے میرا کم ہو جائے رے
 ابرار شاہ میری رنگ دے چو نریا رے

=====

الف میم ہو کے ہو گیا شیدا بہہ گیا میم دے وچ لاڈیرا
 میم الف ہو یا الف میم ہو یا مکھ الف دا میم دا ہے چہرہ
 قیس لیلیٰ دا ہو یا تے مجنوں وچ جنگل جسموں جسمی سمجھ لیے بھیت جیرا
 کافر اوس نوں کہن عزیز عارف پاوے اللہ محمد وچ فرق جیرا

=====

اندھیرے وچ جاں عشق نے چمک ماری
 صورت نور دویں آپس وچ مل گئے
 عشق دواں وچ ہو کشش ماری
 شے عشق وچوں دویں رل مل گئے
 دیکھ دواں تمہیں کس طرح اک ہو گئے

پروانے جل کے شمع دے وچ مل گئے
 کرم شاہ عبداللہ عزیز کیا
 شیشے قلب وچوں اللہ نبی مل گئے

=====

الاؤڈ سپیکر اندر تیری آواز یار
 وجناں نہیں ساز مڑ کے ٹٹ جدوں گئی تار
 تیرے بناں اے کس کاری ایدے بناں توں کس کار
 ایدے نال صفتاں سمجھے توں صفتاں دا والی یار
 عین وجود دوئی دا نقطہ غین دی نقطہ خالی یار
 فعلی قوی حالی ہو کہ صفت جلالی جمالی یار
 وچھہ اللہ وچ نظریں آیوں جدھر ویکھاں توں ہی یار

=====

اک دن بمباں دی بارش نے برستا ای
 پاکستان تے ہند ویران ہونا ای
 ڈنکا دین دا آن کے وجناں ای
 گند مند روہڑ کے پاکستان ہونا ای
 جس مرد نے فتح کشمیر کرنا ای
 اونے دلی تے حکمران ہونا ای
 ست جگ دا بالمآں ہو پہرا

عدل ملک وچ کرنا قرآن نے ای

=====

احد نے وچ وحدت آ کے میم دایر قہ پا لیا یار
 وحدیت وچ ملیاں بانگاں مرلی الست والی او یار
 تدهوں کہیا مینوں کر دیو سجدہ خاکی بت وچ وڑ کہ او یار
 کوچے گلی شور پکارا ہر ہر شان نرالی او یار
 باہروں بندتے اندر وڑ کے انحد ناد وچا لیا او یار
 عزیز بن کے آپ پجاری اپنا درشن پا لیا یار

=====

ایس گل توں ہویا حیران بالم۔ ظلم نال غریباں دے کری جانده
 حکمراناں حسین شہید کیئا قرآن گلے وچ تے جمعہ پڑھی جانده
 فرعون قارون شمر یزید چارے ہو گئے ختم تے نسل نہیں ختم ہوئی
 سر نیزے دی نوک تے چڑھی جانده
 کیئا قارون تے دعویٰ خدائی دالے او ویکھ چھڈ کے سب کچھ مری جانده
 بت بن جو چنخا دے وچ وڑ گئے گلزاراگ نوں مفت دا کری جانده

=====

اللہ اللہ لوکی کہندے اللہ عاشق جانده
 جیڑے نال اللہ دے رل گئے ہر دم موجاں مان دے
 ہور گلاں سب گھڑیاں اکو اللہ اللہ دی گل

کچھ رولا پایا عالماں کچھ کاغذاں پایا جھل

=====

اے رب نوں لہدا رب پھر دا
شناخت وچ نکلیا رب آپے
شناخت وچ بالماں جاں اے اوند اے
نہ اے بشر تے نہ اے رب چا پے

=====

اسلمہ وچ ودیوں غیر قوماں
بدیاں وچ نمبر مسلمان دا اے
مومن لکھاں وچوں اک ہی کوئی ہو یا
محراب متھے تے کم شیطان دا اے
دین نبی دا تے رب کرے راکھی
جدوں آن کافر تیغاں تان دا اے
ننگا ہو کے بالماں رب لڑیا
جذبہ قوم وچ بھردا ایمان دا اے

=====

ب

بھار ب تے بت وچ فرق کی اسے نہ اے بولے نہ او بولے
 ہتھیں مسجد مندر آپ بنائی دی اے نہ بے بولے نہ او بولے
 مذہب دسدے نے وید قرآن دویں نہ اے بولے نہ او بولے
 اک ہو کے بالماں دو بولے نہ اے بولے نہ او بولے

=====

ت

توں ہیگا یاں ہور کوئی جے ہور ہیگا تے فیر کوئی نہیں
 جیڑ ہیگا او نہیں ہیگا جیڑا نہیں ہیگا اودے بناں کوئی نہیں
 وحدت وچوں کثرت وچوں وحدت کدے دواں وچوں ویکھیا کوئی نہیں
 سمجھ مرتبہ چاہیے کلام کرنی بنا اک دے دو جا عزیز کوئی نہیں

=====

ج

جے او وچ شمع دے رہندا اے پروانے دے وچ کھڑا اے
 جے اوے خانے اندر رہندا اے پیمانے وچ کھڑا اے
 جے او اندر بستی رہندا اے ویرانے وچ کھڑا اے
 جے او وچ مکے دے رہندا اے بت خانے وچ کھڑا اے
 ہر روپ وچ دسدا جیڑا اے ایہو ہیر جٹی رانجھا کھیڑا اے

=====

ح

حال جد سر گزرے گزر جائے تے جانے
 گزارن حال حقیقت ادکھا سوکھا لوکاں بھانے
 نکل جان وجودوں جائے تد شہید یار دی مانے
 عزیز نہ قاضی ہیر سیاتی پر ہیر رانجھے نوں جانے
 خبر پئی اس ویلے جدوں الست آوازاں آیاں
 اکناں سنیاں تے غور نہ کیستی اکناں سادیاں لائیاں
 مگن ویلے اسیں آگئے اتھے کیتاں کھیاں پائیاں
 عزیز اوہیراں لے گئے کھیرے نہیں ناتھ بناں ہتھ آیاں

خ

خود دھیاں پتر ماپے فی خود شادی غمی وچ آپے فی
 دو ہو کہ کہیا پھدا اے اک لکداتے اک لھدا اے
 ہتھ لا تیغ تے رہندا اے لھ لکھا ہویا پیندا اے
 چھڑ ساریاں ہوو دلیلاں نوں ٹپ علم دیاں فیصلاں نوں
 ایہو پردہ دہم دا پیندا اے نہیں تے اک سراپا رہندا اے
 کتے رہندا تے نہ رہندا اے عزیزاں اے گر عبد اللہ کہندا اے
 جد قطرہ وچ سمندر پیندا اے نہ میں میں توں توں رہندا اے

و

درداً و ٹھے جے کر عشق وال مرہم لا دے نال آرام آوندا
 پئے سورج نوں لگ گرہن جاند ا ہے چن نوں گت پرواز آوندا
 بنے ہوئے داہور کی بن جائے منصور بن کے ویکھ لے دار آوندا
 نہ ہونا ہے ہونا ہونا عزیز تیرا نہ ہونے دچوں ہو یار آوندا

=====

دولت شمر یزید بنا دیندی نالے بخش دیندی حکمرانیاں اے
 چنگے بھلے نوں قارون بنا دیندی بھری ہوئی اے ناں شیطانیاں اے
 دولت مند دا دعویٰ خدائی دا اے سچے رب توں نافرمانیاں اے
 دولت واسطے کر بلا دیکھو کھچ حلق وچ مار دے کانیاں اے
 جنت دسدی ظلم دی تیغ تھلے تاپیں ہس ہس دیندے قربانیاں اے
 دولت مند ہے نبی دا یار باکم عثمانؓ غنی وانگر جے کرے نشانیاں اے

=====

ذ

ذکر اذکار دے کرن والے ذکر فکر اندر مرجاندے
 شرع اوس تے ہوندى نہیں کوئی وارد اودا تے جنازہ پڑھ جاندے
 شرع نال حساب کتاب ہوندا شرع نال فرشتے کرن جاندے
 جیوے مرکے ہوئے عزیز زندہ مر دے نہیں تاہیں بے حساب جاندے

=====

ر

رنگ نہ دیکھ حیران ہو توں ہیں اکو رنگریز دے رنگ رنگے
 نام روح تے جسم مثال چارے وحدیت وحدت احدیت دے وچ رنگے
 کوئی زرد سفید تے سرخ سبز نیلا پیلا رنگ ہیں بہوں رنگے
 تے کرم کرے رنگ ریز عزیز بے کڑتاں فیر کپے تو حید دے وچ رنگے

=====

ز

زاہدہ سانوں پڑھنیاں پنج دسیں سانوں گراں نے اک نماز دسی
 اک لکھ تے چوبیس ہزار والی اک رکعت وچ پڑھن دی جاج دسی

اک ہے تے اک نوں ہی ہووے سجدہ رکوع سجود دی جاچ دی
 اکٹھے پڑھنی کڈھ دچوں پڑھنی اکو ہو تار دی
 ایس عشق میدان وچ ڈولنا نہیں پڑھنی وانگ منصور دے وار دی
 سر دے کے نواں سر لے لے حسین نے تیقاں دے پٹھ گزار دی
 وجہ اللہ نوں عزیز دیکھ توں اٹھو پھر دی گراں نے نماز دی

س

سب جہاں ہے وچ تیرے توں دیکھ کھاں تیرے وچ کی تیرا
 ایویں مفت دیاں جتیاں پھیریں کھند اونوں دیکھ کھاں بولدا ہے جیرا
 تیرے کولوں نہیں تیری تقدیر بندی پیا مٹرے تے ساز و سامان تیرا
 پنچے چھویں وچ غرق عزیز کر دے میں توں والا قصہ تمام تیرا

سبق الف دا پہلے پکا لیئے
 ب ت تے ت نا پڑھی دا اے
 اک دیکھے تے جھگڑا نہیں ہندا
 دو جا دیکھ اوں نال لڑی دا اے
 مذہب اصل لڑائی دی جڑ ہندا
 فرقے بندیاں وچ نہ وڑی دا اے

سچا مذہب ہے بالماں عاشقاں دا
سچ کہہ کے ای دارتے چڑھی دا اے

=====

سہ جامہ شریعت والا اللہ نے گل پایا
پردہ کسے دا چاک نہ کریو چاک نہیں کرنا آیا
ماداں بھینتاں وچ تاہیوں پھر دا جے تو پردہ پایا
چل عزیز وچ پردے ملیئے رہن دے پردہ پایا
وہم دا پردہ رہن نہیں دینا تے دوئی دیاں کردے لیراں
پیر جناں دا غوث الاعظم باکم بدل دینا تقدیراں

=====

ش

شہر کیڑا اسیں آئے کتھوں اگے کس مقام دے ول جانا
کدے پشت اندر کدھے شکم اندر کدے وچ ناسوت پیا آونا
اجے آیاں نوں کوئی نہ دیر ہوئی اجے آکھدے نے اگے ہور جانا
اساں او سے مقام تے جادناں ایں جتھوں آئے او تھے ای عزیز جانا

=====

ض

ضائع نہ زندگی کر اپنی ہنیرے وچ جے ویکھناں چانا ای
چراغ دے وچ بال رکھیں جے کر ناطق قرآن پہچانا ای
جیرا جاندا او نا جاندا اے نہ جانے توں جانا ای
بھاویں ہووے کثرت بھاویں ہووے وحدت عزیز اپنا آپ پہچانا ای

=====

ضبط کر جا بھیت یار والا راز تدھ تے کھل دے جاہن جیڑے
وچے تخت ہزارہ تے ہے رانجھا وچے مجھیاں وچ ہے جھنگ تیرے
تے بھوک و نخل وچ جاں دے رانجھاتے مجھیں اوسدیاں لیدیاں ہن پھیرے
تاڑی ناتھ ول جدوں عزیز لگ جائے مل پئے ہیر جٹی اوڑ جاہن کھیرے

=====

ط

طلب کیدی مینوں کسدیاں پیاں جدایاں
تے اک تھیں ہو کے بے شمار کھیڑے بھل بھلیاں
جناں لبھا یار ہنیرے سر توں میٹیاں لائیاں
عزیز لا دا پھڑ کے جھاڑو کر دے وہم صفایاں

=====

طمع تے حرص نوں کڈھ کے
 تے بوٹا عشق یقین نال لاونا ای
 نفس جنگ وچ نفس نوں زیر کر کے
 کلمہ نفی اثبات دا پڑھاونا ای
 انمت انعام نوں پان بدلے
 مستقیم دے رستے لے جاونا ای
 غیر المغضوب دے کتے نہ راہ پے جائے
 ایس راہ تو باآلم بچاونا ای

=====

ع

عین اکھیاں نوں صاف کر کے تے کراپنی آپ پہچان میاں
 وہم غیر تے دوئی نوں دور کر کے شیشے شیخ وچوں ویکھ رحمان میاں
 وچ کعبہ تے لوح محفوظ دے تیرے وچ ہے ناطق قرآن میاں
 تیرے وچ عزیز جہاں دویں تیرے وچ ہے شیریز داں میاں

=====

عاشق پڑھن نماز پریم والی
 مندرائ مسجداں نوں تا او جاندے آ
 رہندے اپنی آپ او کتاب پڑھدے
 واقف کار او ناطق قرآن دے آ
 ہر ہر جگہ پہچان لیہدے
 ہندے عارف جو اہل عرفان دے آ
 ادناں کے نوں ہالماں کی جانا
 جیڑے یار دی بیج نوں مان دے آ

غ

غین نہیں سی ہسی عین پہلے پیا نقطہ تاں او غین ہویا
 ایس نقطے شور مچا دتا نقطہ عین ہویا نقطہ غین ہویا
 نقطہ ہے علم جیڑا تھلے جس نے سمجھیا ادنوں عرفان ہویا
 نقطہ ہے تے نقطہ ای عزیز ہے جیڑا نہیں ہیگا اوہو آن ہویا

ف

فکر دی کیڑی اے گل استھے گل سلطان دے ذکر دی اے
 جتھے فکر آہا وتھے ذکر کاہد جتھے فکر آہا نہ فکر دی گل اے

شرط ذکر دی فکر ہے بے شک تیکھی تلوار اس ذکر دی اے
مسمیٰ اسم داجدوں عزیز دس پے نہ فکر دی نہ فکر ذکر دی سے

فتویٰ چک کے ملاں تو گھر لے جا۔ تجھے شرع واکوئی قانون ہے نہیں
کراں وانگ منصور دے دیا سولی لکھن واسطے کوئی مضمون ہے نہیں
دین واسطے ڈولنا خون پیندا تسی دینا نہیں لوکاں وچ ہے نہیں
باغی شرع دے باکم دیکھ ماں تائیں گل دے وچ سوز ہے نہیں

ق

قادر دے ہتھ ڈور ساڈی اسیں نجدے جیویں نچائے قادر
بگزی ایس توں اپنی نہیں بن دی بن جاندی جے اے بنائے قادر
اسیں قادر ابلیس نوں من دے نہیں کر دے اُدھو جو کرائے قادر
ساڈا ہونا عزیز شریک ہوندا ہیگا اکو ای اے لا شریک قادر

قلب دے گرد طواف کر توں وچ ہے مویٰ وچ ہے طور دسدا
ست پردے زمین آسمان ستاں وچ نور سب دا ظہور دسدا
وچ آب حیات تے خضر تیرے وچے بیڑی تے بیڑی دا پور دسدا
دیکھن دلیاں نوں نیڑے دس پیندا دور دلیاں نوں بے شک دور دسدا

شیشے قلب وچوں پنج تن پاک دسدے پنج تن دا وچ ہے نور دسدا
اول آخر عزیز مقام وچے نہ نیڑے نہ ہے دور دسدا

=====

ک

کافر ہونا پے گیا سانوں جدوں کفر وچوں نظری یار آیا
کافر عشق دے ہاں کافر عشق ساڈا بنناں ویکھیاں نہیں ایمان آیا
اساں اودوں دی عشق نماز نیتی بن کے جدوں دا عشق امام آیا
کافر کہن کافر تد عزیز کی اے ہتھ کفر دے وچوں اسلام آیا

=====

کہیڑا روپ نہیں دس بہروپے دا ہراک شان شوکت روپ رکھ دا اے
روپ روپ تے فدا ہو جاندا جلوہ دیکھ کے روپ دی اکھ دا اے
پتھر پھلاں دی منزلوں ننگ اگے مزہ روپ ہی دا چکھ دا اے
بناں روپ بہروپیا لکھ دا نہیں روپ نال باآم سوا لکھ دا اے

=====

گ

گزارن تھیں گزر پہلے گزر ہو جائے تیرا
 صفت انسان توں ہے صفت رحمان تو ہے
 عشق دی کان توں ہے حُسن دی شان توں ہے
 میں میں کہندا توں ہے توں توں کہندا توں ہے
 ہر اک صفت تیری صفتاں وچ رہندا توں ہے
 لا اِلهَ کہہ کے پے اِلَّا اللہ کہندا توں ہے

=====

ل

لا لگدا اے ہر اک شے تائیں بناں لا دے لگدا لا ناہیں
 لا وچ لپٹا سب کجھ اے بناں لا دے ہندا الہ ناہیں
 بشر رکھ الہ نظر آیا بناں لا دے الف نوں تھاں ناہیں
 عزیز الہ پہلے لا فیر ہوسی وچ لا دے لگدا لا ناہیں

=====

لگدے لام نوں حرف تے لام الف لگدے میم تے
 تے ایس وجود نوں لگدے آروح جسم تے ہیں مثال تے
 الف لام میم با مسمیٰ تے ہے معنی ایہو کھلے نوں لگدے حرف تے
 اول آخر عزیز تے ظاہر باطن وحدیت وحدت احدیت تے

=====

لکھ لکھ لعنت اے اوں قوم اُتے
 جیڑی بکدی سرے بازار ہووے
 فتح اوں نے کسے تے کی پاؤنی
 جیڑی قوم قوم دی خدار ہووے
 حسد کتیاں وانگ جو قوم رکھے
 اوہو جگ دے وچ خوار ہووے
 کشتی ادناں دی بالیاں بھنور وچ پھس جاندی
 نہ او اُلاں تے نہ او پار ہووے

=====

ا مکان دی لا مکانی بے نشان دی بے نشانی
 عرش فرش تے ایہو شور بناں محمدؐ نہ کوئی ہور
 ہر ہر پاسے پئی پکار جی کہن توں ڈر نا یار
 شاہ عبداللہ پیر نے باآلم دل دا بھرم مٹایا
 لام الف تے میم دا جدوں کھول کے راز بتایا

چاہے لف نوں میم آکھدے چاہے میم نوں الف پکار

=====

م

ملاں کولوں پچھیا جا کے لکھیا دے اللہ
نال دیواراں ششے اندر سیاہی نال لکھیا اللہ
چک کتاباں روڑھن چلے بڈھا ہو گیا اللہ
عزیز اللہ نوں خوب پچھتا مکھڑ شاہ عبداللہ

=====

ملاں جے سٹ کتاباں جاندوں یاں نظراں عشق ملاندا
پھڑ پھڑ گھر لیاوندے تینوں توں پاگل پیا سدوئدا
سرمنہا کے پچھ لواندوں پیا تیل کناں دج پاندا
تے مجنوں وانگ رپچھ دے نچیا تینوں بندر وانگ نچاندا

=====

میم نوں دیکھدا میم پیا ہناں میم دے ہے ہور کھیرا
میم عرش اوئے میم فرش اوئے باطل دیکھنا غیر ہے دہم تیرا
جناں میم ہناں ہور دیکھیا اے اوہ دس دیوے ہور ہے جیڑا
ہناں میم نہیں گل عزیز کردا ہناں میم دے پڑھے قرآن کھیرا

=====

ن

نفس اوتے ہو جا غالب امن نال وسے تہ شہر تیرا
وہم سپہ سالار ابلیس دی کٹ گردن فوج نفس تے گزر جائے قہر تیرا
منہ نفس دے نئی لگام دے اکھ جھمکیاں مک جائے پندھ تیرا
فوج روح دا ہووے عزیز قبضہ وچ بولدا آمردا امر تیرا

و

واں توں سنڈ راں نفس والا مل ذکر پنجا لڑی شوق والی
پاس انفاس دے کھوہے دادے پانی واں ہوئے زمین توحید والی
بیچ تن دے عشق نال بودے اوتے فیر سہاگی یقین والی
کرم شاہ عبداللہ عزیز کر دے کھیتی پک جاوے تیری دید والی

دے ملاں تینوں ہوش نہیں سانوں رب دیس عرش معلے
کوئی جگہ نہیں اوس توں خالی ہر ہر پتہ ہر ہر ڈالی کرے ہر جگہ نور تجلے
جے ست گر نوں ٹولیں توں بوبا کو ٹھڑی دا کھولیں توں
تیرے دل دی ہو جائے تسلی دے ملاں ہر دم اندر لا توں
وہم دوئی نوں جڑوں اڑا اکو ہو جاندا قل ہو اللہ
گر عبداللہ دے چل باکم ڈیرے اک مسنہ اسم بھیرے



ہر صورت نور تجلا اے ہر صورت اللہ اللہ اے
 کتے لا بنیا کتے میم بنیا او فیر اک اکلا اے
 بن صورتاں ناں قرآن گیا جد ایس صورت نو پہچان گیا
 اے صورتاں ساریاں کدیاں نے جیڑی صورت قل ہو اللہ اے



ہیگا بے شک ہیگا جے کر دیکھیا نہیں تے کی ہیگا
 چھڈ شرع طریقت جان گیا اگے سی ہیگا جیڑا ہے ہیگا
 ہیگا کہہ ہیگا کدے نہیں ہیگا کدے ہے ہیگا
 شاہ عبداللہ دیکھائے کیہ دیکھائے دے عزیز ہیگا



ی

یاد آئی پھچانیاں میں جواں نہں وچوں ماں وچ عیاں آیا
 گنڈھ کھول کے دیکھیا پھول کے یاں میں ہی نہاں تے میں ہی عیاں آیا
 جیڑا راز مخفی اُوہو سی راز میرا ہر مرتبہ میرا مقام آیا
 ہوئی فنا بقا عزیز میری میں ہی الا اللہ تے میں ہی لا آیا



یاد اندر گزرن دم تیرے جس وچ یاد نہیں او نہیں دم تیرا
 دم وہم ہوندا دم فہم ہوندا غیر دم وچ نکلے نہ دم تیرا
 اک لکھ تے چووی ہزار وچوں شاید میتاں جائے کوئی دم تیرا
 وچ دم دے دم عزیز ہو کے ہر دم چمکے دم دم تیرا

=====

بابا بالم سرکار نے اردو زبان میں بھی عارفانہ کلام کہ جو درج ذیل ہے۔

=====

أَنَا أَحْمَدُ بِلَا مِيمٍ ○ (الحديث)

مگر میں کہہ دوں تو کہنا بجا ہے خدا ہے محمدؐ محمدؐ خدا ہے
 کہا جب لا تو رہا مگر للہ محمدؐ کی صورت بولے خدا ہے
 تعین کے ساتھ تعین ہے ثانی ظاہر میں محمدؐ باطن خدا ہے
 عزیز لا مکاں خود مکین ہے محمدؐ ہی جلوہ گر ہے یہی پیشوا ہے

=====

أَلَا إِنْسَانٌ سِرِّي وَأَنَاسِرُهُ ○ (الحديث)

میری ہستی میرا حجاب تھا تا کہیں ہر ہر جاء جدا دیکھا
جب نقطہ غیر مٹا دیکھا پھر ہر ہر جائی پر جا دیکھا
پھر حق پرستی بندگی کیسی کہ ایک ہی جب خدا دیکھا
نہ ہونا ہی ہستی میری جب محض نابود مٹا دیکھا
وحدت میں کبھی جادیکھا کثرت میں کبھی آدیکھا
مطلوب اور طالب ایک ہووے جب دل سے مٹا دیکھا
اُدھر عاشق اور معشوق نہیں نہ عشق ہوتاں نے جا دیکھا
نہ ہوش عزیز بند زبان نہ کھو دیکھا نہ پا دیکھا

لَا صَلَوةَ إِلَّا نَكْصُورَ الْقَلْبِ ○ (الحديث)

ہاتھ میں پیکانہ میرے بگل میں میرے صراحی ہو
چپ تے جا پا کیسے زاہد رو برو جد مائی ہو
در در میں آکھاں پی لو جو تلاش مائی ہو
جیسے ملے ویسے ملے دلبر تیرا مائی ہو
ناممکن انکا ہوش میں آنا رندوں نے جسے پلا دی ہو
پردہ وہم اوٹھا کر دیکھ جلوہ گر اوہو مائی ہو

یہ زاہد نماز کیسی جس میں دلبر کی نہ رسائی ہو
 زاہد عاشق حوروں کا ذاتی عشق نہ رائی ہو
 عزیز ہو کہ گر عبد اللہ دے دج گر فیر میں مکائی ہو

=====

وَيُسْقَوْنَ فِيهَا كَأْسًا كَانِ مِرَاجُهُا زَنْجَبِيلًا ۝

(سورة الدھر آیت نمبر 17)

ساقی تیرے در پہ ہم بھی پئے آگئے
 پیتے نہیں پلائے جا اب جو پئے آگئے
 زخم تھا جو دل پہ تیرے در پہ سینے آگئے
 جینے کو تو جیتے ہیں مر مر کے جینے آگئے
 ساقی دے اپنے کرم سے جس میں نظارے وحدت ہوں
 پیمانے سے نہ پیئیں گے آنکھوں سے پئے آگئے
 حرام ہے جینی شراب زاہد پھر بھی پئے آگئے
 پیتے ہیں عاشق دار پہ ے توحید پئے آگئے
 کون کہتا ہے حرام ہے شوق شراب
 سرکار دیئے جاتے ہیں عزیز پئے آگئے

=====

وَأَنَّ هَذَا صِرَاطٌ مُسْتَقِيمٌ فَاتَّبِعُوهُ ۝

(سورۃ انعام آیت نمبر 153)

میری نماز بندگی نہیں سیدھا راہ مانگتا ہوں پتاہ مانگتا ہوں
دوزخ سے مجھ کو کیا غرض ہے جنت اور حوریں میں نہ مانگتا ہوں
نہ آزادی نہ ہوشیاری نہ پابندی نہ وصل نہ جدائی نہ ہجر مانگتا ہوں
نہ ہستی نہ دونوں جہاں چاہے مجھ کو نہ نیکی نہ بدی نہ ایمان مانگتا ہوں
عزیز بتا تو کیا مانگتا ہے خدایا میں تجھ سے تجھے مانگتا ہوں

=====

فَاذْكُرُونِي اَذْكُرْكُمْ ۝ (سورۃ بقرہ آیت نمبر 152)

نگاہیں وہ تیری ساتی کچھ جلوہ دکھا گئیں
جلوے سے پہلے مجھ کو کچھ مے پلا گئیں
چلمن کے پر دے پر سے وہ بجلی چلا گئیں
نگاہیں وہ شوخ تیری مجھ کو مٹا گئیں
آتے ہی ہوش مجھ کو یہ دل میں آگئی
ساتی نے کم پلا دی تب ہوش مجھ کو آگئی
نگاہیں عزیز تیری کیوں اُس سے جدا ہو گئیں
وہ تصویر جس کی تھی نگاہیں اُس کو پا گئیں
ساتی تیری نگاہ وہ جلوے دکھا گئی
جیسے مکے بھرے ہوئے مجھے ساغر بنا گئی

=====

میرے بڑے بیٹے یاسر عثمان پر کلام وارد ہونا شروع ہوا جس میں سے کچھ کتاب کے آخر میں دے
رہا ہوں

=====

وَفِي أَنْفُسِكُمْ أَفَلَا تُبْصِرُونَ ۝

(سورة الرايت آیت نمبر 21)

عجب سا اک آج میں سماں دیکھ رہا ہوں
اس کو خود میں میں رواں دیکھ رہا ہوں
جس سے چھپاتا ہوں میں عشق کی آگ
اسی کو اپنا میں مہربان دیکھ رہا ہوں
جسے ڈھونڈتا ہوں میں دشت و صحرا میں
عجب ہے کہ اس کو میں اپنا مہمان دیکھ رہا ہوں
جو بستا ہے میرے وجود کے پنہاں خانوں میں
اسی کو میں یہاں وہاں دیکھ رہا ہوں
بات فقط اتنی سی ہے یاسر
آج میں اس لامکاں کو دیکھ رہا ہوں

=====

وَهُوَ مَعَكُمْ أَيْنَ مَا كُنْتُمْ ۝

(سورۃ المائدہ آیت نمبر 4)

عرش پر وہ بتا کہاں ہے
 میں ڈھونڈتا ہوں وہ رہتا کہاں ہے
 میری ذات میں اس کا بسیرا کہاں ہے
 میں سوچتا ہوں وہ چھپتا کہاں ہے
 کبھی پردہ ہے کبھی بے پردہ
 میں لکھتا ہوں وہ پڑھتا کہاں ہے
 اپنی ذات کی بھول بھلیوں میں
 میں چاہتا ہوں دیکھوں وہ دیکھتا کہاں ہے
 احدیت کے لامکاں سفر میں
 میں ہارتا ہوں وہ جیتتا کہاں ہے
 میں اور تو کے تضاد میں اکثر
 میں جھکتا ہوں وہ ملتا کہاں ہے
 اس کی نظر میں رہوں میں سدا
 میں تو بکتا ہوں وہ خریدتا کہاں ہے

اللَّهُ نُورُ السَّمَوَاتِ وَالْأَرْضِ ۝

(سورة النور آیت نمبر 35)

الف اور میم کی لام علی ؑ ہے
 اللہ بھی علی ہے محمد ؑ بھی علی ہے
 احدیت و وحدیت کا راز ہے جو
 وہ پردہ بھی علی ہے پس پردہ بھی علیؑ ہے
 ذرے ذرے میں جو بستا ہے نور الہی
 اس نور کا وضو بھی علی ہے کلمہ بھی علیؑ ہے
 اک تصور جو حقیقت کا گماں دیتا ہے
 عرش کا تنہا بھی علی ہے حکمران بھی علیؑ ہے

=====

وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا ۝

(سورة العنکبوت آیت نمبر 69)

دیر و حرم کے نسانے بن گئے
 خانقاہوں میں میخانے بن گئے
 آ کے پیٹے ہیں جام ساتی سے جو
 وہی جام ایمان کے پیکانے بن گئے
 دیر و حرم میں بہت ڈھونڈا مگر وہ نہ ملا
 نماز یار میں دلکش نظارے بن گئے
 آئے تھے دل تھام کر ٹوٹ نہ جائے کہیں

جو دیکھا حسن یار درد کے بھی ترانے بن گئے
میں کون ہوں کیا ہوں میں نہیں جانتا
اسی بات پر یاسر وہ ہمارے مہمان بن گئے

=====

فَسْئَلُوا أَهْلَ الذِّكْرِ إِنْ كُنْتُمْ لَا تَعْلَمُونَ ○

(سورة الانبياء آیت نمبر 7)

الف اللہ کر اعتبار میاں
چل میم دے بوہے کر سوال میاں
اے راز بے عین دا لہہ لیا توں
فیر نہ کریں ایس توں انکار میاں
الف تے میم کل کائنات میاں
عین ہے اوناں دی روداد میاں
اے گل نہیں مکئی بناں عین میاں
عین ہے اوناں دی پہچان میاں
تو کلمے دی رمز توں پہچان میاں
جو حاضر ہے اوہو رب رسول امام میاں

=====

آنکھ میں میری ہیں چاہت کے آنسو
دل میں میرے بسا ہے تو ہی تو
تیرے دم سے ہے میری منزل خوش رو
دور سے تیرے ہی ملا خدا رو برو

تو ہی ہے میری اُمیدوں کی خوشبو
تو ہی ہے منزل تو ہی ہے جستجو

=====

الف اے عارفاں دا درد کلام میاں
تو ایسے دی کر پہچان میاں
دیتا عارفاں نے کھول اے راز میاں
تو ایسے دل کر دھیان میاں
تو لہ لے بار تینوں نہیں ملنا
یار ہی ہے روپ بھگوان میاں

=====

احدیت اے وحدت دا کلمہ
تے وحدت وچ خدائی
کلمہ نفی اثبات دا پڑھیا
تاں دیکھی اس دی کل خدائی
نظر دے ایس پردے کچھے
اُس دی ساری خدائی

=====

هُوَ الْأَوَّلُ وَالْآخِرُ وَالظَّاهِرُ وَالْبَاطِنُ ○

(سورة الحديد آیت نمبر 3)

کفر	وچ	اے	یار	دا	جلوہ
تے	اُس	وچ	وسے	خدا	
دوناں	دی	ہے	اک	صورت	
تو	یار	وے	نال	نبھا	
عشق	اے	کفر	دا	نال	
تے	جذباتاں	دا	نہ	کوئی	تھاں
عشق	منگی	سدا		قربانی	
اے	تماشا	کوئی		نا	
ہویا	فقیر	تے	پایا	راز	
ادھر	اُدھر	یار	سوا	ہور	کوئی
لبھ	لصیں	تو	یار	نو	اندر
تے	دوجا	خدا	کوئی	نا	